

**NATIONAL ASSEMBLY OF
SEYCHELLES**

Monday 11th November 2024

The Assembly met at 0906 am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab. Bonzour nou *staff* ki pe akonpanny nou dan Lasanble, espesyalman nou *Sergeant at Arms*, Antoine Rose ki'n retournen apre en labsans pour reason medikal. Byenveni. Bonzour nou piblik ki pe swiv nou pour nou travay sa semenn.

Parey nou konnen, nou pe komans *Committee Stage* lo Bidze 2025. Zis pangar mon bliye apre, ozordi 11 er, letan ki 11 er, le onzyenm zour mwan, onzyenm mwan, i koutim pour lemonn antye obzerv en minit silans lo - an memwar Lager Mondyal e bann dimoun ki'n desede aköz sa. E dan Sesel osi nou annan sa koutim e nou pour fer li.

E an realite SBC osi pour aret transmisyon pour en minit silans. So, nou pour aranze pour nou osi ler nou antre 11 er, pran en minit

silans avan nou kontinyen avek nou travay.

Prezan nou pare pour antre *Committee Stage* e mon a demann Serzan pour pas nou dan Staz Komite e madanm raporter pour apel Minis e son zofisye.

**MINISTRY OF INVESTMENT
ENTREPRENEURSHIP AND
INDUSTRY**

MR SPEAKER

Alor, bonzour Minis pour Lenvestisman Lantreprenarya e Lendistri. Mrs Devika Vidot e bann zofisye Mr Michel Nalletamby Sekreter Prensipal pour sa Minister, Ms Shierley Marie son *Financial Controller* e Ms Lynn Rouillon son *Senior Human Resources Budget Management Officer*.

Byenveni zot tou, pour konsiderasyon zot Bidze dan Lasanble. Parey bann Manm i konnen sa sesyon Komite i konsern bann sif ki dan Bidze.

Alor mon rapel zot pour gard zot kestyon lo spesifikman, lo sa ki dan Bidze. I pa lemoman pour egzamin Polisi oubyen stratezi Minister, eksepte an relasyon avek sif ki dan Bidze.

E mon krwar dapre koutim, Minis nou komans avek enn pti lentrodiksyon par ou lo prezantasyon ou Bidze. Minis ou annan laparol.

MINISTER DEVIKA VIDOT

Mersi Mr Speaker. Bonzour Mr Speaker. Bonzour tou bann Manm Onorab e bonzour tou bann dimoun ki a lekout.

Mr Speaker, Minister Lenvestisman Lantreprenarya ek Lendistri pe propoz en Bidze R24.228 milyon pour lannen 2025. Sa i reprezant en rediksyon en pe plis ki 12 milyon konpare avek Bidze Revize pour sa lannen.

Sa rediksyon i prensipalman an relasyon avek sonm ki nou ti met dan Bidze pour 2024, pour devlopman nou sistenm nimerik pour fasilitasyon biznes.

An 2026 e 2027 Bidze sa Minister ki nou pe propoze, i 25.136 milyon e R25.2 milyon respektivman. Minister i kontinyen son travay pour amelyor lanvironnman biznes, dan Sesel.

Malgre i annan bokou ki'n deza fini ganny fer, i byensir reste ankor bokou pour nou fer.

Alor avek sa Mr Speaker, mon demande ki Lasanble Nasyonal i aprouv nou Bidze. Mersi.

MR SPEAKER

Mersi Minis. Alor nou pe konsider Bidze pour Minister Lenvestisman Lantreprenarya e Lendistri, ki lo paz 533 ziska

539 dan liv Bidze e sa pour en total R24milyon 228 mil.

Onorab Terence Mondon, ou kestyon?

HON TERENCE MONDON

Mersi Mr Speaker. Bonzour Minis avek ou lekip. Mon kestyon i relye avek sa *software* ki zot *procure* sa - pour 2024. Si ou ti kapab donn nou en pe detay si sa *software* zot in fini aste.

Epi mon war ki zot *maintenance services*, in sorti 12 mil 2024 pour vin 6.107 milyon pour 2025. Mon ti a kontan en leklersisman aköz sa gran logmantasyon. Mersi.

MR SPEAKER

Mersi. Minis, ou a diriz ou *panel* silvouple. Zis mon a demann bann manm *panel* lev zot lanmen letan zot pe al reponn. Wi, Mr Nalletamby Sekreter Prensipal.

PS MICHEL NALLETAMBY

Mersi Mr Speaker. Bonzour tou dimoun bonzour Mr Speaker e tou Onorab. Konsernan sa *software* Mr Speaker, nou egzakteman la dan paz evalyasyon bann *tender*, bann *bid* ki'n ganny fer ki ti fermen le 15 Oktob.

E nou pe evalye li la pour nou ganny bann kontrakter pour devlop sa *software* la.

Konsernan sa 6 milyon ki'n ogmante, sa i egzakteman

dan *maintenance fee* nou ti'n prozekte pour soutenir sa *software* ler i an aplikasyon; pour *maintenance*, pour *hosting sa software*. Mersi Mr Speaker.

MR SPEAKER

Wi, Onorab Mondon, ou le klersi?

HON TERENCE MONDON

Yes, Mr Speaker. Sa *software* egzakteman ki sipoze fer? Ki kalite *software* sa? Mersi.

MR SPEAKER

PS ou a kontinyen.

PS MICHEL NALLETAMBY

Mersi Mr Speaker. Sa *software* i *actually* tonm dan sa ki nou ti apel *investment portal*. I sipoze en platform ki annan – ki fer 2 servis.

Enn, pour met tou lenformasyon investisman e biznes lo la ki dimoun piblik an zeneral i ganny akse avek. E bann *businessmen* i kapab ganny tou zot bann regilasyon e standar ki zot sipoze pe respekte.

Menm bann ki annan nide fer biznes zot a ganny akse ek bann lenformasyon nesaser. Dezyenm porsyon se pour fer nimerik - bouz nimerik lo bann prosedir ki ou bezwen pase pour fer bann prosedir lenvestisman, *licensing* e tou.

So, i pe *digitalize* nou bann prosedir pour fer li en pe pli fasil e pli aksesib. Mersi Mr Speaker.

MR SPEAKER

Mersi PS. Mon a zis adres enn pti mankman. Mon pa ti'n rekonnet bann zofisye Departman Finans. Ms Astride Tamatave Sekreter Prensipal pour Finans e Ms Terryll Adrienne *Senior Finance Analyst*. Byenveni zot osi dan Lasanble.

Kestyon Onorab Aglae?

HON EGBERT AGLAE

Mersi Mr Speaker. Mon a dir bonzour Minis avek ou *whole panel*. Minis mon annan de kestyon. Premyerman kot i konsern, *office building and rent*. Mon war i annan en logmantasyon *compared to* sa lannen la, ki pe mont pour 455 mil.

Si ou kapab donn nou enn pti leklersisman aköz sa e kote ki ou pe lwe landrwa? E dezyenmman kot i konsern en laliny ki oparavan ti napa - en laliny Bidze, '*marketing cost*.' Mon war environ R200 mil in ganny mete ladan.

Si ou kapab zis eklersi nou Lasanble, ki egzakteman sa market kalite *marketing* ki zot pe anvizaze fer? Mersi.

MR SPEAKER

Mersi Onorab. *Panel*, mon atann en siny. *PS yes?*

PS MICHEL NALLETAMBY

Mr Speaker. Mersi. Mersi Onorab pour kestyon. Sa *marketing cost* sa 200 mil i vremen - *DSTI* pe antre ek bann biznessmenn pour biznes plito pour asiste zot pour komans servi ankor *digitalization*.

E sa bann program se pour ed zot servi *internet*, *social media*, pour zot kapab market zot bann biznes, zot bann prodwi e tou. So se plito pour kree bann loportinite, bann *capacity building*, *training* pour sa bann biznes.

E develop zot kapasite *internet*, *social media*. *Rent* –

MR SPEAKER

Ou ti a kontan klarifye Onorab Aglae?

HON EGBERT AGLAE

Yes, dan ou *line* sa detay laliny la, si mon pour anmenn ou i anba, *other uses of good and services*. I tonm *office building and rent* 2024, 433 la i 455 mil. *P1* - anba -*P1*.

FINANCIAL CONTROLLER SHIERLEY MARIE

Bonzour Mr Chair. Mersi Onorab pour ou kestyon. Sa *rent* i anba laliny Minister Sekretarya, ti annan zis en *increase*.

MR SPEAKER

Wi, *Financial Controller* mon krwar. *Yes, go ahead*.

FINANCIAL CONTROLLER SHIERLEY MARIE

Mersi Mr Chair. Mersi Onorab pour ou kestyon. Sa laliny ki ou pe dir pour *office rent* i anba Minister Sekretarya. I ti en *inflation* par 5poursan ki *owner* in fer monte. In ariv 37,883 mil par mwan. Ti en *slight increase* par 5percent. Mersi.

MR SPEAKER

Klarifikasyon Onorab? Nou a fer li vitman.

HON EGBERT AGLAE

Mersi Mr Speaker. Pour ou premye kestyon ki mon anvi klarifye, aköz ler mon'n ekout ou *PS*, ou pe dir nou poudir ou pour servi sa larzan ki pe ganny mete ki pa ti en laliny Bidze la pour 2025, pour fer bann *training software*, bann zafer medya la ou pe dir.

Me selman ou annan en laliny *training fees* ankor ki ganny mete la. Konmsi mon pe rode aköz zot in met li dan *marketing cost*, dan plas ou ti kapab fer li fer en sel antre anba *training*? Zis en kestyon mon anvi demande, klarifye.

MR SPEAKER

Wi. *Ok, PS*, wi?

PSMICHEL NALLETAMBY

Mr Speaker, mon krwar mon'n fer en lerer. Mon *apologize*. I - *sorry the business unit* ki nou pe devlope, pour fasilite *the ease of doing business*.

Nou pe etabli en *unit within* Minister, ki pour adres bann difikilte ki bann biznes i konplent, i fer fas avek, zot raport ek nou. E nou, nou pe etabli sa.

So, *the marketing of sa unit*, pour fer piblik konnen sa i egziste. Mon *apologies* Mr Speaker.

MR SPEAKER

Thank you. Onorab Vidot, ou kestyon.

HON AUDREY VIDOT

Mersi Mr Speaker. Bonzour Mr Speaker, tou Manm Onorab, Minis ,ek ou delegasyon e tou dimoun ki a lekout.

Mon kestyon pour Minis. Anba, *special programme 2* kot '*management and administration*', eski Minis i kapab eksplik nou ki sa logmantasyon 15 milyon pour sa lannen konpare avek 15 milyon an plis pour 2025 konpare avek Bidze 2024 dan vot pour *VVIP*? Si ou kapab donn nou en leklersisman.

E dezyenmman, nou'n war pour dir i annan osi en logmantasyon pour Bidze 2025. 5 milyon an plis pour *hire charges* pour bann

transportasyon. Ler mon pe regard pour bann *other transportation cost* in desann, petet si ou ti kapab dir nou, pour ki rezon ki zot war poudir zot bezwen sa logmantasyon? Mersi.

MR SPEAKER

Thank you. Onorab. Panel. Yes, PS, go ahead.

PS MICHEL NALLETAMBY

Mr Speaker, nou kapab rod en pe klarifikasyon ankor sa kestyon *please*.

MR SPEAKER

Silvouple. Wi.

HON AUDREY VIDOT

Mon ti le leklersisman anba *special programme 2* kot *Ministry* anba '*management and administration*'. I annan ne logmantasyon 15 milyon dan Bidze 2025 an plis konpare avek letan zot ti prezant Bidze 2024.

Ki – anba *goods and services* en. Si zot kapab klarifye. Apre osi, mon vwar osi kot *hire charges for vehicles*, sa osi mon vwar i annan en logmantasyon. Kontrerman mon war zot in diminyen *cost* anba *other transport*.

MR SPEAKER

Mersi. Ms Tamatave, pour pran laparol.

PS ASTRIDE TAMATAVE

Mersi Mr Chair. Mr Chair, mon ti zis anvi petet eksplik Onorab. Petet i pe mal lir *figures*. Onorab, ou pe *refer* milyon dan plas mil. Wi. Se sa ki pe kree konfizyon.

HON AUDREY VIDOT

Mil – *sorry*.

PS ASTRIDE TAMATAVE

Wi.

MR SPEAKER

PS, ou adres keston.

PS MICHEL NALLETAMBY

Mr Speaker, ankor mon pe rode ki latab ki Onorab pe fer referans avek. Silvouple.

MR SPEAKER

Petet Ms Tamatave i kapab klarifye.

HON AUDREY VIDOT

Si i al anba Minister kot mon'n met *SP2* anba, '*management and administration*'. Mon pe fer referans anba vot, *other goods and services*, *ok?* Kot mon'n koz lo *VVIP*, mon vwar i annan en logmantasyon; 2024 ti 5 mil la in monte in vin 15. Zistifikasyon.

Aprè osi mon'n desann anba kot pour *vehicle*. I osi i annan en logmantasyon. Pour bann *vehicles hires* en - sorti

5, 2024 pour mont 10 pour 2025.

Me selman mon'n vwar anba *other transportation cost*, li ki ti sorti 15 in desann 12. Petet ankor zistifikasyon. Mersi.

MR SPEAKER

PS, *yes*.

PS MICHEL NALLETAMBY

Mr Speaker, sa i fer referans ek bann servis ki nou servi regilyerman. *Including* parey nou servi, si nou servi *VIP Lounge* i ogmante nou peye.

Sa desann ki'n desann nou'n revwar nou bann servis transpor. Nou pe sey fer en pe plis efikasite e planifye nou servis. E nou ti annan bann transpor nou servi ler nou bezwen, petet nou loto i pe fer *servicing*, nou bezwen en transpor ki nou lwe.

Or ler nou bouz Praslin par egzantp, nou annan bann deplasman ki nou fer e nou bezwen sa bann transportasyon. Mersi.

MR SPEAKER

Byen. Nou a kapab kontinyen. Bon mon annan Onorab Lemiel, lev lanmen.

HON SYLVANNE LEMIEL

Mersi Mr Speaker. Bonzour Mr Speaker, Minis avek ou delegasyon, tou mon bann koleg Manm Onorab. Mr

Speaker, letan mon regard anba par egzanp letan zot in fer zot Bidze pour sa lannen, zot in fer sorti serten *challenges* ki zot pe gannnen. Enn ki mwan mon enterese pour konnen, se ki si Bidze 2025 pour al adres enn parmi sa bann *challenges*?

Sa *challenges* ki zot in mete, enn sa *challenge* se mankman kapasite enstitisyonnel pour siport devlopman kad lenvestisman e lanvironnman biznes.

So, mon kestyon I, kwa ki dan Bidze 2025 ki zot in mete, pour ede amelyor lanvironnman biznes? Mersi Mr Speaker.

MR SPEAKER

Mersi. *PS, yes.*

PS MICHEL NALLETAMBY

Mr Speaker. Mersi Onorab, pour kestyon. I annan plizyer keksoz nou pe fer kontinyen fer. Sa *digitalization* ki nou pe fer i reste kle. Me solman nou pe osi ogmant kapasite diferan lenstitisyon otour nou.

Sa *Ease of Doing Business Unit* ki mon fek mansyonnen taler, i parti sa prosedir pour nou konpran ki difikilte ki bann dimoun pe fer fas avek. E kwa ki nou bezwen fer *from there* pour nou adres sa bann difikilte.

Minister i osi travay ek bann diferan lorganizasyon

pour siport, ogmant kapasite non selman bann biznes, be osi kapasite nou bann Lenstitisyon *ESA, SIB*.

E nou annan par egzanp bann *training* ki nou'n fer dan lepase. Par egzanp *ITC*, kot zot in ed nou, *build* nou kapasite pour menm *intern build capacity* sa bann biznes.

So sa bann keksoz ki dan program ankor sa lannen pour nou kontinyen devlop kapasite. Mersi Mr Speaker.

MR SPEAKER

Mersi *PS*. Onorab Pillay?

HON SEBASTIEN PILLAY

Mersi Mr Chairman. Mon ti a kontan demann Minis sa bann kestyon swivan;

Mon pe regard anba ou *governance and administration*, an tou ou Bidze pour 2025 sipoze sa program 17.03 milyon ki en *base* 13 milyon ki zot in dir sa 13milyon i al avek sa *digitalization* ki zot in fer.

Be mon pe sey *link* sa avek *assumption* ki'n ganny fer dan Bidze Mr Speaker. Bidze in dir nou poudir sa Minister i sipoze kle dan ede kree nouvo lendistri, ede kree nouvo biznes, ede kree bann nouvo aktivite.

Mon regard dan son bann *challenges*, e son bann program mon pa war okenn *performance indicator* ki

montre ki in kree nouvo biznes, in kree nouvo aktivite. E mon vwar en bes signifikan dan son Bidze. *Let's -*

Menm si zot dir mwan poudir sa i al pour *digitalization*, me *the basic budget assumption* ki Lasanble in swadizan aprouv Bidze lo la, i pa fer sans vizavi sa Bidze. Alor kestyon, premye kestyon ki mon annan pour Minis;

Ki mannyer ou pour *achieve main assumption* ki'n ganny mete dan Bidze pei, si ou pe war en rediksyon sibstansyel dan ou Bidze e ou pa pe war en logmantasyon dan bann *areas* anba program Polisi. Akoz se sa departman ki dil ek Polisi.

Ou pa'n fer okenn ogmantasyon pour ki ava annan devlopman program e Polisi. Sa i mon premye kestyon.

Prezan mon dezyenm kestyon Mr Speaker, sa Bidze i sipoze ganny prepare lo en baz ki mannyer sa bann *policy* in marse. E nou pe vwar en Bidze Mr Speaker pour 2025 i pour 24.2 milyon.

Mr Speaker, mon ti a kontan demann Minis, dan sa bann *areas* ki i sipoze fer bann aktivite, konbyen nouvo biznes ki'n antre par egzanp? Mon konnen serten sa bann kestyon pour debord bann

kestyon ki annan pour fer avek *ESA*.

Me la nou pe koz *from a policy perspective* si zot in anmas sa lenformasyon, konbyen nouvo biznesmenn ki'n antre dan biznes kannel? Konbyen nouvo biznesmenn ki'n antre dan biznes lavannir?

Konbyen konmsi sa nouvo biznes ki'n vini i e ki zot kontribisyon ki zot in donner in terms of reveni pour pei?

E mon dernyen kestyon Mr Speaker. Ler mon regard son *wages and salaries*, zis anba son program pour li Minis i 2.1 milyon. E i annan zis en *small increase*; sa bann *small increases* i pa en *issue*.

Me ki nou ti a kontan konnen Mr Speaker, se dan sa Minister menm, konbyen *staff* ki annan ki pe travay. E konbyen ki'n aret travay pandan sa lannen? Mersi Mr Speaker.

MR SPEAKER

Mersi Onorab. Minis, ler ou pare oubyen ou *panel*?

MINISTER DEVIKA VIDOT

Mersi Mr Chair. Pour ou premye parti kestyon an relasyon avek Bidze, mon ava donn laparol *PS* pour li adrese. Me mon ava adres bann leres parti kestyon.

Trwazyenm kestyon ki Onorab in demande, mon ti

dan Lasanble de semenn pase mon'n fini donn en larepons.

Nou ava - ou ava kapab ganny statistik ...

(comments off-mic)

MR SPEAKER

Hold on. Minis, ale terminen.

MINISTER DEVIKA VIDOT

Ou a kapab ganny statistik lo lakantite *staff* ki nou annan, si nou annan, sa lenformasyon avek nou.

An relasyon avek bann nouvo biznes dan nou *performance indicators*, wi i annan. I annan bann mezir ki nou met an plas pour nou kapab rezistre, regarde kantite biznes ki antre dan bann diferan sektor.

Parey mon'n fer resorti oparavan, nou annan nou en *unit* operasyonnel dan Minister konmela, ki fer li son devwar pour kolekte lenformasyon, analiz sa bann lenformasyon, e nou fer sa lo baz vreman regilye.

E dan bann lazans osi, parske se zot prensipalman ki travay avek bann biznes. I annan bann *unit* ki'n ganny formen, kot zot fer bann travay lentelizans zot kolekte.

Mon anvi zis - Mr Speaker, mon ti eksplik sa lannen pase letan mon ti pe fer mon Deba Bidze, mon ava eksplik li ankor enn fwa, an

relasyon avek sa ki Onorab *Leader* Lopozisyon in fer referans avek lo bann sektor, tel parey kannel, lavannir.

Byensir premye responsabilite an premye, responsabilite nou Minister koman Minister Lendistri, se met ater en plan lo ki mannyer sa bann lendistri i ganny formen. E nou'n fini fer sa.

Dezyenmman, nou responsabilite i al anver lavertisman, pour nou ankouraz dimoun pour antre dan sa bann sektor. E i demontre zisteman Onorab. Parski ou demann mwan kestyon lo la, savedir ou okouran poudir nou Minister i a pe fer bokou lavertisman pour ankouraz dimoun antre dan sa bann sektor.

Trwazyenmman, an sa ki konsern nou Minister spesifikman. Parey nou non i dir nou Minister Lendistri. Setadir *focus* se lo bout segonder lendistri, lo *manufacturing, processing*. E sa osi nou'n fini fer nou bout.

Nou'n met a dispozisyon omwen trwa morso later kot nou pe ankouraz bann dimoun, pour donn zot posibilite pour zot fer *manufacturing*, pour zot fer valer azoute avek sa bann matyer de baz.

Ankor enn fwa mon pour repete ki lavannir, kannel i en bann prodwi agrikol; i annan

en Minister ki responsab pour son kiltivasyon. E alor petet ti ava enteresan ki ou pas sa bann keston osi avek sa Minister ki konsernen, parske li ki responsab pour sekter primer pour sa lendistri.

Antretan Mr Speaker, mwan mon vremen ankouraze pour vwar bokou dimoun ki'n antre dan sa bann sekter e zot pa pe zis fer kiltivasyon, me zot pe fer bokou valer azoute. Nou annan bokou bann prodikter lokal ki pe itiliz lavannir ouswa kannel. E zot pe enkorpor li dan zot bann prodwi.

E se sa ki nou, nou anvi vwar. E se sa kot nou lentere i vini an ki konsern Minister. Bokou dimoun mon krwar i sagren letan Onorab *Leader* Lopozisyon i sey boufonn sa sekter. Parske ou devret fyer ki nou annan bann dimoun ki valoriz, ki valoriz resours ki nou annan a nou dispozisyon.

Byensir lo kote leksportasyon, ankor enn fwa mon pour fer resorti, nou pa pour kapab zanmen *compete* avek sa bann resours lo en nivo mondyal. Parske tou sa bann pei, *once upon a time* nou ti lo en nivo. Me tou sa bann pei la zot in arive depas nou. Parske pour en rezon ou en lot dan lepase Gouvernman pa'n vwar li enportan, pa'n vwar li nesesser pour li investir dan sa sekter.

E byensir, mwan koman en zenn ozordi mon krwar poudir. Si in annan en, si i annan en group dimoun ki'n *fail* nou lo kote diversifikasyon, se Gouvernman lepase, zot in *fail* nou, zot in *fail* sa pep, zot in *fail* nou Nasyon, zot in *fail* mwan koman en zenn.

Zot in – parske zot pa'n pran desizyon ki zot ti merit pran pour fer sir poudir ozordi mwan koman en zenn, mon fitir ti pou'n fini – ti pou'n fini annan en semen kot koman en pei nou ti pe al ver diversifikasyon.

So ozordi Mr Speaker, Onorab Lopozisyon i anvi fer krwar ki nou annan en baton mazik; ki tou keksoz i kapab ariv ozordi pour lannmen. I pa li leka.

Me toudmenm Mr Speaker, nou kontinyen travay e nou kontinyen pouse pour nou pa repet bann fot ki zot, zot in fer dan lepase. Mersi.

MR SPEAKER

Mersi. Bon, mon ti a swet ki nou pa antre dan en deba lo politik - lo soz. Avan mon pas laparol avek lot zofisye, mon a pran ou *point of order* Onorab Pillay.

HON SEBASTIEN PILLAY

Mr Speaker, mon ti a kontan ki ou fer Minis konpran ki i desann lo son seval

premyerman. I la pour li reponn kestyon lo en Bidze ki'n ganny prezante. E mon annan tou drwa pour demann li lenformasyon pandan kestyon lo en Bidze e pour li donn mwan lenformasyon.

So si li in *fail* koman en Minister, sa pa mwan problem. Me si in donn lenformasyon avan e si

MR SPEAKER

Stop! Stop. Silvouple ...

HON SEBASTIEN PILLAY

Ou pa kapab dir mwan, *stop!*
Mon pa pe *stop!*

MR SPEAKER

Stop! Ekout mwan. Ekout mwan Onorab Pillay.

HON SEBASTIEN PILLAY

(Off-Mic)

MR SPEAKER

Ekout mwan! Mon pe koze ou ekout mwan! Mon pa anvi ki nou antre dan menm retorik ki nou'n abitye antre.

Onorab Pillay, rezon aköz nou'n al ladan se ki ou kestyon in lev size ki pe depann, ki pe fer en alegasyon lo lakantite sikse ki Minis in fer dan plan ki'n anonse lo kannel, lo lavannir.

I pa en – i pa en semen ki mon anvi pran pour sa Bidze. Donk, silvouple mon pe demann bann Manm e bann

zofisye annou reste lo sif ki dan sa Bidze silvouple.

HON SEBASTIEN PILLAY

(Off-Mic)

MR SPEAKER

Onorab Pillay, nou pa pe antre dan en largiman, si ou annan en klarifikasyon lo sif silvouple zis *state* li e nou a fer mannyer ganny ou repons.

HON SEBASTIEN PILLAY

Mon klarifikasyon lo sif i koumsa; Mr Speaker, sa Minister i annan 3 program, *governance, management and administration*. Premye program; en Bidze 17 milyon, ok?

I annan en dezyenm program, *management and administration* en Bidze 12 milyon.

I annan en trwazyenm program; *policy planning* en Bidze 3.5 milyon.

En katriyenm program Mr Speaker – en trwazyenm program – *(sorry)* - 3.6 milyon *science, technology and innovation*.

Mr Speaker, mon kestyon i al drwat ver Bidze. Ler mon regard sa dan *governance, management and administration* son Bidze 17 milyon, ok?

Sa bann lezot program ki sipoze annan en Bidze *wages and salaries* i pli o, i pli

ba. Prezan ou pe dir ek Minis, ou pe dir ek Lasanble, ki si mwan ki demann en Minis en kestyon dan letan Bidze pou dir mwan, konbyen *staff* ki ankor annan dan son Minister e konbyen *staff* ki'n ale dan son Minister, ou, ou pour les li pa reponn Lasanble, vi ki mon'n sit en *figure* la dan Lasanble?

Is that what you're telling me Mr Speaker? Is that lafason ki nou pour soutir en Minis pa reponn kestyon dan Lasanble?

(murmurings off-mic)

MR SPEAKER

Kestyon *staff* dan Minister in monte dan an relasyon avek kestyon dan Lasanble tou resaman. E Minis in fer en repons lo la. Donk, nou a konpran poudir nou bezwen *move on*, nou bezwen konsider lezot soz.

HON BERNARD GEORGES

(Off-Mic)

MR SPEAKER

Onorab Georges ki ou *point of order*?

HON BERNARD GEORGES

Mon *point of order* Mr Speaker, i anba *Order* 59(7). Onorab *Leader* Lopoziyon, in fer en lakizasyon kont enn mon bann Manm bomaten la. E i en lakizasyon ki nou, nou pran li

ekstrememan serye e *its very unbecoming* pour en *Leader* Lasanble, *let alone* en Manm.

In akiz Onorab Larue, in mansyonn sa mo, 'lazel'. E nou konnen egzakteman akòz in fer sa. Akòz Onorab Larue in annan en problem en fwa dan lepase. E nou'n tann sa plizyer fwa.

E bomaten premye zour ki nou pe antre dan sa Bidze, Onorab *Leader* Lopoziyon in permet li fer en lakizasyon ki al kont *order* 59(7), '*use of offensive word or expression*' '*use of unbecoming or offensive language against a member.*' E mwan mon la pour sipòt mon Manm.

Dezyenman Mr Speaker, i kler ki sa ki Lopoziyon i anvi fer bomaten se rod en leskiz pour zot sorti dan Lasanble. E nou konnen ki sa se – ki sa i leka.

(APPLAUSE)

HON BERNARD GEORGES

Nou, nou la pour travay. Si zot, zot anvi *disrupt* Lasanble. Mr Speaker, mon demann ou avek tou respe ki mon annan pour ou, pour ou pran ou bann, ou responsabilite e asire ki sa travay Lasanble ozordi i kontinyen parey i sipoze. E nou pa les Lopoziyon vin *hijack* nou. Mersi Mr Speaker.

MR SPEAKER

Lo *point of order* Onorab Georges, mon a zis dir, ki okenn langaz ki pa apropiye anver Manm i pa akseptab.

Mon pa'n swiv tou relasyon. Mon a dir osi poudir Onorab Flory Larue silvouple aret enteronp Lasanble. Mersi.

Lo size, lo size *point of order* Onorab Pillay, mon pour zis dir en sel keksoz. Minis ou'n tann kestyon Onorab Pillay, nou pour aksepte repons ki ou donnen. Si ou annan okenn pwen pour azoute lo sa ki ou'n donnen deza, ou kapab azoute. Si napa ou dir nou e nou pour *move lo the next question*.

Minis, se sa mon *ruling* silvouple les mwan konnen si ou annan okenn pwen pour azoute.

MINISTER DEVIKA VIDOT

Mersi Mr Speaker. Mon krwar nou'n fini *exhaust* sa deba si nou kapab bouze silvouple. Mersi.

MR SPEAKER

Mersi, mon a pran kestyon Onorab Gabriel.

HON CONRAD GABRIEL

Mersi Mr Speaker. Bonzour tou dimoun a lekout. Espesyalman zabitan Pointe Larue.

Zis mon anvi enform *LGB* ki i pa nou lentansyon zis pour *walkout* dan Lasanble.

(murmurings off-mic)

MR SPEAKER

Silvouple. Ou pa la, ou pa la pour enform *LGB* nanryen. Ou la pour demann en kestyon lo Bidze.

HON CONRAD GABRIEL

Ok. Nou vin travay Mr Speaker...

MR SPEAKER

Yes.

HON CONRAD GABRIEL

...e mon krwar i nou devwar pour nou fer li. Nou napa landrwa pour nou taye, nou landrwa travay i la.

MR SPEAKER

Ou kestyon.

HON CONRAD GABRIEL

Minis, mon ti a zis kontan zot eksplik enn pti pe mon'n tann sa mo *investment portal* - bann *software* ki pe devlope.

Eski i lye direktman avek sa *electronic dashboard* ki nou ti pe koz lo la en pe letan pase, kot ti pour annan aplikasyon bann pti biznes komanse? Zis donn nou en pe distenksyon eski li menm li sa?

Aprè zis pour swiv. Ki kalite – kalite biznes ki zot an partikilye, ki zot pe prozekte pour atrakte pandan lannen 2025? E mon a zis dir Minis ki si sistenm ti'n *fail* li i pa ti pour la.

MR SPEAKER

Minis, ou repons?

MINISTER DEVIKA VIDOT

Mersi Mr Speaker. Mr Speaker, mon ti anvi zis klarifye ki si sistenm ti'n marse la, ou pa ti pour dan sa pozisyon ki ou ete la.

(APPLAUSE)

MINISTER DEVIKA VIDOT

Mon a pas laparol avek ...

MR SPEAKER

Minis. Minis. Minis, mon pe kont lo ou pour nou pa antre dan bann largiman politik. Minis, eski ou annan okenn repons? Wi, *PS* pour adres son kestyon.

PS MICHEL NALLETAMBY

Mr Speaker. Mersi Onorab, pour kestyon. Mr Speaker, sa *investment portal* i diferan avek sa *dashboard*. *Investment portal* parey mon'n eksplike boner se pour founi lenformasyon ki relye avek envestisman ek biznes.

E etabli bann prosedir nimerik pour kapab fer bann

prosedir pour ganny en *license* anrezistre biznes, e bann tel keksoz koumsa; *GOP*.

Dashboard i relye avek nou *MNE (Monitoring and Evaluation System)* ki nou servi pour evalye nou bann travay ki nou pe fer. E ki nou servi atraver Minister ek son bann lazans.

So nou annan bann *key performance indicators* ki nou mark zot avek e nou servi sa pour nou swiv nou progre. Mersi Mr Speaker.

MR SPEAKER

Mersi. Onorab. Ou annan klarifikasyon? Wi.

HON CONRAD GABRIEL

Yes, mon ti pe demande apard ki *LOTO*, mon pe swiv kestyon. Apard kannel, lavannir ki lezot biznes ki zot pe antisipe atrakte pour 2025? Mersi.

MR SPEAKER

Mersi. *PS* ou annan okenn repons?

PS MICHEL NALLETAMBY

Mersi Mr Speaker. Mr Speaker, nou'n mansyonnen a plizyer repriz *SDG Investor Map*. Ki etabli en lalis bann diferan kalite loportinite envestisman ki nou ankouraze ladan.

E nou an plis ki sa i annan tou bann lezot sekter ki nou kontinyen ankouraze dan

lekonomi, kot valer azoute i konsernen, i servi resours lokal.

Nou ankouraz bann biznes ki relye avek *supply*, Sekter *Tourism* par egzanp ki nou redwir en pe fardo lenportasyon.

E sa bann sekter i siport sa bann lendistri parey *ICT* - sekter nimerik. *ICT*, nou osi ankouraz lenvestisman ladan. *FinTech* e bann plizyer sekter parey Mr Speaker. Mersi.

MR SPEAKER

Mersi PS. Onorab Cosgrow, ou kestyon.

HON WALLACE COSGROW

Mersi Mr Speaker. Bonzour Mr Speaker. Bonzour tou Manm, tou dimoun ki pe ekout nou. Mr Speaker, mon annan de kestyon bomaten.

Premye kestyon i relye avek anba bann program *wages and salaries in cash*. Anba tou sa bann program *P1* ziske *P4* mon war i annan en *increase in wages and salaries*.

E mon pe zis gete si – anvi ki nou konnen poudir in annan sitan kantite *either resignation*, ouswa dimoun ki'n petet ganny fer arete kot sa Minister, mon pe gete pour ki rezon i annan sa bann *increase*? Eski zot anvizaze fer *recruitment* adisyonnèl an 2025? E prenon kont listwar

Minister kot apepre 30 ekek dimoun in kite pandan 4 an, so eski zot konfidan ki zot pour kapab ranpli sa bann pandan 2025, pour kapab desarz sa bann louvraz ki annan pour fer dan sa Minister?

E mon dezyenm kestyon i an relasyon avek diversifikasyon an term lendistri Mr Speaker. Mon not repons ki Minis in donnen, ler mon get zot Bidze pour *policy planning* li osi in *increase*. Ler mon get zot bidze pour *STI*, li osi in *increase*.

Me par kont ankore nou konnen ki poudir zot napa *staff* dan sa bann domenn, ase. So eski zot annan kapasite pour devlop bann Polisi pour kapab fer ki nou annan plis diversifikasyon parey Minis ti promet 4 an pase, ler i ti vin devan Lasanble pour diversifye nou lekonomi, diversifye nou baz biznes pour ki nou a kapab anmenn plis larises pour nou pei...

MR SPEAKER

Bon, ou'n demann ou kestyon. Minis?

HON WALLACE COSGROW

Be akòz ler mon demann mon kestyon ou bezwen koup mwan Mr Speaker?

MR SPEAKER

Akoz ou pe al dan bann lezot size, ki'n ou'n fini depase par ou kestyon.

HON WALLACE COSGROW

Mr Speaker...?

MR SPEAKER

Ou pe depas relevans.

HON WALLACE COSGROW

Mr Speaker...?

MR SPEAKER

Minis, si ou annan en repons donnen silvouple.

HON WALLACE COSGROW

Mr Speaker, kantmenm ou pour kriy ek mwan, mon pa pour arete mwan! Mersi.

MINISTER DEVIKA VIDOT

Mersi Mr Speaker. Mr Speaker, an sa ki konsern *wages* ek *salaries* e byensir mankman *staff*, mon ti eksplike dernyen fwa ki mon ti isi. Rezon pour kwa ki *staff* i deside pour ale, ouswa *staff* i deside pour vini.

Parske nou pa koze lo *staff* ki antre dan Minister, nou plito koz lo lezot *staff* ki'n deside ale. Rezon prensipal ki bann *staff* i deside pour zot kit Minister, se an relasyon avek bann *packages* ki byensir koman en antite Gouvernman, nou pa lo en nivo konpetitiv. E bokou apre ki zot in ganny sa baz, sa fondasyon, zot vwar li i

pli meyer pour zot, swa pour progresyon zot karyer li menm.

E alor zot kontan al dan bann - i kapab osi petet lezot Minister kot i annan en pli bon *package* ki pe ganny *offer*. Kot mon Minister, Mr Speaker i annan de departman *merged into one*. Kontrerman avek ler ou ti la Onorab Cosgrow.

Alor i annan de fwa plis louveraz. E i pa toultan ki *staff* i kapab byensir *handle workload*. Letan zot regard saler zot balans li avek i pa - petet zot santi zot, zot pour pli mye dan en landrwa kot i annan en pe plis - mwens *workload*, me selman zot pe ganny en pli bon saler. E sa i toutafe normal.

Me sa bann *staff* ki reste, i kontinyelman devoue e bann *staff* osi ki antre zot annan zot en lenerzi pour nou kapab sey fer keksoz ki Gouvernman pa'n fer sa tou sa letan, pour nou kapab travay e delivre pour sa pei.

Nou napa en baton mazik; nou fer li en zour alafwa, nou pran li en zour alafwa. E nou'n kapab arive fer bokou, bokou, bokou plis. Akote mwan i annan en dimoun ki'n travay dan Gouvernman pour plizyer lannen. Mon pour pas laparol avek li pour li kapab eksplik zot aköz ki nou kapab kontinyelman travay e aköz

nou kontinyelman pouse pour nou donn tou pour nou pei kontrerman avek sa ki zot, zot ti fer dan leparse. Mersi.

MR SPEAKER

Lekel ki pe envite pou – PS ou pe ganny laparol.

PS MICHEL NALLETAMBY

Mersi Mr Speaker. Mersi Onorab, pour kestyon. Mr Speaker, nou travay dan diferan fason. Nou kontinyen fer *recruitment* i annan vre ki kite. Me nou osi ganny bann dimoun ki antre. E nou'n fek *recruit* ankor detrwa dimoun la. Menm bann dimoun ki'n al *course*, apre zot degre al fer zot *masters* e zot *still* in swazir pour retourn kot nou. E i annan bann *staff* ki kontinyen vin kot nou.

Sa *wages increase* ki'n arive la se Gouvernman in anonse ki pour annan *wage increase across*. E i annan *salary increase* ki pe arive dan bann sekter. E nou'n osi met Bidze, pour nou sey *enhance* serten post dan Minister pour nou kapab atir e retenir nou *staff*.

Pour nou fer nou travay pour lemoman, nou tou nou vin teknisyen nou travay. Menm mon krwar Minis, mon kapab dir li enn ler i en teknisyen, aköz li osi i pare pour antre dan travay. Nou fer nou travay kot nou annan

pour *merge* ek bann teknisyen dan Minister, ou aryer - an deor Minister nou fer li.

E nou osi rod soutyen bann lezot lorganizasyon lokal e enternasyonal, tel ki *UNCTAD*, *ITC* mon'n mansyonnen. I ed nou fer bann travay bann *policy*, *World Bank* osi i asiste nou e nou fer bann travay ki nou planifye pour fer otan ki nou kapab. Mersi Mr Speaker.

MR SPEAKER

Mersi PS. Onorab Uranie, ti annan en kestyon?

HON ROCKY URANIE

Mersi Mr Speaker. Bonzour Minis ek ou delegasyon, tou koleg Onorab. Byensir tou zabitan ki a lekout. Minis, ler mon pe get ou depans pa rapor avek ki mannyer direksyon ki Bidze pe ale.

Ankor petet zis pour enn ler mon'n ekout osi Mr Padayachy – Nalletamby, *sorry*, eskize – (*sorry*)-Nalletamby. Konmsi mon pe gete sa kantite keksoz ki ou dir ou anvi ou Minister i anvi fer par apor ek kantite staff ki ou annan.

Eski Minis mon retourn lo la, eski Minis ou pour kapab dir nou egzaktaman konbyen *staff* ou annan an total la aktyelman? E konbyen ki ti'n ale? E konbyen ou'n *recruit*? E si ou krwar ou pour kapab al

fer sa travay ki ou pe dir nou ou pour fer? Mersi.

MR SPEAKER

Mersi. Onorab, ou kestyon i preski repetisyon bann kestyon ki'n ganny leve deza. Mon sipoze i annan en pwen ki zot anvi fer lo *staff*. E mon war *Leader* Lopozisyon pe pas note avek son bann Manm. Fotespere.

HON SEBASTIEN PILLAY

(Off-Mic)

Wi, ki ou *point of order*?

HON SEBASTIEN PILLAY

Mr Speaker, mon pa ti bezwen pas note si ou ti fer sa Lasanble dan en fason *fair* e Minis ti reponn kestyon.

MR SPEAKER

Onorab! Onorab, ou lakizasyon kont Speaker, i *out of order*. I *out of order*. Minis eski ou annan okenn nouvo pwen pour ou azoute lo size *staffing*?

MINISTER DEVIKA VIDOT

Wi, Mr Speaker, mon ti anvi zis donn lasirans Onorab Uranie ki, wi, nou pour kapab travay akon mon en Minis ki travay mwan. Mon pa zis en Minis ki asize, ki bwar dite - pa en Minis seremonyal.

So definitivman e se pour sa rezon ki nou pour bouz devan, akon mon donn tou dan

mon travay! Mon donn tou. Mersi.

(APPLAUSE)

MR SPEAKER

Sorry. Sa sityasyon pe vin enposib. Bann Manm i persiste avek kestyon ki zot anvi fer pwen politik kont Minis lo la.

E Minis, mon pe demann ou pour nou pa tonm dan en retorik pour lo politik sa bann Manm. Eski i annan lot kestyon pour sa Minister? Onorab Pillay kestyon, lo Bidze.

HON SEBASTIEN PILLAY

Mr Speake, tou mon kestyon i lo Bidze.

MR SPEAKER

Non.

HON SEBASTIEN PILLAY

Mon le retourn ankor dan bann diferan program ki sa Minister – ki tonm anba sa Minister. Nou ava note Mr Speaker, ki enn bann program ki tonm anba sa Minister kouraman, se en program ki apel '*Planning MNE and MIS*.'

Anba sa program i annan en Bidze 3.5 milyon e anba son *wages and salaries* i annan en Bidze 2.76 milyon. Mon ti a kontan demann

Minis, premye keston lo sa program;

Konbyen travayer i annan anba, *Policy Planning MNE and MIS* ki zot pe anploye *currently*? Konbyen ki zot in *recruit*? E ki sa i vadir an term *delivery* pour sa program.

Dezyenmman Mr Speaker, i annan en program ki apel *Science Technology and Innovation* ki ti ganny fer ki Avan sa ti annan en lazans ki ti apel *National Institute Of Technology (NISTI) and Innovation*. Li sa lazans in fermen li depi ki Gouvernman in sanz son bann *policy*.

E li anba son program i annan en Bidze 3.6 milyon. E ladan 2.6 milyon son Bidze, i al pour *salaries*. E savedir i reste zis 1 milyon pour vremen fer sa, promot sa linovasyon *or whatever*.

So, Mr Speaker, ankor enn fwa mon ti a kontan demann Minis, konbyen dimoun ki travay anba sa enn program? E konbyen zot in *recruit*? E si zot annan lentansyon - *given* ki sa program i enportan pour nou resanz bann baz biznes dan pei e nou pe depans R3.6 milyon lo la.

Eski sa larzan i ase pour nou kapab arive akonplir sa ki Bidze i le war - sa ki lentansyon Bidze i le war? Se ki pour nou ogmant reveni pei

par lao R10.2 bilyon pour lannen 2025? Mersi.

MR SPEAKER

Mersi. Minis, ou repons.

MINISTER DEVIKA VIDOT

Mersi Mr Speaker. Mr Speaker, mon annan sif pour Minister antye. Mon pa krwar nou'n kas li dapre program. Nou annan an tou 40 pozisyon dan Minister. Ladan i annan 27 ki *filled* e nou annan 13 ki nou pa ankor kapab ranpli.

Ankor enn fwa nou le zis re *remind* Lasanble Nasyonal ki nou saler koman Minister e parey lezot antite dan Gouvernman, i pa enn ki vremen atiran.

Letan nou *advertise* nou fer i annan bann *vacancies*, nou ganny bokou laplikasyon. Me letan sa bann dimoun i regard sa *package* i pa neseserman atir zot.

Me nou rod lezot fason osi pou nou kapab fer nou louveraz akonplir. Par egzanp nou travay vremen etrwatman osi avek sektor prive, ki detanzaot zot osi lezot ed nou.

Nou osi servi bann kontra konsiltasyon osi - *consultancy* kot nou'n kapab arive fer serten travay. E bokou fwa par lefe ki se bann dimoun dan sektor prive ki donn zot bann *input* direk, i ede pou fer nou bann Polisi vin pli aplike, si oule.

E an relasyon avek – (mon pe mazine la ki keston ankor) an relasyon avek promosyon *STI* - *ok*, ki mannyer ki sanzman Polisi ki nou'n fer i an relasyon avek entegre *STI* dan tou bann kous lekonomi.

E non pa selman dan ledikasyon, ki oparavan sa ti *focus* prensipal Lazans pour Lasyans Teknolozi e Inovasyon. Ki nou'n fer? Sanzman ki nou'n anmennen, se ki nou anvi entegre lasyans teknolozi e inovasyon dan tou sektè prensipalman dan biznes.

Nou pou annan en - nou annan bokou diferan aktivite ki nou met an plas. Semenn prosenn i annan en aktivite kot nou pe al komemor, ouswa nou pe al *highlight* lenportans litalizasyon teknolozi, litalizasyon bann lekipman dan fer biznes.

So, i pa selman - keksoz in sanze Mr Speaker, i pa parey dan lepase. Mersi.

MR SPEAKER

Mersi. Klarifikasyon?

HON SEBASTIEN PILLAY

Mersi Mr Speaker. Ou a note Minis in finalman donn nou sif la kantite travayer dan son Minister.

Minis, in dir nou poudir ler in donn nou sa lenformasyon i pa

disaggregate across bann diferan program, pou nou konnen egzaktman sa bann program konbyen travayer i annan. So sa i *raise en issue* ki mon ti a kontan klarifye pou Minis.

Eski alors *then* ou pe war bann dimoun *across* bann diferan program? Si Minis pa pe kapab *disaggregate* sa la, reasir nou Minis ki *across* ou bann program, ou pa pe war dimoun ki pe *double up* son louvraz. E zisteman vwar e santi poudir son saler ki i pe gannnen, *package* pa alaoter. E alors lefe ki ou annan 13 dimoun, en Minister i mank 13 dimoun kle dan 27 pozisyon ki i annan, i fer ki ou pe perdi sa bann dimoun?

Dan 40 pozisyon ki ou annan, 27 ou *fear* ou pe perdi 13. Eski ler sa bann dimoun pe *end up* fer plizyer fonksyon *across* diferan program, eski sa pa pe zwe en rol pou sa bann dimoun deside ale?

E alors, aköz ki Gouvernman pa'n vwar li neser, prenon kont ki oule delivre avek sa *staff* ki ou annan, pou zot ogmant posibilite ki bann dimoun *across* bann diferan program i ganny en pti pe plis reminerasyon? Vi ki parey ou'n dir zot pe fer 2 fwa plis ki sa ki zot pe fer? Sa i mon premye klarifikasyon.

Mon dezyenm klarifikasyon Mr Speaker, i enn ki tre senp pou Minis. Minis ou'n ganny elekte 2020 pou fer pli byen, *get on with the job*, aret rod leskiz lepase!

MR SPEAKER

Ou war - ou war ki mon oule dir? Ler ou demann en kestyon, apre ou al rod en largiman e se sa ki fer problem. Minis, i annan en kestyon, i annan en kestyon ki in demande si ou annan en repons pou sa silvouple adrese.

MINISTER DEVIKA VIDOT

Mersi Mr Speaker. Mr Speaker, mwan mon krwar *Leader* Lopoziyon i konn tre byen kantite travay ki nou, nou pe fer kot sa Minister. E i konnen poudir nou pe fer sa bann travay malgre tou defi ki devan nou.

E se sa petet i en pe difisil pou anvale. Be konnen poudir lo latet Minister, i annan en dimoun ki travay avek tou son kouraz. E i annan akote li bann dimoun ki vreman, vreman devoue.

E parfwa lafason, bann lakizasyon ki zot gannye dan Lasanble Nasyonal i pa fer zot dibyen ditou. Annefe ou dekouraz zot.

Bomaten mon fek ganny en komanter, me malgre sa nou debout for, nou latet i

anler e nou pare pou ou fer sa ki zot, zot pa'n fer. Mon pou kontyen dir nou pou fer li.

MR SPEAKER

Mersi Minis. Onorab Larue, ou kestyon?

HON FLORY LARUE

Bonzour Mr Speaker. Bonzour Minis ek ou *panel*. Bonzour tou dimoun dan lakour, tou koleg Onorab.

Minis, enn bann keksoz ki'n note dan pou Minister, i bann *national priority area*, e enn i *focus towards en modern public service*. Ou'n dir ki ou pe mank lespas pou ou bann dimoun ki enterese pou fer biznes dan Sesel.

Me pou ou Minister menm Minister, eski dan sa Bidze i annan en komansman pou planifye en pe zot bann lokasyon kot zot ete?

Akoz parey ou'n war kot *Licensing* i ete, kot bann diferan biro i ete i eparpiye en pe partou.

Eski dan sa Bidze i annan en alokasyon pou komans en *planning*, pou ou met ou Minister dan en landrwa en pe pli stab? I annan en *center* ki byen konvenab pou tou dimoun? Mersi.

MR SPEAKER

Mersi. Minis, oubyen *panel*? Yes, Minister.

MINISTER DEVIKA VIDOT

Mersi Mr Speaker. Onorab, definitivman. I difisil pou travay letan nou annan diferan lazans ou sipoze en antite. Me selman ou eparpiye en pe partou. Nou ganny sa defi osi menm lo kote Minister menm nou lo nou fonksyon santralize kot nou napa lespas e alor nou bezwen - nou sitye dan diferan batiman.

Sa i *challenging* pou nou, parske nou pa kapab dan en sel landrwa. Nou bezwen met apwentman pou nou kapab fer bann *meetings*, me *anyway*, avek teknolozi konmela keksoz i en pti pe pli facil.

So definitivman nou'n met en *request* devan Minister Finans, devan Gouvernman, pour ki nou kapab ganny en landrwa santralize pou tou nou bann servis ki nou ofer.

E Minister Finans i annan en plan pou fer bann sa ki nou apel bann *government houses* e nou Minister byensir i ava ganny mete an priyorite lo sa bann proze. Mersi.

MR SPEAKER

Mersi. Onorab Gill, ou annan kestyon?

HON CHURCHILL GILL

Mersi Mr Chair. Bonzour tou dimoun prezan. Mon kestyon sete ou, *core mandate* Minister i dir ki ou bezwen promot

aktivite ekonomik pou kree larises.

Apre ou bezwen ede pour amelyor reveni ki antre dan pei lokalman e an menm tan pou ede pou *balance of payment*.

Me selman dan ou *current challenges* dernyen *bullet* limero 4, ou'n mete konmkwa i annan serten kontrent Polisi ant ou Minister apre bann lezot *related Ministry*, oubyen *body*, ki i annan relasyon avek sa travay ki ou Minister pe desarze.

Eski- ki fason ki sa pe ganny adrese? Eski prezan i annan en *forum* ki'n ganny etabli depi ler ki sa sityasyon in ganny idantifye pou kapab bouz devan, ki sa *core mandate* i a kapab ganny egzekite? Mersi.

PS MICHEL NALLETAMBY

Mersi Mr Speaker. Mersi Onorab pour kestyon. Mr Speaker, sa defi ki nou'n mete la ki konsern - i relye direktman avek mon responsabilite. Akoz i annan diferan Minister ki annan diferan responsabilite e manda.

E sa bann difikilte ki toultan i alinyen ek kanmarad. Me i pa vadir - zot, zot pe adres zot *objectives*. Me sa bann *objectives* si i pa ganny fer - si nou pa pran kont ki pe arive - i pour annan - i kapab annan lefe negativ lo lanvironnman

biznes. E se sa ki nou pe sey eksplike la.

E pour nou travay ek sa nou annan toultan enteraksyon avek sa bann diferan Minister atraver Gouvernman ek bann diferan lazans; Minister Lasante, Lanvironnman, *Planning Authority*.

Kot nou annan bann diskisyon. Kot nou annan sa bann *issues* i leve e ki nou pe prevwar li, nou annan sa enteraksyon avek zot. E i kontinyelman pe arive.

Akoz lanvironnman lekonomi, *obviously* i en lanvironnman dinamik e keksoz i kontinyen sanze. E nou toultan – se sa ki nou dir, nou reste avangard lo la, nou veye. Kot i annan en *policy* pe vini, si i annan en lenplikasyon ki kapab annan en – (eskiz mwan) - en lefe negativ lo lanvironnman biznes.

Nou enterfer e nou gete ki mannyer nou kapab *alleviate* sa *challenge* la. Mersi Mr Speaker.

MR SPEAKER

Yes, Onorab Gill, ou kapab ganny en klarifikasyon?

HON CHURCHILL GILL

En klarifikasyon. Mon'n konpran ou leksplikasyon ki ou'n donn mwan. Me selman mon klarifikasyon se an rezilta

sa bann enteraksyon ki ou'n fer, eski plis Seselwa an relasyon ek ou *mandate* zot in kapab benefisye avek sa bann zefor ki'n fer? Oubyen, *pull of* dimoun ki pe fer biznes, in kapab amelyore?

Vi ki sa bann diferan lobstak si ou kapab met li oubyen *challenges*, ti pe koz serten problem.

Eski nou'n al nou'n ganny en rezilta pozitiv - an dot mo pour bann kliyan sa Minister bann investiser? Mersi.

MR SPEAKER

PS, ou a pran laparol.

PS MICHEL NALLETAMBY

Mersi Mr Speaker. Mr Speaker, wi. Mon pour dir wi, i annan amelyorasyon. E parey mon'n dir i toultan annan lespas pour nou kontinyen aköz keksoz pe kontinyen sanze.

Si nou get dan nou endikater lo latib 5, nou war '*number of new licenses*, ki i *issue*, in ogmante 2023 ti 1289 e 2024 - 1400 nouvo *license*.

I montre poudir i annan biznes ki pe kontinyen antre - pe kontinyen komanse antre dan sa. E i montre ki i annan lespas e i annan amelyorasyon pe kontinyen ganny fer.

MR SPEAKER

Mersi *PS*. Bon, mon napa lot kestyon pour sa Minister. Alor nou a kapab prosede avek vot. Ms Tamatave ou konfirman nou pe pran vot lo sa laliny la?

PS ASTRIDE TAMATAVE

Wi, Mr Chair. Nou pe vot pour Minister *Investment and Entrepreneur and Industry*.

MR SPEAKER

Ok. Tre byen. Nou a pran vot lo sa Minister. Bidze ki trouve lo la paz 533 -539 pour en total R24 milyon 228 mil. Manm, ki aprouv sa Bidze lev lanmen silvouple? Mersi. Manm ki kont? Lo Bidze pour Minister Lenvestisman Lantreprenarya e Lendistri pour en total R24 milyon 228 mil, 18 Manm in vot pour, 0 kont, 8 in *abstain*.

Sa Bidze in aprouve par Lasanble. Donk, mon annan en desizyon la lo ki mannier nou kontinyen. Nou annan en pe letan. Mon a kapab verifie.

Premyerman les mon dir mersi e swet bon depar bann zofisye ki'n fini avek nou pour sa Minister. E sa se Mr Nalletamby, Ms Marie e Ms Rouillon.

Byen. Bon, mon'n ganny enformen ki lezot zofisye pour antite ki swiv pa ankor ariv dan Lasanble. Alor nou a bezwen pran poz la. Mon a sizere pour Lasanble e pour

Minister, mon a sizere ki nou - par egzanp pour apre midi nou fer bann antite la pare pour kapab aparet devan Lasanble.

Koumsa nou kapab pa gat letan ant, me si i nesaser fini boner avek bann antite. Mon krwar i a en mannier pli bon, pour Lasanble itiliz son letan.

Alor la selman nou a bezwen pran poz e nou pour rantre, pour parey mon'n dir obzerv en minit silans an loner *Remembrance Day*. Nou pour antre 3 minit avan 11 er. Mersi.

(BREAK)

MR SPEAKER

Nou a reste debout pou en minit silans.

(The Assembly observed one minute of silence in regards to International Remembrance Day)

MR SPEAKER

Mersi. Bon, ser Manm Onorab, Minis, *panel* nou a sey fer mannier pou *reset* e pour nou kapab konsantre lo Bidze.

SEYCHELLES INVESTMENT BOARD

MR SPEAKER

Nou a pran nouvo antite. E les mon a dir bonzour e byenveni

Ms Anne Rosette *Chief Executive Officer* dan *Seychelles Investment Board*. Ms Shierley Marie ti avek nou bomaten e *Financial Controller* pou sa Minister.

Bidze ki nou pe pran i *Seychelles Investment Board* lo paz 561 ziska 565 pou en total R12 milyon 363 mil. Byen, Minis ou a fer lentrodiksyon lo Bidze *Board* silvouple.

MINISTER DEVIKA VIDOT

Mersi Mr Speaker. Parey ou'n fer resorti Mr Speaker, nou pe prezant devan Lasanble Nasyonal Bidze pou *Board* Lenvestisman Sesel pou 2025.

Wi, nou pe prezant en Bidze total R12.363 milyon ki reprezant en logmantasyon anviron 16poursan konpare avek Bidze 2024.

Logmantasyon i al prensipalman anver, *wages and salaries*, e parmi i annan R1.5 milyon ki al anver *goods and services*. Sa i annakor avek bann peyman serten Komite ki'n ganny formen ki pou ganny zere par *SIB* dan son travay. Tel parey Komite Ekonomik *Needs Test* e Komite *Provisional License* sa i *license* provizwar.

I osi annan provizyon pou en nouvo transpor e sa pou ede avek loperasyon sa antite li menm. E avek sa Mr Speaker, mon demann Lasanble Nasyonal pou zot

aprouv Bidze ki pe ganny prezante devan zot. Mersi.

MR SPEAKER

Mersi Minis. Kestyon pou Onorab Esparon?

HON REGINA ESPARON

Mersi Mr Speaker. Bonzour Minis ek ou delegasyon. Mr Speaker, anba, *current challenges* i annan en laliny ki dir, '*lack of tangible bankable project in target sectors.*'

Petet Minis, ou ti a kapab eksplike lekel sa bann *targeted sectors*? E eski i annan en alokasyon pou *marketing and reach out* pou bann investiser dan sa Bidze pou *targeted sectors*?

E par kont anba bann detay anba program 2 *investment services, advertising and publicity*, i annan en alokasyon 51 mil, mon pa konnen si sa ki pou al anver sa, sa laliny dan Bidze. Eksplike? En leksplikasyon Minis silvouple.

MR SPEAKER

Mersi Onorab. Minis, ou a diriz ou *panel*. *Yes, madam.*

CEO SIB ANNE ROSETTE

Good morning, Chair. *Good morning* tou dimoun a lekout, *good morning* Manm Lasanble. Mersi Onorab pou ou kestyon. Pour bann *target sectors*, parey nou ti fer sorti e mon

krwar Minis koz en pti pe bomaten ek *PS* osi, i anba sa *investor map* ki nou annan nou bann *target sectors* ki *align to the NDS*, e -. *the National Development Strategy*. I bann sekter parey dan *manufacturing*.

Parey Minis in dir bomaten *ICT*, teknolozi dan nou domenn lekonomi *space* soutenab nou marin *space, as well*, bann sekter parey renouvlab, lenerzi renouvlab e *waste management*.

Ki nou pe fer kot *SIB*; nou i an en logmantasyon prezantasyon anba, '*adverts*' ki apepre 190 mil an plis ki nou ti'n gannyen bann lannen avan. E nou pe fer travay avek bann lazans Nasyon-z-Ini parey *UNCTAD and UNDP* pou develop bann *bankable projects*.

Ler nou pe koz *bankable projects*, savedir bann proze ki nou kapab ki'n ganny defini baze lo sa *investor map alignment* ki nou'n fer. Sa bann proze zot nou kapab met dan fer promosyon lo la, pour ki bann investir i kapab *then beat for this project*, oubyen antre dan sa bann sekter zot menm.

I bann travay ki ti napa avan. Nou bezwen rekonnet ki nou ti napa *bankable projects*. Nou ti annan proze ki Gouvernman pe met a dispozisyon bann

biznesmenn. Me i pa ti pe target nou bann sekter kot nou bezwen lenpak developman.

Nou'n war en kantite presyon kot *SIB* ki nou bann investir ki pe zis vini avek bann proze ki ler ou pe gete annandler i zis met presyon lo nou, pou nou antre dan sa bann developman.

Ki nou, nou pe dir nou'n target nou bann sekter i adapte avek nou developman stratezi Nasyonal, i adapte avek nou developman soutenab. E nou, nou pe dir ki bor sa bann proze i devret ganny investir ladan.

E sa nou pe - nou'n komans fer, lo lenerzi renouvlab, lo *waste management*. E lannen prosenn nou pou al dan bann lezot sekter pou nou pli defini bann sekter *as well*. Mersi.

MR SPEAKER

Mersi *CEO*. Kestyon Onorab Lemiel?

HON SYLVANNE LEMIEL

Mersi Mr Speaker. Mon kestyon i al lo kote program 1, gouvrenans, *management* avek administrasyon. E letan nou desann anba lo zot *other goods and services*. Minis, wi, ou'n nonmen poudir i annan Komite ki pe al ganny formen e sa i annan sa *increase*. Mon

vwar R614 mil *increase* pou Komite.

Mon ti a kontan ganny en pti pe plis detay, sa Komite petet konbyen dimoun pou annan lo la, ki pou vreman fonksyon sa Komite e petet konbyen *allowance* zot pe mazin donn sa bann Manm ki pou lo sa Komite? Mersi Mr Speaker.

MR SPEAKER

Mersi Onorab. CEO, ki pou pran laparol? *Please go ahead.*

CEO SIB ANNE ROSETTE

Wi, nou pe koz Komite *Economic Needs Test*. E sa Komite - parey ou konnen dan lenvestisman, Polisi i annan bann sekter ki *open, ok?* Epi i annan bann sekter ki restrikte. Savedir zis Seselwa ki kapab antre ladan.

Me selman i annan bann sekter ki i pa dir ou, i pa tonm dan tou lede kategori. E ki i fer ki nou annan en group dimoun ki asize ki evalye sa bann proze ki vini, ki pa tonm dan sa 2 sekter, dan sa 2 kategori dizon. E zot, zot evalye sa.

Dan lepase zot pa ti pe ganny peye. Me nou ti pe war bokou *challenge* avek *convening these members*, pou zot vin fer sa travay. I en travay tre enportan e i en travay ki nou ti pe rankontre bokou *delay* avek.

E nou'n apros Minister Finans pou donn nou sa sipor bidzeter, pou nou kapab reminer sa bann Manm, pou zot kapab fer en louvraz ki alaoter. E ki en louvraz ki zot pe donn zot letan e zot leksperyans ek zot *expertise* tou.

Epi i annan lot Komite ki lo pou *Provisional License* li. I en Polisi, pe vin sa lannen. Mon krwar i ava ganny sinyen an S.I. E nou pe fer provizyon pou sa, pou sa bann Manm osi ki vin lo sa Komite *Provisional License* pou zot osi ganny reminerasyon.

I pa ti dan nou Bidze avan. I pa ti en keksoz ki ti pe ganny fer. Mon krwar nou ankor pe travay lo son TOR, nou pa ankor finaliz son TOR. So, diskisyon *regarding* provizyon, konbyen zot pou ganny peye i en provizyon, i en *figure* ki nou'n met devan.

Mon krwar i apepre - PS kekfwa ti a kapab donn ou en leklersisman. Mon napa la devan mwan.

Mon krwar R1000 pour sak *members*.

MR SPEAKER

Tre byen. PS Tamatave, ou annan keksoz pou azoute?

PS ASTRIDE TAMATAVE

Mersi Mr Chair. Mr Chair, *the total amount* ki nou'n mete *for the License Committee*, i R146

mil 400 pou 2025. Mon a zis get detay *in terms of the specific Board fees, Committee fees* pou sak sa bann Manm. Selman *is the total* pou sa *Provisional License Committee*. R146 mil 400, dan sa total.

MR SPEAKER

Good,. Onorab Lemiel klarifikasyon?

HON SYLVANNE LEMIEL

Mersi Mr Chair. Savedir sa diferans i pour sa lot Komite?

PS ASTRIDE TAMATAVE

Wi, sa ladiferans si pour sa bann lezot Komite ki *SIB* i annan.

HON SYLVANNE LEMIEL

Ok. Konbyen dimoun i annan lo sa bann Komite? Mersi.

CEO SIB ANNE ROSETTE

I annan 7 – apepre 7 *members* lo sa bann Komite, sak Komite. E parey mon'n dir i *ENT* i en Komite ki *meet* preski tanzantan. Akoz nou ganny bann ka ki pe antre.

So sak fwa ki zot pe *meet*, zot pe ganny reminire pour zot komitman.

MR SPEAKER

Mersi. Onorab Aglae?

HON EGBERT AGLAE

Mersi Mr Speaker. Mon a dir bonzour *CEO SIB*. An relasyon ek zot manda, an sa ki konsern bann *Foreign Direct Investment*, ok - Minis ler i ti pe prezant Bidze ti fer resorti ki reprezantan Finans osi i la i kapab ede pou eklersi nou la lo la. I annan anviron 105 milyon ki pou ganny donner avek *IDC* pou Proze Asonpsyon li menm li.

Eski sa \$20 milyon ki sipoze antre in fini antre dan laliny Bidze an term bann *Foreign Direct Investment*. Apre *SIB* li menm an sa ki konsern bann lenvestisman *FDI*, petet konbyen ki zot pe travay lo la an se moman? E ki kou petet lenvestisman ki sa pe portre pou pei Sesel li menm? Mersi.

MR SPEAKER

Mersi Onorab. *CEO*? *PS* ki pou pran laparol, tre byen.

PS ASTRIDE TAMATAVE

Mersi Mr Chair. Mr Chair, mon pou zis reponn sa kestyon *regarding the peyman for in regard to* Asonpsyon. Parey si nou pou get detay dan reveni, spesifikman anba *dividend income* pou *IDC*, nou pou vwar an 2025 *dividend* pou *IDC* in *total dividend* pou lakonpannyen *IDC* i R321 milyon 422 mil - provizyon *dividend from IDC* konpare

avek son normal *dividend* ki dan 20, 25 milyon.

So sa i sa \$20 milyon. So, nou ekspekte sa larzan i pou antre an 2025. Nou pa ankor resevwar, me selman i pou antre. Provizyon in ganny fer letan nou pou resevwar sa larzan. Mersi.

MR SPEAKER

Mersi. *CEO* pou kontinyen avek lezot pwen *please*?

CEO SIB ANNE ROSETTE

Ok. An sa ki konsern kantite ka lenvestisman proze ki'n vin kot *SIB*; pou 2024 nou annan en total 110 ka ki'n vini. Dan sa 110 ka, i annan 68 ki'n ziska prezan ki'n fini ganny *feedback* lo la, i annan ki ankor dan prosedir ganny *scoping*. Valer lenvestisman pou sa bann proze i \$193 milyon.

MR SPEAKER

Klarifikasyon Onorab? Wi?

HON EGBERT AGLAE

Mersi pou larepons. Zis ou kapab eklersi mwan, dan sa bann 68 ka, eski la nou pe koz lo zis bann *Foreign Direct Investment*, ouswa ou pe pran zeneral? Se sa ki mon pe demann ou spesifik an term *FDI* olye ki nou pe koz lo la, la. Mersi.

MR SPEAKER

Mersi.

CEO SIB ANNE ROSETTE

Ok. Si ou pe dir ant etranze ek Seselwa; i annan Seselwa pirman Seselwa i 28 proze. E bann ki zot an *partnership* avek bann etranze i 15. Bann an total parey mon ti pe dir ou i sa... Bann ki *non-Seychellois* i 25, son total i 68.

MR SPEAKER

Thank you, CEO. Onorab Uranie, ou kestyon.

HON ROCKY URANIE

Mersi Mr Speaker. Mon pe get pou program 1, an relasyon avek *office expenses* sirtou *utilities*, elektrisite avek delo. Mon vwar pou elektrisite in monte apepre plis ki R60 mil, 67mil. E pou delo i sorti 50 mil in ariv 120 mil, i plis ki *double*. E ler mon pe get zot *wages and salaries*, mon ki in koupe. Ki vedir i annan *staff* ki'n *decrease*. So, mon war sa kantite. Petet donn nou en rezon aköz i o koumsa?

E apre osi dan zot *current challenges*, mon vwar ki zot pe dir ki *SIB* pe ganny en pe difikilte pou fer dimoun konpran, bann mis konsepsyon ki annan lo *SIB*. Ki i annan dan Bidze pou fer ki sa mis konsepsyon i ganny tire lo kote *SIB*? Mersi.

MR SPEAKER

Mersi Onorab. *CEO, go ahead, yes.*

CEO SIB ANNE ROSETTE

Ok. Lo kote consumables elektrisite ek delo; nou elektrisite wi, in monte par R67 mil akòz *cost* elektrisite in monte. I pa litilizasyon, i zis ki akòz nou annan sa - nou annan plis dizon lekipman, *ok?* So, i fer ki nou elektrisite i monte.

Lo kote delo nou ti annan en *challenge* vizavi nou bann bil delo, akòz nou ti pe ganny delo direkteman sa *building* an antye. Epi i *appropriate* lo nivo *staff* par *building*. Ti annan en negosyasyon ki mon'n bezwen fer sa lannen tre dir, pou nou etabli nou pozisyon koman *SIB* lo kestyon nou bil delo avek *landlord* ki *MLH*.

E a aprovizyonman la ti'n fer pou bann bil i ti'n vremen *inflated*. Pa *inflated* dan fason mon pe dir malapropreman, me selman i pa ti normal. E nou'n fer negosyasyon lo la. E *going forward* nou bi i vremen, vremen redwir; i pa pou sa kantite. So, selman nou'n bezwen fer provizyon pou si an ka, akòz nou ti ganny sa bann desizyon en pe *not so long ago* lo kote nou delo.

Lo kote nou *staff*, nou *staff* dan bon gouvènan i annan 8 nou. I annan 7 *staff*

dan lenvestisman. E i annan *staff* dan fasilite. So, nou *still* i mank nou 1 *staff* dan nou gouvènan ki nou depite. Akòz depite ti kit nou an Me. E nou ankòr dan demars pou re *close* sa *space*, *but* nou napa en defayans dan nou gouvènan *sorry in terms of staff*.

Lo kote mis konsepsyon, wi, nou rekonnèt ki nou'n fer *survey* mon ti dir zot lannen pase ler mon ti vin la, ki nou'n fer *survey* ki ti annan detwa mis konsepsyon ki *SIB* i fer, ki *SIB* i sipoze pe fer, ki son manda.

E nou'n kontinyelman fer bann program *sensitization*. Nou'n kontinyen partou kot nou'n ganny lopòrtinite ki swa lo medya, ki swa dan papye; ki swa atravè nou bann partener ki nou travay avek, defini nou rol kot *SIB*.

E osi nou annan bann *video* edikasyonnel ki nou'n travay lo la. E la nou sipoze annan enn ki pe sorti lafen Novanm. Ki nou pe kontinyen edik bann dimoun kisisa ki nou fer.

E tou dimoun ki nou annan kontak avek nou fer sa legzersis. Nou'n fer avek Lasanble isi mon krwar 2 an pase ler mon ti fek antre koman *CEO*. Mersi.

MR SPEAKER

Thank you, CEO. Onorab Mondon?

HON TERENCE MONDON

Mersi Mr Chair. Mon kestasyon i lo sa provizyon pou *facilities for events*. Petet si ti kapab dir nou ki bann fasilite ki zot pe fer? Mersi.

MR SPEAKER

CEO, go ahead?

CEO SIB ANNE ROSETTE

Ok. Sa laliny Bidze dan facilities for events, i vremen target bann landrwa ki ou pe al fer bann events si ou bezwen peye, ok. Si ou bezwen pey lekipman dan sa bann landrwa pou fer sa bann aktivite.

Parey zot konnen, nou en antite ki fer *facilities*. So, nou ki fer fasilitasyon. So, nou toultan an konsiltasyon, *ok?* E pou nou kapab fer sa bann konsiltasyon nou bezwen met dimoun dan en landrwa pou nou fer li. Nou pa kapab fer... nou lofis i vremen ptipti. So, nou bezwen *rent* bann *spaces* pou nou fer li. Sanmenm sa ki ou war poudir i annan en logmantasyon dan sa.

MR SPEAKER

Thank you. Onorab Cosgrow?

HON WALLACE COSGROW.

Thank you, Mr Chair. Mr Chair, enn bann main travay

*Seychelles Investment Board, se pou anmenn provizyon lenvestisman pou Sesel, ki swa atraver *direct investment*, ouswa menm atraver lenvestiser lokal.*

Ler mon pe ekout sa ki CEO in dir an term lakantite lenvestisman, valer ki zot in rikorde pou sa lannen, mon krwar in dir 168 milyon si mon'n byen tandé, ouswa 180 *something* milyon baze lo 68 *confirmed investment* si mon byen. Me ler mon pe get zot target pou 2024 i 250 milyon.

Si sa ki ou'n dir i byen, zot *way-way below* zot target pou 2024 *in terms of FDI*. So, si zot kapab eklersi nou en pti pe, lo ki kalite zot pe rikorde koman bann *FDI* ki pe antre. Akoz ler mon pe get zot bann target avek zot bann *increase*, i pa signifikan. So, mon ti a kontan konnen ki kalite biznes ki pe anrezistre? Ki kalite lakonpannyen ki pe vin fer biznes Sesel? E dan ki domenn?

E dezyennm, si zot kapab klarifye avek mwan, vi ki dan Bidze nou'n donn *IDC* en larzan pou li fer serten loperasyon avek. E si Finans i kapab klarifye. Eski ou'n dir sa \$20 milyon pa ankor antre? E ki garanti nou annan ki sa \$20 milyon pou antre koman en *FDI* lot lannen? E eski sa i dan prozeksyon *SIB*? Mersi bokou.

MR SPEAKER

Mersi. Yes, CEO?

CEO SIB ANNE ROSETTE

Ok. Mon krwar taler mon ti dir 68 proze ki'n antre kot SIB. I annan en diferans ant proze ki pas kot SIB pou *scoping*. E en diferans ki mannyer FDI i ganny *accounted over the years*, ok - par bann proze ki'n antre kot SIB.

Lo sa bann proze pou 2024 ziska Septanm, nou annan nou \$193 milyon lo sa bann proze, ziska Septanm mon repete. Depi Zanvye ziska Septanm i 68 proze. Lo kestyon *FDI projections*, sa i pe gete baze lo bann proze ki'n pas kot SIB i kapab 2 an/ 3 an - 5 an pase *Central Bank* i assess li koumsa lo son egzeksyon dan pei.

So, sa target ki zot in donn nou pou 2024 i en target 250 mil.43, e sa ki dan nou KPIs dan Bidze PPB. Mersi.

MR SPEAKER

Klarifikasyon Onorab?

HON WALLACE COSGROW

Zis pou klarifye avek zot. Sa \$12.5 milyon ki'n ganny peye *lease* pou Ile Longue, eski i antre koman reset FDI? Ouswa i antre anba en lot laliny? Akoz si wi, THEN, zis s 12.5 milyon pou desot lakantite FDI ki zot in ramase.

So, zis klarifye sa pou mwan avek pep Seselwa. Mersi.

MR SPEAKER

Thank you. Yes, CEO?

CEO SIB ANNE ROSETTE

Ok. Sa 12 milyon ti lannen pase, ok i ti ganny peye...

MR SPEAKER

Ms Tamatave, ou pou pran laparol?

PS ASTRIDE TAMATAVE

Mersi Mr Chair. Mr Chair, *reset total* sa lannen ki nou'n resevwar *in regard to* Ile Longue, i sa \$12.5 milyon. E letan nou'n fer nou *forex cash flow* – Minister Finans nou fer nou *forex cash flow* ki'n antre Labank Santral baze lo tou bann reset an deviz etranzer ki ekspekte pe antre; bann peyman ki nou espekte fer an deviz etranzer, i form parti nou bann *forecast* ki nou, nou anvoy Labank Santral.

Labank Santral li i servi sa bann asonpsyon pou li fer son... mon pou napa en garanti pou mwan dir ou ki'n ganny servi dan kalkilasyon FDI partikilyerman. Me selman dan *forex cash flow* ki nou, nou anvoy kot Labank Santral sa bann prozeksyon i enkli ladan. Mersi.

MR SPEAKER

Thank you. Onorab Loze?

HON JOHAN LOZE

Mersi Mr Speaker. Mr Speaker, nou koman *MNA*, an relasyon avek nou travay ki nou fer lo Bidze, depi 2021 nou pe fonksyonn anba gidans ki Gouvernman i annan li en *clear policy statement and intention* lo kestyon redwir lakantite *Board* ek *Board fees*, *committee* ek *committee fees*.

La ou vwar en Komite ki ganny entrodwir, e larzan i ganny mete pou *fees*. Mon pe zis poz en kestyon; si Gouvernman in revers sa *policy* ouswa si sa i en leksepsyon *or...*?

MR SPEAKER

Wi, mon pa asire si sa i dan konpetans sa Minis ki la, pou reponn pou Gouvernman an antye. Me selman sertenman i kapab adrese dapre sa ki i konnen, e sa ki i kapab eklersi. Ms Tamatave, wi?

PS ASTRIDE TAMATAVE

Mersi Mr Chair. Mr Chair, nou napa en Polisi *per se* ki nou dir nou pe redwir oubyen limit bann *Board* an zeneral. Me par kont i annan legzersis ki'n ganny *fer over the years*, pou regard lefikasite oubyen *purpose* serten Komite oubyen *Board*.

Dan lenstans kot nou'n vwar annan serten Komite oubyen petet son fonksyon pa ti neserman neser, sa

bann *Board* ek Komite in ganny *phase out*. Anba *SIB* partikilyerman parey *CEO* in eksplike, letan ti annan bann Komite ki bezwen fer pou bann proze lenvestisman, i ti war li dan difikilte pou li ganny dimoun a plen tan *basically* pou *review* sa bann *proposal*.

E fransman verite is *very time consuming*, pou en dimoun vini asize lo a bann Komite, pou zot evalye *request of proposal* ki vin devan. E letan ou regard louvraz i sa bann *Committee Members* i fer i vreman entansif. *Over the years* ti annan dimoun ti fer sa lo en baz volonter, me avek letan ou war ki dimoun i nepli anvi vin fer sa lo en baz volonter. *And this is why* zot pa pe ganny en gran larzan si mon pa tronpe R3 mil par proze ki zot evalye.

Sa i zis koman en *incentives* pou nou ganny sa bann dimoun. E natirelman Komite dan le fitir, *whenever there is a need* pou nou etabli serten Komite ki bezwen ganny *remuneration* nou pou fer li. E letan i annan bezwen pou nou ferm Komite baze lo zot nesite ki pou'n perd, i nou pou osi frenmen. Mersi.

MR SPEAKER

Thank you, Ms Tamatave. Onorab Gill, ou kestyon.

HON CHURCHILL GILL

Mersi Mr Chair. Mon ti anvi zis en klarifikasyon lo larepons ki PS in donn Onorab Aglae konsernen *dividend*. I dir nou poudir sa larzan ki pe rantre in ganny met dan *dividend*. Me selman nou konnen *dividend* normalman, ler tou bann aktivite sa konpanyen in ganny fer, apre ki *dividend* i ganny *allocate* baze lo sa ki annan.

Mon keston se akòz ki sa peyman pou Zil Asonpsyon in ganny trete koman *dividend* vi ki i en *turnover instead of* en aktivite biznes ki'n fin - bann depans in fini ganny tire avek? Mersi.

MR SPEAKER

Mersi. *Panel.*

PS ASTRIDE TAMATAVE

Mersi Mr Chair. Mr Chair, parey ou konnen bann zil ki anba ziridiksyon *IDC the lease i from Government of Seychelles to IDC*. So, letan IDC li i *lease* bann investiser se IDC ki pe *lease*. Par kont par egzanp bann ki anba *Government of Seychelles* nou vwar MLH ki *lease* propriyete. E sa larzan i antre anba nou *long term lease of land and building*.

Rezon det akòz pou IDC in ganny trete diferaman, akòz IDC ki pe donn sa *lease to the investor*. So, sa reveni i pa pou vin dan reveni Gouvernman

direk, reveni pou ganny al dan reveni IDC. E IDC li baze lo son prozeksyon 2025, i pou annan sa depans ki pou ganny fer li pou li devlop lenfrastruktir lo zil.

And this is why nou dan nou depans nou'n fer sa provizyon pou ou donn li sa \$10 milyon koman en *on lending* pou li fer lenfrastruktir.

So, an prensip ler ou pe gete nou pou ganny en *net* pou 10 milyon avek IDC. Akòz ou pou ganny 20 milyon, nou pou donn li \$10 milyon koman en pret. Mersi Mr Chair.

MR SPEAKER

Klarifikasyon Onorab?

HON CHURCHILL GILL

Wi, zisteman mon klarifikasyon akòz, la par egzanp ou dir nou ou pou ganny sa net 10. Me selman dan *dividend* la, i annan sa 20 milyon an antye. Se sa ki nou pe rode ki mannyer li i ganny trete koumsa, vi ki ou sipoze... Si ti ava annan sa net 10, *then* nou ti a konpran. Be sa *whole amount* in ganny mete la *as dividend*. Mersi.

MR SPEAKER

Mersi. Okenn adisyon? Ms Tamatave.

PS ASTRIDE TAMATAVE

Mersi Mr Chair. Mr Chair, nou'n rikord li a 20 milyon

akoz i sa 20 milyon ki nou pou resevwar. Apre sa 10 milyon ki nou pou prete, nou'n met li anba *net lending* anba. So sa 10 milyon i ganny rikorde li osi koman en depans. Mersi.

MR SPEAKER

Thank you. Onorab Larue?

HON FLORY LARUE

Mersi Mr Speaker. Mr Speaker, mon ti a kontan demann Minis an relasyon avek *SIB*, letan *CEO* ti vin kot nou 2 an pase, enn zot bann *challenges* sa bann letan ti ki persepsyon sa *body* an relasyon avek piblik Seselwa.

E mon vwar ki zot ankor pe ganny sa *challenge*, aköz anba *current challenges* zot pe dir ki '*certain sectors with limited local representation face restrictions on foreign participation*' i '*hinder growth*. 'Apre pli ba zot met '*shortage of participation from Seychellois in expression of interest and requests for proposals*.'

Prezan mon ti a kontan demann Minis, si an relasyon ek zot Bidze zot in met en alokasyon spesifik pou kapab anmenn Seselwa ansanm, sirtou letan i annan bann gro proze pou fer parey en platform pou zot kapab met larzan ansanm pou envestir, lefe ki zot in dir ki sa i enn zot bann *challenge*. Eski i annan

en larzan pou anmenn dimoun ki annan finansman isi pou kontribye dan *investment*? Mersi.

MR SPEAKER

Thank you. *CEO*?

CEO SIB ANNE ROSETTE

Mersi Chair. Mersi Onorab pou ou kestyon. E zisteman letan mon ti pe reponn kestyon lo lot kote latab, mon ti dir sa logmantasyon ki nou annan lo sa 90 mil epi anba *events ok - spaces for events* ki nou'n met sa larzan pou nou kapab fer sa bann konsiltasyon, aköz nou war poudir i bezwen ganny fer sa bann kalite sensitization koumsa i ede; in ed nou bokou a lannen.

Nou'n ganny bokou *feedback* avek sekter prive, avek nou bann *stakeholders*, avek lezot dimoun menm bann dimoun ki nou travay avek. So, i enportan e sanmenm sa ki nou'n met li anba nou Bidze.

MR SPEAKER

Klarifikasyon Onorab, wi?

HON FLORY LARUE

Mersi Mr Speaker. Mr Speaker, mon pe rod en keksoz en pe pli spesifik - parey si en proze pe vin devan pou R10 milyon ki *available* pou *investment*, si zot *within*

SIB zot pe kapab kree en sistenm kot si en dimoun i annan \$2 milyon i kapab met la touzour. Pa met la, me selman montre zot sa lentere ki mwan mon annan 2 milyon, pou ankouraz plis dimoun pou met larzan ansanm pou kre sa platform.

Eski zot, zot kapab vin sa *incubator* kekfwa kot en dimoun i kapab vin dir, ki mwan mon annan en serten pousantaz ki mon anvi envestir dan Sesel? Mersi.

MR SPEAKER

Mersi. CEO, wi?

CEO SIB ANNE ROSETTE

Wi, i enportan sa pwen. Mon kontan ou'n lev sa pwen Onorab, aköz i zisteman enn bann keksoz ki nou pe al travay lo la lannen prosenn. Parey ou'n war i annan sa mankman nou osi nou'n war li. E an konsiltasyon sanmenm sa ki'n sorti, e i en keksoz ki dan nou plan pou lannen prosenn, pou nou kapab travay avek bann dimoun ki annan la zot larzan ki pare pou devlop bann lezot aktivite dan sekter prive.

E ki bann dimoun ki vin kot nou ler nou pe fer *match making* kan mannier nou kapab *link* sa 2 group dimoun ansanm, pou nou fer zot benefisye lo nivo lenvestisman. Me pa zis

lenvestisman, me osi lo nivo *mentoring as well* e ler sa lenvestisman i ganny fer. Mersi.

MR SPEAKER

Thank you, CEO. Onorab Pillay.

HON SEBASTIEN PILLAY

Mersi Mr Chairman. Bonzour panel sorti kot *SIB*. Mr Chairman, mon pou al lo son; *Program 2; Investment Services*. E mon vwar anba son *Investment Services*, Bidze ti 4.7 milyon pou 2024 e in mont pou 6.2 milyon. Me ler mon regard son *wages and salaries*, i plito montre mwan en rediksyon. *Now*, sa *promotion*, sa *Investment Services* i relye direkteman avek sa lata 4 lo *Performance Measures for the program*, en?

E anba sa *performance measures to the programmes*, mon pe regard bann *annual value* dan milyon dolar an sa ki konsern *Foreign Direct Investment*. E zot apel sa *growth in total local and foreign investment*. Premye kestyon ki mon annan se, eski zot annan ase *staff* pou fer sa louvraz promosyon lenvestisman, *as it relates directly to foreign direct investments* pou atrakte sa bann lenvestisman?

Akoz la sa ki nou pe war se ki lenvestisman pe vin plito lo bann zil, kot bannla i kapab

afford pou zot fer bann long term ziska 99 an preski aste zil. E nou pa pe war lezot *areas* apart ki *tourism* kot i annan en gran logmantasyon dan *FDI*.

Prezan ler mon pe regard bann *figures for FDI*, ou ti koz lo en *5percent year on year growth* dan *Foreign Direct Investments*.

An 2023, ou target sete 209.4 milyon, la ou *actual* i 238 milyon. An 2024 ou target i 250.4 milyon, ki sipoze ganny sorti dan sa kantite proze ki ou'n dir nou. Me selman Mr Speaker, en pe li ba, ler mon regard sa *20 percent year on year growth in website investment enquiries*, pou 2023 ou ti met 20poursan *website enquiries*. Me selman ou *actual* ti minus 35 percent.

Savedir ti napa mwens dimoun ti fer *website enquiries*; mwens dimoun ti in regard ou promosyon. 2024 ti minus 21 percent - ankor still dan negativ. Me *suddenly* an 2025 ou met 60 poursan. So, kwa ki'n fer ki ou annan mwens dimoun ki'n fer bann *enquiries*? Eski sa pe koz en problem, pou ou kapab si oule satisfere sa rol ki ou annan pou fer promosyon lenvestisman?

Mon dernyen kestyon Mr Speaker. Mon oule *go back to* sa size \$20 milyon Asonpsyon. Dan Bidze anba *long term lease and building* anba

estimate of revenue, i annan en sonm R358 milyon 444 mil, ki sipoze tonm anba *long term lease*. E dan sa larzan parey Ms Tamatave in dir nou \$2.5 milyon ladan, i sa larzan sorti lo Ile Longue aparaman.

So, nou ti a kontan konnen kwa ki larestan? E prenon kont ki *IDC* anba *lending* in ganny \$10.5 milyon me i ti sipoze annan \$20 milyon ki antre dan lekonomi. E dapre *interview* ki ti ganny fer avek sa devloper lo televizyon, i ti dir poudir sa larzan pou al dan kont Gouvernman - pa dan kont *IDC*, eski Minister Minis i kapab klarifye aköz aprezan ki zot pe dir nou ki sa larzan pou la dan kont *IDC* apre pou ganny peye koman *dividend*, kan inisyalman devloper ti dir larzan pou ganny peye dan kont Gouvernman Mr Speaker? Mersi.

MR SPEAKER

Mersi. *CEO*, a komanse, wi.

CEO SIB ANNE ROSETTE

Mon ava al lo 2 premye kestyon, epi mon ava pas avek PS. Mersi Onorab, pou ou kestyon. Mersi Mr Chair. An sa ki konsern lo kestyon nou *staff* dan promosyon, Onorab, si ou al en pti pe pli ba laliny 558, ki *call about facilitation services*, epi par lao li i koz lo *promotion events*.

Sa SP 2 la, sa program 2 i enkli tou lede sa 2 divizyon. Anba gouvènans ti annan en restriktirasyon ki nou ti fer pou nou *reallocate* byen nou *staff* lo nou *establishment list*. Akòz ti annan *staff* ti'n erite en *establishment list* ki ti en pti pe dezòd, ki nou'n bezwen aranje pou met *staff* dan zot landrwa kot zot ti sipoze ete.

E si ou get byen, nou'n *beef up* nou tim promosyon, nou tim kot *marketing*. Malgre ki nou annan en *staff* ki dan *overseas studies*, sa i andikap nou en pti pe. Me selman nou *staff* i lo bon nivo pou promosyon. E i pa zis promosyon ki travay kot *SIB* - i annan tou i annan 23 *staff* an se moman. Nou sipoze annan 26 *staff* dan nou register nou annan 3 pozisyon, ki pa ankòr ganny dimoun ladan.

I enn ki nou fek kree. So, annan 2 pozisyon ki pa'n ki napa *staff* ladan. Be tou dimoun i travay kot *SIB*. Nou annan en tim ki devoue pou sa lorganizasyon enkrwayab.

Si mon pou al lo lezot bann *KPI* ki ou'n mansyonnen vizavi nou *website*. Nou *website* ti anba konstriksyon, ti annan bann *improvement* nou ti bezwen fer lo la. E ki nou'n remarke ler nou pa ti pe fer bann *advertise* pou bann *tenders*, nou ti ganny bokou sa lannen avan.

Me selman ler nou ti napa *advertisement* dan lannen 2024, dan lannen 2023 ek 2024 bokou sa ti fer ki dimoun pa ti al lo nou *site* byen, byen. Zot ti vin plis direkteman kot nou. E ki nou'n fer osi lo nou *site*, mon krwar bokou *MNA* dan lasal i konnen, se ki nou'n enkli *what we call the distrik mapping* lo nou *site* ki sa osi ti pe ed nou pou nou pa vremen annan bann ale vini lo nou *site* pou nou fer li konstri li en pe pli prop.

Nou plito si nou pe get nou lot *KPI* lo *social media* that *has shoot up*, akòz nou'n fer plis, nou'n konsantre plis lo bann aktivite promosyon lo nou *social media*, ki target plis bann zenes, plis bann dimoun ki nou anvi atrakte dan biznes *obviously*. E i annan en platform pli larz e pli gran.

Lo nou *website* parey mon'n dir nou anba konstriksyon. E nou sipoze pe *launch* zot ek bann zoli distrik byento avan lafen lannen. Zot in annan *meeting* kot nou avek nou bann *staff* e zot in war sa mon krwar. Mersi.

MR SPEAKER

Mersi *CEO*. *PS*, pou kontinyen.

PS ASTRIDE TAMATAVE

Mersi Mr Chair. Mr Chair, parey nou tou nou konnen *IDC* *it is owned by Government*.

Petet ennler letan i annan mon pa pou konnen dan ki konteks ki sa envestiser in dir sa parol. I annan dimoun petet letan i pe dir Government, pou li i pe enterpret *IDC* koman Gouvernman menm. Pa neseserman letan i pe refer lo Gouvernman konmkwa sa larzan i pe antre dan kont 1401 *Central Bank* ki pou Minister Finans.

It's a matter of interpretation dan mon lopinyon pou mwan. *In terms of* sa dezyenm - sa lot kestyon ki Onorab in mansyonnen Bidze revize 2024 kwa ki adisyon ladan. Nou ekspekte annan en *advance lease payment* lo proze Ile Aurore ki li osi tou nou ekspekte reveni antre *before the end of the year*. Apre larestan i zis normal *long-term lease of building* ki *MLH* i kolekte. Mersi Mr Chair.

MR SPEAKER

Ou a klarifye Onorab, wi?

HON SBASTIEN PILLAY

Mersi Mr Chairman. Mon pou pran sa dernyen pwen premye. So, teknikman sa ki Departman Lenvestisman pe dir nou, se ki in *terms of investment* nou napa gran lenvestisman apard ki sa bann *lease* ki pe ganny vann avek bann devloper pou zot al fer

proze. E lamazorite proze i dan tourism.

So, there is no other - koriz mwan si mon mal, si i annan lezot *area*. Me an sa ki konsern sa larzan ki *PS...* mon war sa en pe drol Mr Speaker. Dan 2 ka nou pa ankore gannnen larzan nou. Nou pa ankore peye Gouvernman Sesel sa larzan. Nou dir nou pe al gannnen, pa ankore antre dan kont Gouvernman.

Me selman dan tou lede ka nou'n fini deblok larzan Gouvernman, pou nou al fer proze avek. An sa ki konsern proze Ile Aurore, ki apepre R270 milyon, e an sa ki konsern proze *IDC* ki li i pou al fer lenfrastruktir lo zil, mon prezimen Asonpsyon *to the true of* apepre \$10 milyon. So, sa devloper esansyelman lo Asonpsyon, i sipoze pe donn \$20 milyon. Me nou pe rann li \$10 milyon?

Mon ti a kontan ki sa i ganny klarifye, pou ki tou dimoun i konpran egzakteman from perspektiv lenvestisman ki lenvestisman sa devloper lo Asonpsyon pe vin fer egzakteman? Eski i pe donn *the full* \$20 milyon apre i annan lezot larzan ki nou sipoze gannnen ek li? Oubyen eski in donn \$20 milyon apre ki nou *then* i donn nou 20 milyon, nou repran 10 milyon nou donn li pou al fer son *building*?

So, sa ki mon pa ganny en konpran Mr Speaker la pou le moman. Ou konpran mwan Mr Speaker? I zis pou fer kler. Mon pe get sif dan Bidze Mr Speaker.

E petet mon pa oule debord aköz sa i pou oule debord aköz sa i pou konsern lezot *portfolio*, apre Minis i ava dir mwan al demann en lot Minis. An sa ki konsern sa ki pou Minis, sa ki nou oule etabli se eski tou sa bann lenvestisman mazer an sa ki konsern *FDI* pe reste dan Sekter *Tourism*?

E konbyen ki annan dan lezot sekter, pou nou kapab etabli en vre portre an sa ki konsern larzan ki nou pe gannnen. Me selman mon pe war sa i drol Mr Speaker. Nou pret 10 milyon, me selman nou pa ankör ganny 20 milyon. Mersi.

MR SPEAKER

Mersi. Tan ki ou'n adres mwan i annan serten keksoz ki mon konpran li en pti pe diferan. Me selman i pli bon pou Ms Tamatave eksplike plito ki mwan. Ms Tamatave?

PS ASTRIDE TAMATAVE

Mr Chair, mon ava seye eksplik li en lot fason. Nou pa ankör fer peyman \$10 milyon avek *IDC* nou. So baze lo nou prozeksyon lannen prosenn, letan nou pou pe resevwar *the*

first installment ki nou ekspekte li *by quarter 1 of 2025*, ki pou ekivalan \$10 milyon *from IDC*. Nou pou pret li *basically that \$10 million* pou li fer devlopman lenfrastruktir lo zil.

Letan envestiser Onorab, i vin envestir dan en pei, nou bezwen konstate *even* lo Mahe lenfrastruktir – devlopman lenfrastruktir responsabilite Gouvernman. E nou konnen ozordi lenfrastruktir lo bann zil i responsabilite *IDC*. *IDC* ozordi lo bann zil ,par egzanp li *supply* elektrisite par egzanp lo zil. Li ki fer *sewage* lo zil par egzanp.

So, i annan bann fasilite ki *IDC* pou bezwen fer koman en lakonpannyen lo sa bann zil. *And this is why the provision* in ganny fer pou li fer lenfrastruktir nesese lo sa zil. So, savedir nou pa ankör fer okenn peyman *to IDC*. E nou pa ankör resevwar okenn reveni osi avek *IDC*. So, tousala i dan nou prozeksyon lannen prosenn. Mersi Mr Chair.

MR SPEAKER

Mersi.

(Off-Mic)

MR SPEAKER

Ok, well, si ou kapab fer li zis direk. *CEO*, i pare pou reponn. Wi.

CEO SIB ANNE ROSETTE

Mersi Mr Chair. Parey nou dir wi tourism reste en sekter kle pou Sesel akòz, akòz in koumsa. Si nou ti pe travay lo bann lezot sekter pandan tou sa letan, nou ti pou annan lezot sekter ki'n devlope.

(APPLAUSE)

CEO SIB ANNE ROSETTE

So, nou pe fer nou mye lo nou kote pou nou anmenn diversifikasyon. E in ler pou nou komans koz sa langaz ek nou dimoun *as well*. Komans antre dan bann lezot sekter. *Tourism* ti 98 pousan nou *FDI* an 2020 e la i 92 pousan. So, i annan lezot sekter ki'n grandi. *Medical and health care, manufacturing, retail and trade, ok?*

Nou ti annan lannen 2022 - *70 cases of projects coming to us on tourism*. Zot konnen konbyen nou annan sa lannen *in one?* 30. So, *it is reduction, it is balancing out*.

(APPLAUSE)

MR SPEAKER

Tre byen. Bon mersi. Nou konpran. Onorab Loizeau, ou kapab ganny ou kestyon prezan.

HON NORBERT LOIZEAU

Mersi Mr Speaker. Bonzour Minis ek ou delegasyon. Mr

Speaker, mon kestyon i vize ver bann biznes dan bann distrik. E la mon anvì dir mersi Ms Rosette pou sa konversasyon ki *SIB* i annan avek tou distrik *in regards* avek, bann biznes dan distrik. E nou Bel Air nou'n reisi ganny konversasyon avek *SIB*. Dernyen fwa Ms Rosette ou a rapel.

E sa konversasyon i annan en platform ki bann distrik i kapab met zot bann propozisyon, zot bann biznes swa nouvo, swa bann ki egziste lo sa platform.

Alors mon anvì demann Minis spesyalman *CEO* ki - eski i annan okenn defi ki zot pe rankontre pou zot kapab entrodwir sa platform ki nou ti koz lo la?

E si dan Bidze i annan provizyon - i annan provizyon pou ed zot kapab devlop li en pe li gran pou bann distrik, kapab servi li pli byen? Mersi.

MR SPEAKER

Mersi Onorab. *CEO*, pou reponn?

CEO SIB ANNE ROSETTE

Sa *district mapping* nou ti ganny bokou retar wi, akòz ou konnen pou nou *meet* avek bann Manm nou bezwen nou osi al lo zot letan ki zot annan. Zot bann dimoun tre okipe *busy* dan Lasanble. So, ou'n fer li nou'n annan e tim ki'n

travay vreman an kolaborasyon.

Ti fantastik pou mwan get zot lenerzi avek mon tim. Mon ti byen kontan ki zot ti'n menm deplase pou vin kot nou biro pou zot *go through* sa legzersis ek nou. Nou'n montre zot bann legzanp kan mannyer *it will look like*. E la mon *staff* fek dir mwan ki vre nou ti'n pou lans par Oktob.

Me ki'n arive? Se ki nou annan serten distrik ki nou napa lenformasyon ase. Se nou *staff* pe fer a resers zot menm, pou ed zot pou nou kapab met sa bann lenformasyon an plis. Epi *hopefully by* 01 Zanvye, nou kapab selebre *district mapping online*.

MR SPEAKER

Mersi *CEO*. Bon, mon napa lot kestyon pou sa antite. Alor nou a pran vot lo Bidze *Seychelles Investment Board* ki lo paz 561 ziska 565, pou en total R12 milyon 363 mil. Manm ki an faver lev lanmen silvouple? Mersi. Manm ki kont?

Lo Bidze *Seychelles Investment Board* pou en total R2 milyon 366 mil, 20 Manm in vot pour, 0 kont e 8 Manm in *abstain*. Sa Bidze in aprouve par Lasanble.

Nou'n ariv la pou bomaten. Mon a zis rapel bann Manm nou'n aranze pou tou

bann Antite kapab swiv enn lo lot. So, si sa i nesaser pou zot note pou zot preparasyon, ler zot antre, silvouple prepare pou tou bann antite ki apre midi. E nou a swiv an mezir nou termin ek enn, nou a rebran lot. Bon nou a pran poz la, e nou a rebran 2 er. Mersi.

(BREAK)

INDUSTRIAL ESTATE AUTHORITY

MR SPEAKER

Bonn apre midi tou dimoun. E en bonn apre midi spesyal pou bann zofisye ki'n zwenn nou pou konsiderasyon *Budget Industrial Estate Authority*. E mon salye Ms Thelma Estico son *Chief Executive Officer*; Ms Nadia Bijoux son *Accountant*, e Ms Cecile Fred *Human Resource Budget Management Officer* dan Minister. E lezot Manm ki la, lezot zofisye ki la depi bomaten, depi taler.

Industrial Estate Authority son Bidze i lo paz 547 ziska 552, pou en total R65 milyon 745 mil. E nou a komans avek en lentrodiksyon Minis lo sa Bidze.

MINISTER DEVIKA VIDOT

Mersi Mr Speaker. Bonn apre midi Mr Speaker. Bonn apre midi tou bann Manm Onorab e tou dimoun ki a lekout. Lotorite *Zone Endistriyel*, i

byensir sa antite i responsab pou develop e zer bann zone endistriyel. E byensir osi bann lokasyon mikro-antrepriz dan Sesel.

Nou manda se pou fasilite developman bann zone, diversifye atraver kreasyon en lanvironnman favorab ki gide par Polisi e stratezi Gouvènmman. Bidze ki IEA pe propoze pou lannen 2025, i R65.745 milyon. Sa i reprezant en logmantasyon anviron R8.256 milyon. Sa logmantasyon i relye prensipalman avek rekritman staff. Sa i baze lo nouvo travay restriktirasyon ki IEA pe fer.

Bidze i al osi pou *maintenance* e osi bann proze kapital. An tou anviron en sonm R49 milyon pe ganny dedye pou al anver bann proze kapital.

Avek sa Mr Speaker, mon ti a voudre soumet devan Lasanble pou ganny laprouvasyon pou sa Bidze. Mersi.

MR SPEAKER

Onorab Mondon i kapab komanse. Me leres... non atann mwan en pti kou Onorab. Les mon a pran bann non, parski annan plizyer ki'n leve. Onorab Mondon, ou kapab poz ou kestyon.

HON TERENCE MONDON

Mersi Mr Chair. Mon premye kestyon i pou *maintenance services* anba *other uses of goods and services*. Mon war en gran logmantasyon sorti 751 mil pou 2024, e pou 2025 i 2.209 milyon. Eski sa i annan pou fer avek sa *software* parey ti mansyonnen pli boner?

E mon dezyenm kestyon IEA ti annan en plan pou konstri kiosk, detrwa kyosk Anse Marie-Louise anba *India Grant*. Eski i annan okenn provizyon ki pou arive avek sa *Grant*? Eski sa proze pou bouze? Mersi.

MR SPEAKER

Mersi. Minis, parey labitid diriz ou *panel*.

MINISTER DEVIKA VIDOT

Mersi Mr Speaker. Mon avan pran dezyenm kestyon e apre CEO i ava pran premye kestyon an relasyon avek sa proze. Onorab parey ou konnen nou'n esey pou nou kapab ganny en donasyon pou nou kapab fer sa proze.

Me malerezman sa pa'n materyalize, alor nou bezwen rod plas dan nou Bidze si i annan kot i annan lespas fiskal, pou nou kapab antreprann sa proze nou menm aprezan. Mersi.

MR SPEAKER

Nou a kontinyen. E lekel ki pou pran laparol? *CEO*?

CEO THELMA ESTICO

Bonn apre midi Mr Speaker. Bonn apre midi tou bann Manm Onorab. *Good afternoon, Minister.* Bonn apre midi tou bann manm piblik a lekout. Mersi Onorab, pou ou kestyon.

An sa ki konsern *maintenance* ki ou trouve i annan en *increase* pou *IEA*. So, i plizoumwenn *general maintenance of* nou bann *micro enterprise* ki nou annan sirtou an partikilyerman Leve Debourye. Nou'n met apepre en sonm R300 mil pou repenn Leve Debourye. Parey zot konnen ti annan dezas ki'n pase. E in annan serten bann reparasyon ki nou deza kapab fer *internally*.

Be solman vi ki nou batiman an deor in en pe - bezwen *maintenance* mon kapab dir lapentir pe sorti *and all*. So, nou ti'n met apepre en sonm R300 mil pou *maintenance*, penn *building*. Apre R150 mil nou'n mete pou *upgrading of toilette*. Nou ti annan en pti pe *issues*. So, nou pe al fer en *upgrading* e apre nou annan *storm water drain*. E sa i en pti pe bann *maintenance* ki nou'n mete anba.

E apre bann lezot pti proze ki en pe parey dizon

Plaisance, kot i annan bann *minor maintenance* ki nou bezwen kontinyelman fer. E an menm tan parey Union Vale osi. So, i annan bann ptipti *maintenance*, bann pre tiyo, elektrisite *and all*. So, kouver tousala anba la. Mersi.

MR SPEAKER

Mersi *CEO*. Nou a pran kestyon Onorab Vidot.

HON AUDREY VIDOT

Mersi Mr Speaker. Mon a *welcome* bann nouvo manm *panel* ki'n zwenn nou la apre midi. Mon kestyon i vize anver prenon kont ki lannen pase in dan Bidze pou fer sa *Marine and Auto Industrial Park* ankor pa'n fer.

Resaman Minis ti vin reponn kestyon lo la. E nou vwar ankor in met finansman dan Bidze. Nou ti oule konnen ki garanti ki avek sa prozeksyon ki'n mete pou Bidze 2025, sa proze pou ganny materyalize, prenon kont ankor ki i annan lalis proze ki *IEA* i anvizaze fer ankor an 2025? Mersi.

MR SPEAKER

Mersi Onorab. *CEO*, wi?

CEO THELMA ESTICO

Mersi Onorab pou ou kestyon. An sa ki konsern *Marine and Auto*, nou konnen nou'n ganny en pti pe retar avek a proze li

menm. Me selman i annan bann serten travay ki pe deza fini ganny fer. I annan *tender* ki'n fini ganny fer. Me selman la prezan i a reste pou *the award of tender* ki pe pas dan faz pou fer.

E an sa ki konsern nou larzan pou sa proze li menm i deza la. E byensir sa bann bout larzan osi ki pou azoute pou 2025 osi. So, i pou al ansanm pou nou kapab fer sa proze. E nou pe espere *following* sa *tender* ki nou pou gannnen pou konnen apepre konbyen sa proze li menm li in ganny fer.

So, le moman ki nou fini ek sa nou pou deswit pe komans bann travay ki sipoze ganny fer anliny avek sa. E an sa ki konsern ou'n demann mwan pou *ongoing projects*, nou annan en lalis *ongoing projects* ki nou pou annan. Sirtou *new projects* pou 2025, 2026 e 2027.

New projects ki nou pou annan par ki bann *on going*; nou annan *redevelopment of existing microenterprise*, e sa i Union Vale ki pou an 2026. E Grand Anse Mahe i pou 2027. E antretan i annan konstriksyon *Micro-Enterprise Center* ki nou'n mete Baie Lazare. E li i pou 2027. *Upgrading of road buffer*, e sa i pou zone 6 e li i pou 2026/2027. Konstriksyon *microenterprise* Anse Aux Pins

li i pou 2025/2026. E Port Glaud li i pou 2027 ki pou komanse. E nou pou komans par en *survey work*, sa i *presentation* avek *rock amouring*. Mersi.

MR SPEAKER

Thank you, CEO. Kestyon Onorab Romain.

HON GEOGES ROMAIN

Mersi Mr Speaker. Bonn apre midi Mr Speaker. Bonn apre midi tou koleg Onorab. E Minis bonn apre midi e ou *panel*. Mr Speaker, mon kestyon i anvi ki semenn pase mon'n tande dir lo medya ki bann *businessman* pa pe pey zot *lease still* sa problem i ankor la.

E ler mon e get sa Bidze, mon pe sey regarde vreman ki i annan dan sa Bidze pou fer sir, enn fwa pou tou ki tou sa bann biznesmenn ki pe lwe sa later lo *Industrial Zone* ki zot pe peye zot *lease*. Akoz mon pe mazin en ler zot pa peye, byensir i en reveni ki Gouvernman pa pe anmase. Alor sa i mon premye kestyon.

Apre dezyenm kestyon Mr Speaker, mon ti a kontan demann Minis, mon'n vwar anba *program 1 Governance and Management and Administration*, mon war ki *rental building* pou 2025 i 0. 2024, ti 2 milyon pou sa lannen 2025 i zero. Si ou ti

kapab donn nou en pti pe leksplikasyon lo la. Mersi Mr Speaker.

MR SPEAKER

Mersi Onorab. Yes CEO?

CEO THELMA ESTICO

Mersi Onorab pou ou kestyon. An sa ki konsern bann peyman *rental and all* bann aryeraz ki deza la, pou parey mon pe dir pou en bon pe letan, I annan bann mezir ki nou, nou pe met an plas parey petet mon kapab sit enn de sa bann mezir. I annan logmantasyon parey mon pe dir en pti logmantasyon ki annan dan aryeraz.

Me solman sa ki mon'n donneren petet sif i pou Septanm. Me solman ou konnen i annan avek bann mezir ki nou'n pran nou pe kontinyelman pran i annan progre. E parey nou konnen bann vye det parey mon pe dir ki'n la pou en bon pe letan. E nou annan bann legal *cases*. Sa ki mon'n bezwen al fer sa bann *press conference* pou kapab petet met devan.

Nou annan en pe sa bann ka ki'n la pou bokou letan. E prezan i annan bann aksyon legal ki pe komans ganny pran, avek serten sa bann *tenants*. Kot i annan i pe ganny *evict* dan zot *workshop* e nou pa anvi ki demen petet zot blanm *Management IEA*.

Me i ti deza la pou en pe letan, e prezan sa bann ka i pe komans ganny dil avek.

Parey mon pe dir, nou'n annan ka eviksyon ki'n ganny fer. E nou annan ankore ki pou swiv ankore swit a sa.

E apre nou annan nou 34 bann ka ki'n ganny anvoye kot legal, ki pe ganny dil avek osi parey mon pe dir, pou bann ki pa'n respekté onor zot langazman. E nou pe *recruit* osi en *financial controller*, ki pou kapab vremen swiv sa bann program en pti pe pli *closely* avek son bann stratezi osi ki pou annan i pou met ater.

E *IEA* osi tou parey ou konnen i annan bann servis osi ki i donneren parey *inclusion of use*, en pti pe dan sa laliny. Nou'n pran ou en mezir en pe letan pou dir nou pa pe fer okenn *inclusion of use* ouswa *change of use*, si i annan bann dimoun ki annan aryeraz avek nou. E nou pe demann zot pou zot vin pey sa bann aryeraz avan ki nou donn zot sa bann servis adisyonnel.

E nou'n trouve ki sa pe mars ase byen. E nou'n trouve ki bann dimoun i pe kapab vin devan, regle zot bann det. E nou kapab prezan nou an retour donn zot sa servis ki i bezwen. Nou'n fer sa *press conference*. E nou pe fer bann *repayment plan* ki realis ki pa en *long repayment plan* ki

dimoun i tarde pou repeye si zot dwa.

Nou pe donn zot petet i annan *between 0 to 3 months, 0 to 6 months*. E apre nou'n asize nou'n fer en *debtors report* detaye kot nou'n kapab klasifye sa bann det, menm pou later, menm pou MEC osi, kot nou'n kapab met ater byen menm lekel ki dwa nou *from 0 to 35, 35 to 75, 75 to over*. La nou'n kapab pou nou kapab fer *follow up* lo la.

E nou'n fini averti tou nou bann kliyan osi, nou'n donn zot, zot *statement*. Nou'n met tou nou bann lenformasyon azour. E parey mon pe dir *accounts* pe kontinyen swiv. Mersi.

MR SPEAKER

Mersi. *CEO*.

CEO THELMA ESTICO

Sorry. I annan ankore en lot kestyon ki ou'n demann mwan *in regards to rent*. *Ok*, in annan en *shift*. So nou'n sorti kot *GMA* pou al dan *estate* in annan en *shift of 2.5 million, nearly 2.5 million with classification*. Mersi.

MR SPEAKER

Mersi *CEO*. Onorab Gill, ou kestyon.

HON CHUCHILL GILL

Mers Mr Chair. Mon kestyon i lo sa 49 milyon pou non-

financial assets. I annan apepre 3 an ki bann travay lo Zil Eve pe ganny fer konsernan lenfrastruktir. La mon vwar i annan 25 milyon ki'n mete pou lenfrastruktir.

E an menm tan nou konnen ki pou napa *micro-enterprise* pou lannen 2025, akòz Minis in konfirm sa dan kestyon dernyen fwa. Me selman i 25 milyon. Alors, mon ti pe get be, ki egzakteman i annan pou fer avek... lekel sa bann kalite travay pou sa groser sonm ki'n ganny bidzete pou 2025 pou Zil Eve? Mersi.

MR SPEAKER

Thank you.

CEO THELMA ESTICO

Mersi Onorab pou ou kestyon. *Anyway*, letan nou pou get faz devlopman *Eve Island* e nou vwar poudir sa travay parey letan nou pe gete *Eve Island* i annan en ta keksoz pou fer pou fini fer. I annan bokou bann lenfrastruktir, i annan semen nou'n komanse, i pou annan bann *utilities* pou ale.

Ki pou annan elektrik, ki pou annan *sewage*, ki pou annan delo. So, i pou annan tou sa bann lenfrastruktir ki nou bezwen met an plas avan nou fer alokasyon later. Nou pou annan alokasyon later nou pou fer. Me selman avan nou mem fini fer tousala, sa

bann devlopman i bezwen kapab kontinyen.

E menm letan nou pe gete la nou annan *phase 1* ki preski *almost completed*. Nou pe al dan *phase 2*. Dan *phase 2* li osi parey mon pe dir nou pou annan *still* sa *STP* ki pou annan pou fer. Nou pou annan ankor *utilities* ki nou pou kontinyen.

Parey ou konnen poudir letan nou get bann lenfrastriktir pou delo avek elektrik i kout vreman ser, sa osi nou'n pran kont ladan.

In annan bann *design* ki'n fini ganny fer ki pou al en sel ansanm avek sa bann lenfrastriktir ki pe vini. E posibilite pli tar pou riske menm annan en *phase 3* avek en *phase 4* parey mon pe dir, ki pou asosye avek sa. Mersi.

MR SPEAKER

En klarifikasyon Onorab?

HON CHURCHILL GILL

Mon annan 2 klarifikasyon; enn, eski zot annan en *time frame* ki kantite letan ki zot ekspekte sa bann travay lo Zil Eve konplete? Rezon ki mon pe demann sa, akòz ti annan en promes ki ti pou annan *tender* ki ti pou ganny fer sa lannen, avan sa lannen i fini.

Me selman sa pa'n kapab ganny fer. Eski vi sa bann lenfrastriktir pe kontinyen ganny fer, sa *tender* osi pou

ganny fer boner lannen prosenn pou bann dimoun ki deza pe espere pou zot kapab lans dan zot biznes? Mersi.

MR SPEAKER

Thank you. CEO?

CEO THELMA ESTICO

Mersi Onorab, pou ou kestyon. An sa ki konsern *tender*, mon zis reasir ou nou pou annan *tender* ki pou fer Zil Eve. Annefe nou'n fer *timeline*, nou'n fini komans travay; nou pe met an plas, nou'n mont lo Zil Eve parey mon pe dir. In annan bann serten travay kot nou fer sir poudir tou bann lenfrastriktir i an plas. Nou'n komans sa travay.

So nou'n sipoze komans li depi Oktob. So, nou pou ale ziska *by then* letan *tender* in fini nou *probably* pou ale ziska *March early next year*. Me selman nou pou anvizaze fer tou bann prosedir, depi parey mon'n dir nou'n komanse depi Oktob ziska Desanm. So, ki sa *tender* i a fini.

Apre i ava annan bann lezot prosedir petet *award of tender* ki a pran boner Zanvye pou ale ziska parey mon pe dir i pou pran en pti pe letan osi ziska *March* sa i nou *timeline*. Me i pou *happen* i pou annan sa 27 morso later ki pou ganny *tender*. Parey mon pe dir, nou'n fini travay lo en *timeline* pou sa.

MR SPEAKER

Thank you, CEO. Onorab Andre.

HON CLIFFORD ANDRE

Mersi Mr Chair. Mr Chair, mwan mon kestyon i lo *microenterprise* ki pou fer Anse Aux Pins. Mon'n ganny sa ti mon kestyon, selman in ganny detaye dan proze. Mon ti a kontan konnen ki lokasyon ki sa *microenterprise* pou ganny fer? E si zot in priyoritiz bann aktivite ki pou ganny fer dan sa landrwa pou ki bann dimoun kekfwa ki enterese dan sa sekter i kapab apros devan? Mersi.

MR SPEAKER

Thank you. CEO, yes?

CEO THELMA ESTICO

Mersi Onorab, pou ou kestyon. An sa ki konsern *micro-enterprise* Anse Aux Pins i pou ganny fer sa morso later ki ant klinik kot vye lakres ti ete. E sa proze li menm li i pou komanse tre byento. Annefe ki nou, nou fer *IEA*, nou pa zis fer proze, me nou travay avek Lotorite Distrik dan tou bann proze ki nou fer.

Antretan nou travay *close* ek zot pou nou get en pti pe bann plan ki zot annan pou distrik. Petet en pti pe bann bezwen ki zot annan pou distrik. E letan nou fer sa bann proze *as much as*

possible, nou *include* en pe sa bann aktivite ki ou santi ou distrik i pou bezwen dan lefitir, e nou enkli ladan. Mersi.

MR SPEAKER

Onorab Cosgrow. Ou pa ti'n lev lanmen? Onorab Cosgrow, ou menm ou Onorab Cosgrow non? *Go ahead.*

HON WALLACE COSGROW

Mersi Mr Chair. Mr Chair, bonn apre midi tou dimoun. Mon annan detrwa pti kestyon apre midi selman mon a sey demann 2, apre taler mon a gete si mon kapab *squeeze* ankor en lot. An sa ki konsern Bidze pou *Industrial Estate Authority*, an relasyon avek sa bann lensidan le 7 Desanm lannen pase, pe al ganny preski lan la.

Mon ti a kontan demann CEO ouswa Minis si zot annan okenn, zot in kre okenn *unit* spesifik ki annan okenn larzan spesifik dan sa Bidze ki la, pou kapab dil, aköz i annan en kantite bann pti biznes ozordi malgre zot in sey retourn normal dan Providence. Me i annan en kantite pti biznes ki pa neserman pe kapab retourn normal, larzan lasirans pa ankor peye; yer nou'n tann bann dimoun pe konplent dan *meeting* Cascade.

So, i annan en kantite *issues* ankor Providence. Eski zot koman Minister, Lazans responsab pou bann pti biznes dan *zone industrial* zot in met okenn mekanizm an plas, pou asiste sa bann pti biznes an term sipor, an term led ouver bann laport, bouz bann keksoz pou zot kapab retourn normal? Sa i limero 1.

Mon dezyenm kestyon Mr Speaker, i *about* sa bann sa alokasyon R49 milyon dan *non-financial assets* ki plizoumwenn pe *cater* pou bann proze kapital. In double from lannen pase, in vin - preski double 25 milyon pou vin 49 milyon. Mon kestyon eski *Industrial Estate Authority* i annan kapasite pou zer sa kantite proze ki zot in mete, vi ki in preski double pare mon'n dir?

E eski zot in fer, zot in fini prepar tou bann dokiman pou tou sa bann proze? Kan *tender* pou lanse? E kan eski zot ekspekte sa bann proze demare e konplete? Akoz i annan zot pe met en proze R3, R4 milyon dan en lannen, ki pou mwan si ou pa ankor *tender*, ou pa ankor ganny bann dokiman, then i difisil pou konplet dan 1 lannen.

E i riske annan landrwa kot zot pe *squeeze* keksoz, parey nou'n dir dan nou bann speech Bidze fer bann promes pou eleksyon apre pa

materyalize. Mersi bokou Mr Speaker.

MR SPEAKER

Byen. *Panel?* Yes, *CEO?*

CEO THELMA ESTICO

An sa ki konsern. *Sorry*. Mersi Mr Speaker. Mersi Onorab pou ou kestyon. An sa ki konsern pou Bidze *PSIP, original budget approved* was 44.725 an 2024. E nou konnen vre in annan en rediksyon ant 19.5 *million* dan *PSIP*. E pou sa i zis en pti retar ki nou ti'n gannnen parey mon pe dir, sa proze *Eve Island*.

E ki sa in fer nou Bidze redwir en pti pe. E sa zis relye, i pa neserman lafot *SIA* ou lafot *IEA*. Me teren laba li mem li letan ou get byen bann serten travay ki bezwen ganny fer, kot i annan bann *disturbance* ki'n vini *as and when* kot ou pou bezwen al rod *PUC and all*, fer *crossing*.

So, sa i en pti pe ki'n met en pe retar avek nou proze ki finalman letan in fer sa *Mid-Year Review*, nou Bidze in tant pou redwir en pti pe. Me selman *still* kantmenm sa i pa pe afekte nou loperasyon. Me nou pou kontinyen pou nou kapab fini termin *phase 1* pou nou kapab bouz lo *phase 2*.

An sa ki konsern bann proze, nou pe *monitor* nou bann proze. E dan mon *restructuring* ki nou pou annan, en pwen for ki pou

kapab ed nou. Nou pou annan *recruitment of en Director of Project and Planning*. Sa pou kapab ed nou ki pou *happen this year*.

Sa i pou kapab ed nou en pti pe avek bann *forecasting* nou bann proze, bann aprovizyonman ki pou kapab travay *closely* avek SIA. E nou pou annan en *planning officer as well* ki nou'n mete, ki li osi i pou kapab pe plan sa bann proze an menm tan *monitor* pou fer sir poudir sa i pe ganny *happen*.

E nou pou kapab annan en pti pe plis kontrol lo *monitoring*, apre nou bann proze. Nou konnen poudir SIA ed nou, me nou IEA koman *the project owner*, sa i pou nou louvraz pou nou fer sir ki nou bann *timeline* ki nou'n ganny met ater ki nou'n agree i pe ganny swiv, i pe ganny *follow*.

So, an sa ki konsern bann proze ki nou pou annan. E nou'n met tou bann proze ater. So, nou pou annan parey mon pe dir sa *Eve Island Phase 2*. Nou pou annan *bulk infrastructure* dan Perseverance nou konnen parey nou annan diferan landrwa. Nou annan Perseverance, nou annan *Eve Island*, nou annan Providence. E tousala i annan bann bezwen.

E letan nou get sa bann bezwen sanmenm sa letan

nou'n fer nou bann *budget*, nou'n kapab met tousala ater nou pa'n konsantre zis dan en serten *particular area*. Me nou'n kapab *spread* en pe bann travay en pti pe parey Perseverance, i pou annan bann *bulk infrastructure* ki pou bezwen ganny fer. E sa i annan serten travay ki nou'n met ater *topo survey - topo* pou fer *design* ensidswit. Apre i ava *follow* avek *tender* ki sipoze ganny fer la Novanm.

So, nou'n fini pran kont sa enn. Nou annan *bulk infrastructure connecting Zone 20* avek UCPS Morin. Nou annan *bulk infrastructure Zone 20 to 20 extension*, sa i bann landrwa kot nou fek donn later.

So, i annan bann serten travay ki bezwen ganny fer pou ki i *ease* en pti pe lavi sa bann dimoun ki'n ganny *allocate* avek sa bann morso teren, pou zot kapab benefisye avek sa bann devlopman ki pe *happen*.

I annan sa *Marine and Auto Industrial Park* ki sa mon krwar nou'n koz lo la. Apre i annan renovasyon Grand Anse, e parey mon pe dir sa osi pa tou ki pou tonm dan 2025. I annan ki pe al 2026, i annan ki pou al 2027; parey pou sa *renovation of microenterprise center* Grand Anse. Li i pou tonm dan 2025, e sa i 2.9

million ki'n ganny bidzete pou 2025.

E apre nou annan *upgrading of culvert and storm water drain*. E sa mon krwar nou konnen parfwadan Providence i annan *floods and all*. E i enn en pe travay ki nou anvi fer. E si ou'n pas dan Providence osi ou pou trouve i annan bann landrwa kot in annan bann *pavement* ki'n monte, i annan bann rasin *and all*. Sa i en pe bann travay osi ki nou pe fer pou nou kapab aranz en pe nou bann *pavement*.

I annan serten bann pti travay operasyonnel ki nou bezwen ganny fer. Nou annan *drains* kot *Tailor Smith*. E sa osi tou i bann travay ki nou pe fer. E i annan menm bann *drainage* ki nou anvi *improve*, fer *survey*, ki sa osi nou met li dan nou Bidze for *consultancy* pou nou kapab get en pti pe bann travay ki bezwen ganny fer an detay Providence an sa ki konsern *floods*. E i fer *improvement* serten *area* kot bezwen. Mersi Mr Speaker. Mersi Onorab.

MR SPEAKER

Ou oule en klarifikasyon a se pwen Onorab? Yes.

HON WALLACE COSGROW

Yes, Mr Chair, mon annan en kestyon pa'n reponn konsernan bann keksoz ki

nou'n met an plas *IEA* pou dil ek bann *issues* le 7 Desanm.

Apre en klarifikasyon dapre sa ki ou'n dir i annan sa *infrastructure development Eve Island Phase 2* ki ti ganny 12 milyon sa lannen. Perseverance *bulk infrastructure* 3.7 milyon. *Connecting road to Zone 20* ti ganny 2.1 milyon; *marine Auto Industrial Park* ti ganny 2 milyon. Eski sa bann larzan in ganny servi in komans fer sa bann keksoz? Or 2025 la nou pe ganny nouvo Bidze pou sa bann zafer komanse?

Se sa mon pe demande, aköz i paret mwan dan lepase nou'n ganny larzan pou fer me selman i pa'n fer e prezan nou pe remet larzan ankor dan Bidze. Mersi.

CEO THELMA ESTICO

Onorab, mersi pou ou kestyon. Tou bann larzan ki nou'n gannnen an sa ki konsern bann proze, i annan bann proze ki ankor anmars la. La wikenn menm nou fek trouv semen kot *UCPS* laba in fini ganny *paved*. Nou'n annan semen *Zone 19, Zone 20* in fini konplete. Nou'n annan *parking* ki'n fini konplete.

Annefe nou'n annan en seri, nou annan semen *Zone 6* ki'n konplete. Semen *Zone 19, Zone 20* in konplete. *UCPS, PUC* in konplete. Zil Eve bann lenfrastruktir faz 1 i preski

konplete. E renovasyon lo MEC Providence parey ou konnen sa pa ti lo nou plan. Nou'n kapab vwar nou avek dezas ki'n pase, nou'n kapab war nou pe fer reparasyon lo bann MEC.

Nou'n annan apepre 4 MEC ki nou'n kapab fer renovasyon, reparasyon lo la ki'n ariv nou apepre *almost 3.5 million; public parking* ki nou'n fini fer. E nou'n fer en bon pe *cleaning of drains* osi dan Providence. Sa i en pe bann proze ki nou'n konplete.

E parey ou'n dir ou pe demande en pti pe, sa bann proze i annan bann proze ki bann larzan in fini ganny servi, ki'n ganny investir atraver parey sa lalis ki ou menm ou'n dir nou'n fini pas lo la pou servi.

E letan nou get zil Eve *phase 1*, son larzan i *almost gone* avek sa proze ki pe al terminen. E nou annan osi tou bann *infrastructure* Perseverance, ki li osi sa larzan ki nou'n gannyen i pe al fini avek sa bann ki nou'n aprovizyonnen pou fer dapre nou *timeline*.

E *bulk infrastructure connecting Zone 20 UCPS Morin*, e osi peyman pou preski al dan son faz finisyon ki reste la dan Novanm. So, sa en pe bann *ongoing projects* ki parey mon pe dir son Bidze i

pou pe *deplete* la, letan sa bann proze i pe preski finalize.

E an sa ki konsern le 7 Desanm, nou napa en fon spesyal, en *contingency fee* ki nou'n met apar pou sa nou napa dan Bidze. Me selman nou ti kapab asiste en true Minister Finans ki nou ti demande dapre bann depans ki nou ti annan swivan bann domaz ki ti arive. E nou'n ganny lasistans.

Me solman nou, nou menm nou napa en fon ki dir nou'n met apar pou nou asiste biznes.

Me selman Minister atraver DBS in met en *scheme* apar pou asiste bann biznes, ki nou ti ekrir tou bann biznes nou menm IEA. Nou ti dir zot poudir sa *available* pou asiste zot. E i annan bann serten dimoun ki'n fer laplikasyon pou ganny sa bann lasistans. Mersi.

MR SPEAKER

Thank you, CEO. Onorab Samynadin.

HON KELLY SAMYNADIN

Mersi Mr Speaker. Bonn apre midi Minis ek ou delegasyon e tou dimoun a lekout. Mon premye kestyon i baze lo stratezik limero 4 "*identifying land for industrial related uses across the Seychelles*". Vi ki Au Cap ek Perseverance ti'n ganny idantifye pou proze pilot

One District One Project, mon ti a kontan konnen ki *status* sa 2 proze spesifikman Au Cap? E si i annan en alokasyon anba sa Bidze pou sa.

Aprè dezyenmman, anba *Governance, Management and Administration* i annan en alokasyon konsiderab ki'n ganny en logmantasyon konsiderab ki'n ganny fer, anba *training fees* from 48 mil pou ariv 75 mil. Si i posib pou nou ganny en leksplikasyon lo la osi? Mersi Mr Speaker.

MR SPEAKER

Mersi. *CEO*, ou a kontinyen.

CEO THELMA ESTICO

Mersi Mr Speaker. Mersi Onorab, pou ou kestyon. An sa ki konsern *PPP (Public Private Partnership)* nou pa sipoze pe pran okenn Bidze avek Gouvènmman pou sa. E i en proze ki nou'n fini komans demare; nou'n fini fer nou *timeline*. E si tou i mars byen nou pou konplet sa whole, akòz i en *whole* proses ki nou bezwen pas atraver.

E nou'n fini parey mon pe dir met sa *timeline* ater si sa mars byen nou sipoze fini konplete *by February*. Me solman i annan bann travay ki'n fini komanse. Nou'n fini drafte sa *PPP tender document*, e nou'n anvoy li kot enn de bann *partners* konsernen parey nou'n anvoy kot

Minister Finans, nou'n anvoy kot *AG's Office*. Bann landrwa zis pou zot get bann term ladan pou fer sir ki nou tou nou lo menm paz. Ki fer sir ki tou keksoz in kouven anba la.

So, mon pe ekspekte petet *this week* mon kapab ganny en larepons *final* from tou dimoun. E *once* nou fini ganny sa, nou pe al komanse pou nou kapab lans sa *tender* pou Au Cap. E parey mon'n dir oparavan, nou travay avek bann Lotorite Distrik. E nou sipoze menm pou organize, i pou Au Cap avek Perseverance tou lede pou mar kot a kot. Mon sipoze pou al en *meeting* final pou *meet* avek bann reprezantan sa bann distrik, pou nou get en pti pe bann aktivite ki zot, zot pe mazine pou annan anliny afen ki nou kapab travay ansanm pou nou enkli dan sa *PPP*. Sa i enn.

Aprè an sa ki konsern *training* parey nou'n regarde, nou *training fees* in increase. E sa *is as per our training plan*. E dan nou *training plan* parey mon'n dir, i annan plan pou fer restriktirasyon ki sipoze aprouve nenport ki ler. E *once* nou ganny sa, nou anvi ki tou *staff* i lo menm paz. E sa nou'n met en pti *increase* pou nou kapab fer nou bann *training* ki relye pou nou kapab *train* nou bann dimoun, fer sir ki ler nou pe bouz dan en direksyon, nou pe bouz dan sa menm

direksyon. Nou annan *team building*, enn de bann *training* ki nou nou'n fer, nou met bann *training plan*. Mersi.

MR SPEAKER

Mersi *CEO*. Onorab Aglae.

HON EGBRT AGLAE

Mersi Mr Chair. Bonn apre midi *CEO* e *panel*. Anba program 2 kot *estate management*, e *CEO* dan ou, dan enn ou bann larepons ou'n nonm Port Glaud, *ok*? Si ou annan posibilite pou donn en pe detay aköz mon war zot in met R1 milyon, selman sa i an 2027, *ok*?

Anvi ki mon rapel byen ti annan en keştyon mon tik demann Minis lo Sant Micro-Enterprise en pe letan pase. E Minis ti fer resorti ki i pa ti dan zot lentansyon pou kontinyen avek sa *One District One Project* pou Port Glaud. Ou kapab koriz mwan si mon mal. So, mon ti a kontan en pe detay *what is the plan itself*. Mon tann ou'n nonm *rock armoring*. *Is it the same site* ki ti ganny vizite dan lepas,e ki plan ti pe ganny fer pou soumet ek *Planning*?

Ouswa zot in war en lot landrwa ki ot pe mazin fer sa proze apartir 2027 kot ot in met larzan? Mersi.

MR SPEAKER

Mersi. Wi, *CEO*?

CEO THELMA ESTICO

Mersi Mr Speaker. Mersi Onorab, pou ou keştyon. Pou 2027, nou'n met R1 milyon. Parey mon'n site lo komansman nou pou komans avek...

Ou konnen mon'n fer en vizit mwan osi personnelman dan sa landrwa e nou'n get en pti pe i en landrwa ki annan en bon pti pe lanmar. I annan dizon en pe ki mannyer ou dir sa Bred Lanmar *and all*. Sanmenm sa, i en *marsh area* e letan nou'n gete i pou bezwen annan en *survey* ki ganny fer dan sa landrwa.

E apre i pou annan *site clearing* ki pou ganny fer. E byensir parey mon pe dir ler ou pe get sa *area* li menm posibilite i pou annan *rock armoring* ki pou bezwen ganny fer. E tousala in ganny pran kont dan sa R1 milyon ki nou stabiliz landrwa, avan ki nou bouz *the next phase* sa devlopman ki *probably* i pou en *PPP* li osi. Mersi.

MR SPEAKER

Tre byen. Mersi. Onorab Woodcock.

HON WAVEL WOODCOCK

Mersi Mr Speaker. Bonn apre midi Minis avek ou lekip. Minis, anba *major achievement* an 2023 ek 2024 in ganny fer resorti dan Bidze ki *completed* *bulk*

infrastructure of Eve Island phase 1 by 85 poursan travay lenfrastruktir *phase 1* Ile Eve. Ms mon bezwen dir ou avek ou lekip *IEA Former CEO* Mr Collie *and the current CEO*, mersi bokou pou sa travay ki zot in fer pou met lord dan sa dezord ki ti annan lo sa zil.

Minis, mon premye kestyon i konsern sa *microenterprise center* ki pou fer Grand Anse Praslin. Annefe mon fek demann en kestyon 1 mwan, 2 mwan pase lo sa proze. Mon ti ganny dir ki ti ariv lo faz *planning*. Mon ti a zis anvi konnen kan ki ot ekspekte sa proze pou al lo *tender*? E dezyenmman Minis, i annan en sonm R2.429 milyon ki'n ganny depanse lo Ile Eve.

E pou lannen prosenn i annan R25.5 milyon. E mon konnen zot in fer fas avek bokou defi ek *challenge* pou fer sa bann proze, met sa bann lenfrastruktir an plas. Eski Minis i kapab dir nou, si i satisfè avek travay ki bann kontrakter in fer? E ki bann defi ki zot in fer fas avek pou zot kapab enplimant sa bann proze. Akoz mon konnen zot ti pe fer fas avek bann defi parey kab elekrisite, delo tousala.

I annan bokou bann *challenge*, akoz lafason ki sa zil ti napa vreman en *master plan* ki ti pe ganny swiv. E akoz sa zot in fer fas avek

bokou defi. Si zot kapab eksplik en pe ki mannyer zot in nobou kapab rezourd sa bann *issue*? E si pa pou annan okenn retar, akoz sa bann problem pou bann larestan pou dezyenm faz sa proze Ile Eve pou lannen prosenn. Mersi.

MR SPEAKER

Mersi. *CEO*?

CEO THELMA ESTICO

Mersi Mr Speaker. Mersi Onorab, pou rekonnet zefor ki nou fer. Me nou konnen poudir *IEA* osi i travay dir pou ki nou met bann keksoz an plas. Parfwa ou ganny bann *sleepless night* pou kapab petet fer keksoz bouze, materyalize avek tou sa ki pe *happen*. Me mersi *at least* pou rekonnet nou zefor nou byen apresye.

E an sa ki konsern bann defi, parey ou pe dir nou'n deza fini idantifye bann defi atraver sa premye proze ki nou'n materyalize. E pou nou la nou'n fini konnen egzaktman kwa ki nou pou ekspekte. E *SIA* li menm ansanm avek *IEA* nou'n travay ansanm, nou konnen egzaktman ki kwa ki nou pou fer fas, parey ou menm ou'n dir ki i telman vre.

Sa teren li menm i pa enn ki fasil. Me i annan bokou bann travay, bokou parfwa

letan kontrakter in monte li menm pou fer serten travay, parfwa parey mon'n dir i bezwen al kriy *PUC* pou sort out serten keksoz. Me sa ki parfwa i tant pou met retar dan nou proze. E nou'n fini pran kont sa, ki afen nou pa repet petet en pti pe sa menm lanplè ki keksoz in bouze dan plas al en pti pe pli vit in retarde. Me i pou kapab bouz en pt pe pli vit.

An se ki konsèrn sa Bidze ki nou'n gannnen sa R25 milyon pou sa proze faz 2, nou'n fini met ater sa ki bezwen ganny fer parey mon pe dir i annan en konponan pli enportan ladan. Ou pou annan *STP*, ou pou annan *sewer line* sa i bann keksoz ki pou annan ki nou pou pe fer ankor.

An menm tan pou annan elektrisite ankor. *Still* an menm tan. I pou annan en pe proze *utilities* ki nou pou bezwen war nou pe konplete.

MR SPEAKER

Klarifikasyon? Vitman Onorab?

HON WAVEL WOODCOCK

Wi. Zis en pti kestyon. Mon konnen poudir i annan faz 2 sa proze pe vini. Me petet pou lenformasyon piblik ki *time frame* ki zot pe anvizaze pou fer alokasyon sa 20 ekek bout later ki reste? Mersi bokou.

MR SPEAKER

Mersi. *CEO? Yes, go ahead.*

CEO THELMA ESTICO

Mersi Mr Speaker. Mersi Onorab, pou ou kestyon. Parey mon'n dir nou'n fini travay lo en *timeline* ki nou pe deza nou'n mont Praslin. An menm tan in annan bann zofisye osi ki'n deza fini monte, ki nou pe fer sir ki tou keksoz i an plas.

Parey proze later letan ou pou fer, i annan serten preparasyon ki bezwen ganny fer. Fer sir tou bann keksoz i an plas, afen ki letan ou'n fer alokasyon later dimoun pe vin dir ou poudir be la nou napa elektrisite, nou napa delo i annan tou sa bann provizyon.

Me pou le moman dan staz ki nou, nou'n komanse i annan sa bann keksoz ki nou pe fer sir *is there, is available*, semen, tou sa bann keksoz avan nou fer sa alokasyon. Me nou proses pou sa *timeline* in fini komanse la Oktob. E nou ekspekte ki *by* Mars tou keksoz i fini terminen. Me nou anvi *tender* parey nou pe dir nou *timeline*, i avan lafen Desanm sa *tender* in fini pran plas. E alokasyon i ava ganny fer *early January*.

MR SPEAKER

Mersi *CEO*. Onorab Pillay?

HON SEBASTIN PILLAY

Mersi Mr Chairman. Mr Chairman, mon ti a kontan demann *panel* serten kestyon *regarding* resi/*receipt*. An 2022, le 27 Zilyet 2022 apre ler i ti vin dan Lasanble pou Bidze 2023, *former CEO* Roy Collie ti enform nou ki ti annan en total det ki ti *amount* R28 milyon ki ti ekskli bann penalti.

E ki zot in komans en prosis *recovery* e lasirans ti ganny donnen ek Lasanble ki zot ti lo bon semen e menm larepons ki nou ti gannye apre sa. Ladan nou ti ganny dir poudir zot ti sipoze kolekte R19 milyon. E i ti met lanfaz ki ler sa tenant pa pey sa 10 pousan sa *penalty fee*.

E ti menm annan en *grace period* ki ti ganny donnen depi Out - le 01 Out 2022 ziska le 31 Out. Prezan Mr Chairman, ler nou'n regard pli devan, nou'n regard bann dokiman Bidze oparavan ti annan en *outstanding debt* R19.6 milyon. E sa i enkli 10 pousan *penalty* ki ti *stand at* 1.78 milyon. E *medium business* son det ti 6.25 milyon e det pou bann later endistriyel ti 13.37 milyon Mr Chairman.

So, an tou ti annan 527 plant later ki ti anba *IEA*. 3 mil biznes ki ti *operate* anba *IEA* e ti annan 115 endividi ki ti pe *rent* pou bann *small enterprise*. Ti annan 600

kliyan ki ti bezwen repey zot det. E nou ti ganny lasirans ki sa ti lo bon semen, tou bann sistenm ti pe ganny met an plas; en *debtors recovery process* ti ganny met an plas. La nou vini nou ganny dir en lot keksoz.

So, ler nou pe regard dan dokiman Bidze li menm, e mon pe regard anba *current receipt*, eski *CEO* i kapab dir nou egzakteman konbyen larzan zot in anmase an relasyon avek zot bann *debtors*, aköz prozeksyon ki zot, zot in met dan Bidze zot in menm koz lo ki mannyer zot bezwen fer fason pou kolekte plis reveni ti *around* 30 ekek milyon. So, mon ti a kontan konnen konbyen zot in ranmase?

Mon dezyenm kestyon Mr Chairman, an relasyon avek *IEA* i annan sa nouvo *rent* ki mon war in azoute e in antre dan Bidze. E sa i pres R2.3 milyon si mon pa tronpe. Mon ti a kontan konnen aköz ki *IEA* pe komans pey sa *office building rent*? Oubyen mwan ki'n mal war. Mon ti war drol aköz laranzman sete ki *IEA* ti'n sorti kot i ete pou li *save* larzan lo *rent*.

E la a *rent* ki i pe al peye i plis ki sa *rent* ler mon regard dokiman – i plis ki sa *rent* ki i ti pe peye oparavan. So, eski nou kapab ganny leksplikasyon lo *what* sa 2.3 milyon i *entail*?

E mon dernyen pwen Mr Chairman, akoz i konsern bann proze ki CEO in mansyonnen, mon vwar en *tender* ki'n ganny mete an relasyon avek en proze pou *plan and design and built industrial workshop* sant Providence.

Eski sanmenm sa enn ki nou pe koz lo sa *Marine Auto Industrial Park*, sa enn ki la? E si sa i leka Mr Chairman, konbyen sa, pa dir mwan konbyen sa proze i sipoze koute. Me mon vwar zot in met en Bidze R3 milyon ki en logmantasyon lo sa R1 milyon ki zot ti mete lannen presedan.

Eski sa larzan i pou ase pou kouwer *the cost of* sa proze li menm? Mersi Mr Chairman.

MR SPEAKER

Mersi Onorab. CEO, ou ava adrese?

CEO IEA THELMA ESTICO

Mersi Onorab pou ou kestyon. Mon a pran zis sa enn ki dezyenm kestyon. Sa 2.3 ki ou'n fer referans avek, nou'n fer re klasifikasyon i napa *increase* li menm sorti anba *P1* pou bouz anba sorti anba nou *main* pou al anba lot *estate*, (sorry)

Pou sa i plizoumwenn peyman ki annan sa 2 MEC ki nou *rent* avek Fon Pansyon. So, se sa i 2.3 *million*; savedir i annan kot *PIE* Providence. E

apre i annan sa *Maison Simone* Anse Boileau ki nou pe lwe avek Fon Pansyon. So, i *rental of payment* pou sa.

I pa'n *increase* li i zis annan parey mon pe dir en *reclassification* en *shift* ki'n blouz anba *from P1 to P2* - sa. E apre dezyenm kestyon ou ti'n demann nou lo kote *arrears*, *anyway*, mon a pas en pti pe detay lo la. Mon pou donn ou *revenue* ki nou'n annan *from 2020* e ziska la konm 2024.

E nou pou donn ou ziska *September 2024*. An 2020, nou ti annan en koleksyon reveni of 1.2 *million*. 11 sorry, .2 *million* e 2021 e *revenue collection of 21.5 million*. E pou sa ki nou ti'n kapab annan sa diferans ki nou'n kapab trouve en *increase of 90 percent*, sa ti baze lo en konpanyi ki ti pe ganny fer a sa letan.

E an 2022, *the revenue collection was*, ti 29.4 milyon e sa osi i reprezant en *increase of 37 percent*. E sa osi sa *campaign* ti *on going* ziska Out. E tou bann kliyan ti pe *allowed* pou zot *settle* zot bann det ki ti'n akimile, ki ti annan sa *penalty fee* ki ti ganny *remove* lo la. E an 2023 koleksyon ti 20.2 milyon. E sa nou konnen poudir in annan en pti *decrease* ladan.

E sa i baze parey ou konnen dezaz ti'n arive. E ansanm avek nou Minister ek

Minister Finans, nou ti demande ki i annan en *waiver of rent* pou nou bann kliyan ki ti'n ganny afekte. E sa ti pou en *3 months periods*. So, definitivman i pou annan en lefe in annan en lefe Desanm, i pou annan en lefe Zanvye, i pou annan en lefe an Fevriye lo la.

E lo la, i menm pou annan dimoun ki petet pa ti i annan dimoun ki fer son peyman davans. Ki petet zot in ekri nou in dir nou be *ok*, mwan mon ti'n fini peye Desanm. Alor, zot in demande pou repous sa ziska mwan Mars. So, baze lo la avek negosyasyon nou'n kapab aprouve. E an 2024, nou reveni *as at 27 September 2024* i 10,913. E nou konnen vre i annan en *decrease* ladan.

Me antretan parey mon pe dir, nou pe target en pti pe sa bann aryeraz ki annan ki parey mon pe dir, ki nou'n komanse. E *definitely by end of December* avek tou bann mezir ki mon'n site taler nou'n pran. E nou pan kont i pou annan en signifikan *revenue amount* ki pou'n ganny ramase. Mersi.

MR SPEAKER

Onorab, mon a zis regarde si i annan okenn pwen ki pa'n ganny adrese. Ar, wi, *ok* lo *Micro-Enterprise* Providence wi. CEO?

CEO THELMA ESTICO

Eskize Onorab, mon pa'n reponn sa enn kestyon. An sa ki konsern *Marine and Auto* nou deza annan 2.3 milyon ki deza dan nou *account* ki parey mon pe dir nou'n ganny retar avek en pti pe avek sa proze li menm. E deza i annan 2.23 milyon ki deza la dan en kont pou kapab fer sa proze.

E byensir sa proze ti sipoze *spread*, e *that is why* ki letan ou pe gete i pou annan ki pou tonm dan 2025, nou'n ganny en larzan adisyonnèl pou sa. 2024 nou ti ganny en larzan adisyonnèl. E 2025, pou al dan faz final. E nou pou annan ase larzan pou nou kapab materyaliz sa proze. E proze in fini *tender*, e nou e is esper bann *outcome of the tender*. Mersi.

MR SPEAKER

Thank you. Onorab, nou a terminen silvouple avek en pti soz. Mon pe zis vey letan. Ale?

HON SEBASTIEN PILLAY

Mersi Mr Chairman. Mr Chairman, prenon kont ki baze lo *current receipt* ki zot in poste dan Bidze sa lannen, zot in koz lo zot *budget* sete pou lo *long term lease land and building* ki nou pe koz lo la, la ti 17 milyon e zot in koz 15 milyon.

E ler ou'n al lo televizyon ou'n eksplike, ou pa'n met nan

perspektiv ki i annan bann biznes ki'n bezwen ganny en *grace* akòz sityasyon le 7 Desanm. E sa i *further* fer ou koleksyon vin dan problemm *plus* i annan bann *arrears* bann *aging debtors*.

So, nou, nou ava gete konbyen ou *ageing debtors* i ete. Me mon kestyon pou ou i sa mwan. Prenon kont ki dan lepase e Mr Collie ti konfirman ki zot ti annan bann problemm *invoicing* bann kliyan *regarding* bann *arrears* ki zot annan.

So, eski ler mon pe get pou larzan dan Bidze ki ou'n gannnen pou *restructuring* pou ou *staff*. E la parey Onorab Cosgrow in demann ou, ou annan ou 2 size spesifik ki ou pe dil avek.

1. Ou pe dil ek size re organiz bann biznes apre le 7 Desanm. E
2. Size anmas ou bann *rent*.

Eski ou'n *beef up* ou kapasite pou fer koleksyon an relasyon avek sa ki ou annan pou kolekte prozeksyon ki ou annan. E dezyenmman, eski ou'n annan en *unit* spesyal pa larzan pou donn bann biznes me en *unit within IEA* ki son rol se dil avek asire ki Providence i retourn lo sa nivo ki i ete.

Akoz ler mon regarde par egzanp parmi sa *33 biznes ki ti ganny kondannen - parmi

17 biznes ki'n ganny kondannen i annan 12 ki'n rebran i annan ki pa ankor kapab rebran. So, ti annan 33 an tou ki ti'n sa. So, nou pa ankor konnen egzaktman ki ou pe dir nou lo la *regarding* ki mannyer Bidze pou ed ou pou fer sa. Eski ou annan ase larzan pou ou kapab dil ek sa.

Akoz *major increase* dan ou Bidze i dan ou *PSIP* rather ki dan ou *recurrent*. Mersi Mr Speaker.

MR SPEAKER
CEO?

CEO THELMA ESTICO

Mersi Mr Speaker. Mersi Onorab, pou ou kestyon. Ou'n demann mwan en ta kestyon ansanm. Mon pou sey mon mye posib pou mwan kapab reponn ou bann kestyon. An sa ki konsern kapasite, pou le moman *IEA* nou annan kapasite *internally* pou nou kapab dil avek sa ki annan pou fer avek nou bann *invoicing* re organize.

An sa ki konsern det parey nou konnen mon pa pe dir det ki'n akimile la pandan sa le 7 Desanm. Sa bann det parey mon pe dir - ekspres mon'n asize mon'n fer en *debtors report* ki total tou sa bann det depi en bon pe letan pou mwan kapab konnen egzaktman ki la. I pa nou bann *current debtors* i annan

en pti git ki form parti nou *current debtors*.

Me solman nou annan en bon pe ki ti la bann *aged debtors*. So, sa ki parey mon pe dir mon pe met lanfaz lo la pou ki nou kapab anmas sa bann larzan e se pou sela ki annan parey mon'n dir bann mezir ki pe ganny pran menm lo kote eviksyon. Pou ki sa bann dimoun eviksyon pa zis fer koumsa menm.

Nou *evict* bann dimoun, e bann dimoun i repeye. E menm parey lo kote mon pe dir bann aksyon ki'n ganny pran. I annan menm bann dimoun ki en legzanp mon kapab pran zot byen in ganny sezi pou kapab repey zot bann det. Parey mon pe dir i pa telman ki relye avek sa lensidan le 7 Desanm.

An sa ki konsern bann biznes nou ti annan 17 biznes ki ti *badly affected*. E ladan letan nou'n kapab osi nou'n fer serten letid, nou'n pase nou'n fer bann port a port mon kapab dir *walk about* nou apel sa. Nou get en pti pe bann biznes, nou koz avek zot nou get en pti pe kwa ki zot pe fer fas avek.

Nou fer li en pti pe souvan. E menm mwan parfwa mon ale Minister i akonpanyen. E menm nou annan osi nou bann lezot travayer ki pe pase. E nou'n kapab trouve poudir letan

nou'n fer sa letid *97 percent of* nou bann biznes *is back into operational*, nou ti fer en prezantasyon lo la.

E zis apepre 3 poursan bann biznes ki pe, ki pa pe *operate*. E sa i apepre en 5 biznes ki i annan ki'n re kase *following* sa ki pe al re devlope. E i annan osi preski *almost completed* zot in komans zot devlopman. So, nou annan tou nou bann detay lo sak sa bann sityasyon sa bann biznes ki zot in fer fas.

E an sa ki konsern fon ki'n mete, nou napa parey mon'n dir ankor en fon, ki nou *IEA* nou'n met la dir nou pe al asiste biznes *or whatever* larzan ki nou, nou'n met la dir nou pe al asiste biznes direkteman, non. Me i zis annan sa *scheme* ki'n ganny met apar pr Minister pou asiste bann dimoun, zot bann dimoun zot menm zot, zot *apply* sa *scheme* ki'n ganny met an plas pou kapab ed zot avek zot biznes. Mersi.

MR SPEAKER

Thank you, CEO. Nou a is ganny letan pou Onorab Hoareau.

HON JOHN HOAREAU

Mersi bokou Mr Chair. Bonn apre midi Mr Chair. Bonn apre midi Minis avek tou bann dimoun ki'n vin ek ou. Mr Chair, mon ti ava kontan

konpran en pti pe lo *new approved spending minor capital outlay* pou 2024 mon'n war i annan en sif R380 mil pou aste lekipman pou *survey*.

Me ankore dan Bidze la, i annan anba *current challenges* i annan enn zot *challenge* zot target ki zot pa ankore *meet* koman *locating vacant industrial zones*. Eski Minis oubyen CEO i kapab eksplik nou ki fason i pou *meet* sa *challenge* anba sa Bidze. Mersi.

MR SPEAKER

Mersi. CEO, wi?

CEO THELMA ESTICO

Mersi Mr Speaker. Mersi Onorab pou ou kestyon. Mon kontan pou reponn sa enn kestyon. Mersi.

Annefe petet en keksoz ki IEA ti pe vin target se en *recruitment of surveyor*. Nou kontan nou'n kapab *recruit* en *land surveyor*, en *principal land surveyor* ki pe ed nou en pti pe dan bann travay pare letan ou get Providence i annan en pe dezord *encroachment and all*. So sa si ti nou dezir pou kapab annan sa dimoun an plas.

E nou'n fini *recruit* sa dimoun an plas. E i annan en lalis travay ki nou'n fini komans antreprann. E menm sa osi pou ed nou osi letan nou pou annan menm alokasyon

later parey pou Praslin *and all*, pou fer sir ki bann taso in ganny mete tou keksoz i annord tou keksoz i an plas.

E nou ti dan Bidze sa lannen, nou ti'n met en *survey equipment*. Nou'n fini *procure* nou premye *batch survey equipment* e nou bezwen annan en *back up*. E se sa ki nou'n met dan Bidze pou nou annan en *back up equipment*, pou ou kapab gannnen par sa *survey team* pou kapab kontinyen avek nou travay *survey* ki nou pou annan dan bann *estates*. Mersi.

MR SPEAKER

Thank you, CEO. I en gran satisfaksyon pou fini a ler. Mon ava apel bann Manm pou vot lo sa laliny Bidze pou *Industrial Estate Authority*, pou en total R65 milyon 745 mil. Manm ki an faver lev lanmen? Mersi. Manm ki kont?

Lo Bidze pou *Industrial Estate Authority* pou en total R65 milyon 745 mil, 18 Manm in vot pour, 0 kont e 9 in *abstain*. Bidze in aprouve par Lasanble. Nou a remersi bann zofisye ki pe kit nou, ki'n terminen lo sa *head*, Ms Estico, Ms Bijoux, Ms Fred, e mon'n sote e mon krwar nou ti osi annan Mr Antoine Barbe Direkter *Public Investment Management*. Mersi bokou pou

zot partisipasyon. Bonn rantre e bon kouraz.

SEYCHELLES LICENSING AUTHORITY

MR SPEAKER

E an menm tan madanm raporter ou ava apel bann zofisye pou *Seychelles Licensing Authority*.

Bonn apre midi e byenveni Mr Ronny Antat *CEO Seychelles Licensing Authority*. Miss Jessica Larue *Deputy CEO*. Mr Havilah Melanie *Financial Controller* e Mr Kelvin Freminot *Director Enforcement, Inspection and Investigation*.

Bidze *Licensing Authority* i lo paz 566 ziska 574 pou en total R29 milyon 621 mil. Minis, *comme d'habitude* en pti mo lentrodiksyon.

MINISTER DEVIKA VIDOT

Mersi Mr Chair. Pou lannen 2024 Lotorite *License* Sesel ti ganny R26.67 milyon. E pou 2025, Bidze ki pe ganny propoze in ogmante par anviron 11 pousan pou en sonm anviron R2.95 milyon.

Sa i konpri bann adisyon swivan; tel parey depans lo *training staff, capacity building*, vizit e lesanz teknik. Nou osi annan proze kot nou pe met bann dosye *licensing* dan form nimerik. Setadir *scanning*, fer bann *file* ki dan

form papye, nou *scan* li e nou pe *save* li dan form nimerik.

Licensing pe osi pe fer devlop son sistenm an antye pou fer ogmant fasilitasyon e laspe fer biznes Sesel i annan en komitman pou fer renovasyon lo son lofis, espesyalman pou *improve* servis ki i pe ofer son kliyan.

E pou sa i annan en alokasyon R1.5milyon ki pe ganny propoze. An plis ki sa Lotorite *Licensing* i kontinyelman amelyor son bann prosedir pou vin pli transparan. E kapab donn plis lenformasyon, anliny avek sa i annan en pe *recruitment* ki zot anvizaze fer. Sa pou ede pou dil avek laspe don lenformasyon e *customer service* pou sa lotorite li menm.

Avek sa Mr Speaker, mon ti a kontan propoz avek Lasanble Nasyonal pou zot prouv Bidze pou *Seychelles Licensing Authority* ouswa Lotorite *Licensing* Sesel. Mersi.

MR SPEAKER

Mersi Minis. Minis, konmsi mon'n tann ou dir 2.9 milyon. Eski mwan ki'n mal tande? 29 milyon, en.

MINISTER DEVIKA VIDOT

Mr Speaker, mon ti pe fer referans avek logmantasyon.

MR SPEAKER

Anr, ok. Logmantasyon...

MINISTER DEVIKA VIDOT

I ti 2.9. Mersi.

MR SPEAKER

Tre byen. Onorab Richard Labrosse, ou kestyon.

HON RICHARD LABROSSE

Mersi Mr Speaker. Bonn apre midi Minis ek ou delegasyon. Bonn apre midi tou dimoun ki a lekout. E bonn apre midi osi tou koleg Manm k avek nou. Minis, mon pe get dan ou Bidze la, mon pe sey rod sa bout. Me selman mon ti a kontan ou ti a donn en pe plis leksplikasyon lo la.

Mon konnen lannen pase *Licensing Authority* zot ti pe lans sa *driving license digital*. Mon ti a kontan konnen si dan sa Bidze ki nou pe al vote la, si i annan en larzan ki'n mete pou komansman sa travay. E ouswa si ou ti kapab dir nou ki travay ki reste pou sa vin ofisyelman? Mersi.

MR SPEAKER

Mersi. Minis, ou ava diriz ou *panel*. CEO, i ava komanse.

CEO RONNY ANTAT

Bonn ape midi chair. Bonn apre midi Minis. Bonn apre midi tou bann Onorab. E tou piblik a lekout. Onorab mersi pou ou kestyon. E zis pou donn sa komitman ankor enn

fwa; *SLA*, nou pe sey *as much as possible* pou nou met nou servis pli pre avek manm piblik.

E definitivman sa laspe *license online* i enn ki nou pe pran li vreman pre ki nou pe travay lo la an se moman. E mon kontan pou dir ki nou annan en komitman an se moman ki'n ganny fer par *DICT*, kot i annan en group son *staff* ki pou travay an *close partnership* avek *SLA* an lannen 2025 pou revwar nou sistenm antyerman.

Sa i konpri pa zis *license drive*, *but also* bann *license* biznes e osi bann lezot *license* ki nou pe *actually* ofer an se moman. So, savedir dan sa fason nou pou fer sir ki *by the end of* sa transformasyon, sa redevlopman kot tou *license* an aplikasyon pou kapab ganny fer *online*. Mersi.

MR SPEAKER

Thank you, CEO. Onorab Gill.

HON CHURCHILL GILL

Mersi Mr Chair. Bonn apre midi CEO. Mon kestyon i se ki parey ou konnen ozordi Sesel i kler ki Sekter Enformel i ase gro. Mon kestyon alor, eski *licensing* dan son Bidze i annan keksoz ki'n ganny mete pou zisteman pou fer en travay dan sa direksyon pou ki nou a kapab *streamline* lakantite dimoun ki ozordi nou okouran

ki dan Sekter Enformel?
Mersi.

MR SPEAKER

Thank you. Minis, wi?

MINISTER DEVIKA VIDOT

Mersi Mr Speaker. Onorab, zis pou fer resorti ki an se moman par egzanp i annan serten aktivite ki pa neseserman ganny *license*. I annan lafason ki kad legal i tonbe, i annan serten aktivite kot ou pa bezwen en *license*. E sa pa vedir ki sa biznes i napa son lobligasyon pou li fer son peyman *tax*.

So, anliny avek sa nou lo kote Gouvernman nou osi anvi ki bann aktivite ki ganny regle, bann aktivite ki fer sans kot nou bezwen met en lankadremman.

E sa i annan serten travay ki nou pe fer pou vwar lekel sa bann aktivite. Me an deor sa, i touzour reste responsabilite par egzanp Komisyon Reveni Sesel pou idantifye lekel sa bann biznes ki pe fer aktivite, ki pe anmas reveni me selman ki pa pe kontribye anver *tax*. Mersi.

MR SPEAKER

Thank you. Wi, Onorab Gill.

HON CHURCHILL GILL

Mersi. Mon'n konpran larepons. Me selman mon pe koz bann ki zot bezwen annan

en *license*. Ki petet pa neseserman *license* ki nou konnen lekel zot. Me selman eski i annan en travay ki pe fer pou kapab *capture* sa group la? Mersi.

MR SPEAKER

Thank you. Bann ki ti devret annan en *license*. Minis?

MINISTER DEVIKA VIDOT

Wi, mersi Mr Speaker. Parey mon'n fer resorti dan mon larepons. Wi, i annan en travay ki nou pe fer pou vwar ki bann aktivite. E dayer osi petet ki bann aktivite ki i pa neseserman bezwen tonm dan en kad legal ki sitan strik e formel. So, sa osi nou pe regarde. Mersi.

MR SPEAKER

Thank you. Onorab Lemiel?

HON SYLAVANNE LEMIEL

Mersi Mr Speaker. Bonn apre midi *CEO SLA*. Mon ti a kontan demann avek Minis oubyen *CEO*, mon vwar anba gouvrenans ki program 1 zot annan en *rent* anba *other uses of goods and services*, *rent* i sorti, R666 mil pou vin R2.4 milyon. Mon ti a kontan konnen aköz sa *increase*? E apre sa ti deza annan koze Minis ki *SLA* ti oule desantraliz son servis pou vin en pti pe dan sid.

E Anse Royale ti en landrwa ki zot ti'n mazin bouze dan *CLC Building*. Eski sa i ankor on? E si wi, eski kan zot pe mazin bouze? E konbyen larzan zot pe mete dan *rent* an ka zot pe monte? Mersi.

MR SPEAKER

Thank you. CEO, yes, please.

CEO SLA RONNY ANTAT

Bonn apre midi *once again*. Onorab mersi pou ou kestyon. Mon pran premye kestyon anliny avek *rental*. Sa logmantasyon *rent* ki nou war i akòz nou war nesesite pou nou fer renovasyon lo nou *building* an se moman.

E ler nou pe fer renovasyon pou annan bann serten laspe ki nou bezwen pe bouz *staff* an deor *SLA*. Prezan nou pe bezwen pe *cater* pou sa mouvman par sa *rental*.

Dezyenmman, an term desantralizasyon mon vreman kontan ki ou'n *mention* sa akòz sa i en keksoz ki nou pe travay lo la de pre avek Minister *Land Use and Planning*.

E definitivman i annan en komitman ki'n ganny fer ki nou pou annan en lofis Anse Royale. An se moman nou pe gete ki mannyer nou pou *facilitate* sa. Mersi.

MR SPEAKER

Yes, Onorab Lemiel? Klarifikasyon?

HON SYLVANNE LEMIEL

Mersi Mr Speaker. En klarifikasyon. Mon krwar *its good news* akòz en bon pe letan petet nou'n demande pe espere. Me eski ou pe mazin zot bouze 2025? Apre mon ti a kontan petet konnen kote zot pe pey *rent*? *Thank you.*

MR SPEAKER

Thank you. CEO?

CEO RONNY ANTAT

Mersi Chair. Sa lokasyon i sipoze en *Governmental Office* ki sipoze Anse Royale. As soon *as that is ready*, nou sipoze pe bouz ladan. 2enm...

HON SYLVANNE LEMIEL

Mr Speaker, i pa pe ganny en konpran. Mon'n demann li kote zot pe al pey *rent*. Kote zot pe al met zot bann *staff* pou pey sa *rent*. Mersi.

MR SPEAKER

Mersi. Klarifikasyon. *CEO?*

CEO RONNY ANTAT

Sorry for that. An se moman i annan serten landrwa ki nou'n eksplòre. E la nou pe konsider *Pension Fund*, en landrwa dan santralize dan lavil menm pou *allow* sa *access* avek piblik.

MR SPEAKER

Thank you, CEO. Onorab Sandy Arissol.

HON SANDY ARISSOL

Mersi Mr Speaker. Bonn apre midi Minis avek ou lekip. Mon ti a kontan demann avek CEO Mr Speaker. Letan mon pe get zot manda se pou *facilite* biznes. E i annan konplent toultan an relasyon avek tarde, dimoun i servi sa term lanpayaz ki annan pou li ouver en biznes sirtou bann Seselwa.

Be avek biznes ki nou pou vote pou ou la, ki konponan Bidze ki travay ki zot in fer pou ki bann Seselwa laba deor ki lantouzyazm, i annan son landrwa ki'n fini pare in ganny son lekipman. Zis par fwa i annan sa bann retar sa lazans pa ankor vini, mon pe esper sa enn, sa enn pa ankor donn mwan en *feedback*.

Ki travay i annan la avek sa finansman ki nou pe donn ou pou ki bann pti biznes Seselwa ki anvi epanouir, ki anvi agrandi, ki anvi fer nouvo keksoz, zot ganny en keksoz pou ki zot ganny lasirans pou ki atraver sa biznes pou dir sa bann zafer retar i arete. Me son landrwa in pare, son bann lekipman i la i ganny son *license*.

Me i ava ganny bann kondisyon kot *Licensing* ek lezot lazans i kontinyen swiv. Mersi bokou Mr Speaker.

MR SPEAKER

Minis?

MINISTER DEVIKA VIDOT

Mersi Mr Chair. Onorab, annefe ki nou'n fer tou resaman nou pe travay en pe entansif lo bann revizyon, regilasyon kot zisteman parey ou kapab konstate i annan detrwa pti lanpir dan Gouvernman ki nou pe sey kase, parski se sa ki pe met retar bokou.

E ki nou pe fer atraver sa bann revizyon Lalwa se ki nou pe donn plis pouvwar Lotorite *License* pou zot kapab fer en determinasyon lo bann *license*. Sirtou bann ki zot in abitye avek pou bokou lannen. E ki *staff* li menm i deza annan leksperyans e konpetans pou zot kapab pran en desizyon lo sa bann *license*.

Lide par deryer sa se pou retir birokrasi, delarg lanmen Lotorite *License* pou li bouz pli vit pou donn *license*. Me sepandan avek sa osi, avek lafason ki keksoz pou bouz pli devan, i pou vin pli liberal, wi, me selman i pou annan responsabilite. I pou annan responsabilite ki bann biznes pou bezwen pran a zot tour. Sa i vreman enportan e fodre nou osi nou ede dan sa demars.

E nou pa servi bann taktik politik pou letan Lotorite i pran aksyon avek bann biznes ki pa pe respekte

bann standar, bann komitman. E nou pa fer sa vin en zouti politik. So i *part and parcel of* ledikasyon - pou en fason fer. Me mon konvenki ki i pou en fason ki pli lozik e kot nou Gouvernman kot nou napa bokou resours.

E i pou en fason ki nou kapab target nou bann resours dan bann landrwa ki pli enportan. Alor dan plas met bokou baryer pou ou ganny en *license*, me plito nou *allocate* sa bann resours pou nou refer *inspections, spot checks* - bann keksoz koumsa pou fer sir poudir sa bann standar ouswa sa bann regilasyon pe ganny swiv parey zot ti promet avan zot ti ganny *license*. Mersi.

MR SPEAKER

Thank you, Minister. Onorab Pillay.

HON SEBASTIEN PILLAY

Mersi Mr Chairman. Mr Chair, mon kontan tande ki sak fwa en keksoz i al mal nou *go back* pou se pa konbyen lannen e nou pa get la ozordi. Kestyon pou *licensing* i senp. Ler mon regard ou Bidze mwan menm mwan mon'n al kot *licensing* resaman pandan bann letan pou al fer transfer - enkrwayab.

Sa bann *staff* en pake presyon zot anba la, kantite dimoun ki pe antre, i plen,

eksetera. So, *whilst oule take care of building*. Mon pa pe vreman war dan Bidze ki mannyer ou'n ogmant kondisyon bann *package* pou bann *staff* ki travay *Licensing Authority*, even servis ki zot bezwen donn Leta.

Me si zot, zot napa sa lanvi pou travay, e si ou servis i riske pran letan e ou *end up* ek sa problem ki Onorab Arissol in koz lo la. So, eski ou pe prevwar en revizyon *package*, en revizyon kondisyon bann *schemes of service* pou bann *staff Licensing Authority* spesifikman ou bann *frontliners* ki la devan lo *frontline* toultan pe dil avek bann sityasyon? Sa i mon premye kestyon Mr Chairman.

Akoz ler mon get Bidze *increase of 2.9 million*, sa 2.9 million i pe plito pe al ver enn en 3 milyon ki sipoze al ver renovasyon *building licensing*. E 2.6 milyon ki Onorab Lemiel in fer referans avek ki pe al ver 2.4 milyon ki pe al ver *rent*. So, napa naryen pou *staff*. So, mon ti a kontan demann CEO sa premye kestyon.

Mon dezyenm kestyon Mr Chairman, en, CEO in mansyonn en travay ki zot bezwen fer an relasyon ek bann kestyon ki'n ganny demande lo Sekter Enformel ki zot pou dil avek. Ler nou pe koz Sekter Enformel nou pe

koz tou. Nou pe koz *taxi* pirat, tou dimoun ki fer aktivite enformel ki kapab ganny takse.

Now, dan bann *assumptions* Bidze, enn bann pwen kardinal ki Minis in mansyonnen, se ki mannier zot pou ogmant aktivite reveni pou li kapab zwenn son prozeksyon lafen lannen, *which is* son R10. ekek bilyon ki le anmase.

So, kestyon ki mon annan pou *CEO* kote dan sa Bidze ki'n met resours adisyonnèl pou al dil avek sa *inventory*, sa travay ki bezwen fer pou zot annan al *licensed* bann Taksi Pirat. E kestyon senp pou Minis Devika Vidot, eski ou annan lentansyon al fer bann dimoun dan Sekter Enformel komans pran en *license*? Par egzanp bann Taksi Pirat, eski zot pou bezwen en *license*? Bann lezot aktivite eski zot pou bezwen en *license*? Akoz pou nou kapab konpran egzakteman ki mannier sityasyon i ete. Mersi Mr Chairman.

MR SPEAKER

Mersi. Minis, i a komanse?

MINISTER DEVIKA VIDOT

Mersi Mr Speaker. *Ok*, an relasyon avek *package* Onorab in fer referans avek *package*. Menm parey bomaten mon ti pe esey eksplik zot an relasyon

avek Minister ki kote kot mwan. Byensir kote kot *Licensing Authority*, i tonm dan menm *basket*. Nou ti a swete, nou ti a voudre, kapab donn logmantasyon saler tou dimoun dan en fason ki ti ava satisfere tou dimoun.

Me malerezman, nou pa viv dan en rev. Nou viv ek en realite, e sa se ki i annan en restriksyon bidzeter lo *wage bill* ki nou'n bezwen adere avek. E Minister Finans i donn nou gidans an relasyon sa.

Mon krwar tou resaman zot in seye fer bann revizyon pou donn en pe plis reminerasyon bann *staff*, bann travayer dan Gouvènmman.

E byensir o firamezir parey Minis Finans in eksplike, letan keksoz i amelyore i ava annan keksoz ki zot a kapab donn plis nou bann *civil service*.

Keksoz selman Onorab ki nou kapab ki mon krwar definitivman sa pou ede a term travay, avek sa bann revizyon dan regilasyon ki pe vini. Sa pou retir en kantite travay lo *staff* ki travay dan Lotorite.

Parske sa kantite letan ki zot pou bezwen pase pou zot trace bann rapor, bann *remarks*, bann *feedback* eksetera, zot pa pou bezwen pas dan sa bann prosedir ki sitan long parey i egziste konmela.

Dezyenmman, i annan bann solisyon nimerik ki nou pe travay lo la, sa osi i pou ede retir e soulaz zot. En legzanp senp, ozordi zour letan en dimoun i demann en *license*, zot bezwen anmenn en kantite dokimantasyon avek zot e avek solisyon nimerik, en dimoun *once* in soumet son dokimantasyon, ouswa posibleman osi pa ni pou bezwen fizikman soumet sa dokimantasyon. Me nou pou annan li dan sistenm, e alor sa pou retir en ta travay lo nou bann *staff*.

So, nou pe rod lezot fason pou nou kapab amelyor kondisyon *staff*. An fezan sa, nou pe osi *improve* loperasyon nou lazans. An sa ki konsern *rent* renovasyon, mon zis partaz avek ou se ki rezon ki *SLA* pa ankor kapab fer en demars konkret pou li kapab bouze. E avek sa renovasyon se parske ot pa pe war dokimantasyon legal ki don zot sa zistifikasyon pou kot zot ete.

E byensir nou, byensir *CEO*, koman en zofisye responsab, i santi li dan en pozisyon difisil pou kapab servi larzan san ki i annan tou bann dokimantasyon legal. Mon pa tro konnen ki'n pase dan lepase, me sa i larealite zot ankor pe tap tou laport pou zot kapab ganny dokiman; larealite - kot zot kapab ganny

dokiman pou zistifye anba ki kondisyon ki zot ete la kot sa *building*. Kote zot bout i komanse, kot i fini? Ki lobligasyon ki lo zot? Nou ankor pe sey rode.

An sa ki konsern reviz bann Polisi, bon, par egzanp pou taksi pirat, sa i tonm direktman anba Seksyon Transpor. Kot Lotorite *License* ki mannyer nou travay, i annan serten Polisi ki pa ganny *driven* par Minister li menm. Sa i vin atraver bann lezot Minister. E par egzanp pou taksi pirat, sa i en keksoz ki Departman Transpor atraver zot Polisi Transpor se zot ki *drive*.

E letan i ariv kote kot nou, parske i annan sa mekanizm an plas. Lotorite *Licensing* zis i *enforce*, i enplimant sa bann Polisi dan laform donn *license*, *road fund* eksetera. Mersi.

MR SPEAKER

Onorab Pillay, annou *stick to* klarifikasyon silvouple.

HON SEBASTIEN PILLAY

Definitivman Mr Chairman, nou pou *stick* lo klarifikasyon. Mr Chairman, mwan mon war li en pe drol ki Minis i dir mwan poudir dan en moman kot *Licensing Authority* i oule bouze i pa pe war en dokiman pou lakantite letan ki zot la. 4

an tou sa letan zot la zot pa war en dokiman, *anyways*.

Anyway, sa i larepons ki Minis in donn nou. I pou sey noy en pwason si i kontinyen seye. Sa ki mon ti a kontan Minis i reponn, ouswa *Licensing Authority* i reponn, *ok*, Minis in eksplik mwan ki mannyer *basket* Gouvernman i marse. Nou tou nou konpran sa. Me selman kestyon ki nou ti annan se prenon kont ki ou'n annan en Bidze ki pa pe sanze ditou.

In fact, ler mon pe regard menm anba ou *Government management and administration wages and salaries* in ogmant zis par forse R300 mil *not much*. E ler mon regard en pe pli ba ankor dan ou lezot *areas*, ankor enn fwa mon pa pe war gran logmantasyon. So, *the question is* sa bann *staff* i deza annan sa sityasyon ki zot pe travay lo la.

We don't see the increase in the budget Mr Chairman. Sa ki mon ti a kontan demande se ki zot bezwen annan en *scheme of service*. Eski in annan en *proposed revision of the scheme of service even if* nou konnen i annan en *basket* i annan isi, i annan laba, eski i annan en *proposed revision of the scheme of service*? E eski sa *proposed revision* in ariv kot Minister Finans? Mr Chairman, sa kestyon i relye

avek mon kestyon orizinal. Mon pa pe demann kestyon an plis.

MR SPEAKER

Non-non. Me selman i en size ki Minis in adrese.

HON SEBASTIEN PILLAY

Non, be Mr Chairman Minis pa'n adrese. Minis pe rod en leskiz pou pa adres mon kestyon.

MR SPEAKER

Ok-ok. Minis, mon donn ou laparol pou okenn klarifikasyon adisyonnèl.

MINISTER DEVIKA VIDOT

Mersi Mr Chair. Mon pou ankor enn fwa konfirman. Definitivman i annan en *scheme* ki'n ganny propoze. Mr Speaker, mon pou partaz sa parol avek mon 2 koleg. Akoz tou lede kestyon mon ti a voudre bann teknisyen ki reponn *Leader* Lopozisyon, pou zot kapab ganny lenformasyon direk. Mersi.

MR SPEAKER

Thank you. CEO, pou pran laparol? Yes.

CEO RONNY ANTAT

Mersi Minis. Mers Onorab. *In terms of the* premye an term renovasyon, zis pou konfirman wi, nou pe ganny en pe difikilte an term sa mouvman. E

dezyenmman, i annan en *scheme* ki nou ti propoze avek Minister Finans an term revizyon total *scheme* pou tou nou *staff* dan *SLA*.

Nou ti fer tou prosedir ki nesesser; revizyon *functional review*, plan stratezik. Me *unfortunately, at the end of the day this was not featured*.

MR SPEAKER

Thank you. Eski i annan okenn lot zofisye ki pou azout keksoz? Ms Tamatave, yes?

PS ASTRIDE TAMATAVE

Mersi Mr Chari. Mr Chair, parey Minis avek *CEO* in mansyonnen, wi, *SLA* i travay lo en *scheme of service*. E wi, no Minister Finans nou pa'n *provide* larzan *Licensing* pou son revizyon *scheme*. *Licensing* i pa sel antite Gouvernman ki *over the years* in travay lo en *revised scheme of service*.

Parey nou'n dir dan lepase, Gouvernman nou anvi komans fer *the functional review*, akòz lespas pou nou donn *individual scheme* Mr Speaker, nou bezwen fer li dan en fason konpreansiv. Akòz ou annan bann sekter ki ase kle ek kanmarad. Letan par egzanp ou pou fer en revizyon dan en *scheme* en antite, natirelman i annan en lefe lo en lot *scheme of service*.

Nou pe regard en nouvo striktir saler, ki petet *even we can do away* ek bann *schemes of services*. Akòz ozordi nou annan nou pros en 100tenn *scheme of service* dan Gouvernman. E nou annan *job* ki pa kouver avek en *scheme of service*.

I annan en profesyonnel ozordi dan Gouvernman ki petet pa ganny *marketable scheme* li, akòz i pa ganny kouver avek en *scheme of service*.

Marketable i anba *scheme*. Me selman nou annan dimoun ki dan Gouvernman, ki son profesyon pa ganny kouver anba en *scheme* Onorab. I pa pe ganny peye sa *marketable* li.

So, nou annan en *whole* legzersis ki nou bezwen fer, revwar tou bann *scheme* i egziste avan ler nou kontinyelman *revised* bann *scheme*. Lannen pase Gouvernman nou'n fer en revizyon lo bann *common cadre*, ki nou vwar ti merit en revizyon.

Par egzanp *Admin Cadre*, *IT Cadre*, sa lannen Gouvernman pe propoz pou lannen prosenn en *overall increase* dan saler tou Travayer Sekter Piblik. E nou pa pou kapab fer tou keksoz an menm tan. Nou bezwen esper lespas fiskal permet nou. E nou ava fer li an mezir

ki nou ganny sa lespas tout an prenon kont zot abilite nou *wage bill*. Mersi Mr Chair.

MR SPEAKER

Mersi. Bon. Nou a *move on*. Onorab Romain ou kestyon. Mersi Mr Chair. Mr Chair, mon kestyon in *partially* reponn. Me selman mon zis anvi tous en pti pe ankor lo la. Anvi ki Minis e *CEO* in fer resorti ki lo kote sa bout *structural repair building* ki'n mank dokiman akòz mon ti pe al demande kan zot ekspekte sa travay pou ganny fer akòz mon deza demande sa kestyon dan lepase, akòz napa son konfor vreman dan sa lofis.

Me anvi ki zot pe ganny sa problem la, anvi ki rol ki *Licensing* i zwe zot zwe en key rol dan biznes dan Sesel tou dimoun i bezwen vin kot zot pou ganny en *license* a en moman letan, eski zot pa krwar zot ti a pli bon dan zot prop batiman ki zot konnen sa i pou zot. Ki a lafen dizour demen ler zot antre ladan zot pa bezwen war zot pe pey en *rent* tou lazournen? Oubyen kekfwa parey la zot bezwen pe al fer en *major* renovasyon?

Sa ti en pti pe mon kestyon Minis, Mr Chair. Si Minis oubyen *CEO*, ti kapab donn mwan en pti leksplikasyon lo la? Mersi.

MR SPEAKER

Mersi. Minis oule adrese?

MINISTER DEVIKA VIDOT

Yes. Mersi Mr Speaker. Onorab zisteman sa plan pou fer renovasyon pe lager en kantite avek nou pa pe kapab ganny dokimantasyon sifizan. Nou ankor pe tap loto laport pou nou kapab ganny dokimantasyon nesaser.

Me sa i preski dir en posib pou le moman. Tou laport ki nou'n tape swa i annan en bout lenformasyon, i napa tou. Nou'n sey *track* depi o debi menm, lo komansman i pa vreman fasil.

Definitivman, nou panse ki - I *mean* ou war leta kot sa *building* i ete. Si nou ti pe al fer renovasyon mazer, Gouvernman i bezwen annan sa konfor pou dir sa propriyete la, nou annan tou nou drwa lo la.

E ki demen person pa kapab vin dir nou sorti ale. E osi nou bezwen konnen kot nou komanse, kot nou fini. Me alor ki nou bezwen fer, nou'n bezwen avek Minister Finans met propozisyon ater ki letan i annan bann proze *Government House* ki pe ganny konsewar, *Licensing Authority* i ganny enkli ladan. Parske sa enn morso batiman la, nou napa lasirans lo la. Mersi.

MR SPEAKER

Thank you. Mon'n ariv kot Onorab Aglae, i pa la. Onorab Larue, ou annan en kestyon?

HON FLORY LARUE

Mersi Mr Speaker. Bonn apre midi *panel*. Bonn apre midi tou dimoun a lekout. Minister, dan ou Bidze pou *licensing* nou'n vwar ki i annan en lanfaz en gro lanfaz ti pe mete avek lo teknolozi avek revizyon dan Lalwa. Eski ou kapab dir nou ki *timeline* ki zot pe mete pou kapab akonpli sa louveraz ouswa si i annan letap ki zot *timeline* pou kapab ki dimoun i kapab vwar en servis ki modern an relasyon avek teknolozi ki zot kapab servi. E ki sa bann Lalwa ki gid zot i *up to date*. Mersi.

MR SPEAKER

Panel. Yes, accountant ki pe pran?

DUPUTY CEO JESSICA LARUE

Mersi Mr Speaker. Bonn apre midi tou Mam Onorab e tou dimoun a lekout. Mersi Onorab, pou ou kestyon.

Annefe, *Licensing Authority* i annan en *technology road map* ki nou apele an kolaborasyon avek *DICT*, kot tou le lannen nou annan en seleksyon proze ki nou annan pou fer, ki pou *enhance customer...*(eskiz mwan en pti moman) Yes, ki

pou anmenn nou servis pli pre avek piblik.

Sa dezyenm faz in fini ganny, in fini konplete. Kot la nou annan *digital driving license*. E zot osi piblik i kapab *renew zot driving license online*. E nou bann lezot faz ki vini i vin an term kre bann platform, kot nou bann konsonmater i kapab ganny akse ek tou zot lenformasyon, zot *portfolio* ou kapab dir, zot *file* kot lenformasyon i la.

E pou le moman patant i kapa *renew online*. Bann *car hire* i kapab *renew zot self-drive online*. I annan en gro proze redevlopman osi ki nou pe fer lo nou sistenm *operational*. E sa ki a fer loperasyon en pe pli efektiv. E osi sa eleman *customer* i antre. Kot *customer* osi i kapab ganny akse avek zot bann lenformasyon, tyek *status* zot *license* dan prosedir. E osi nou lentegrasyon avek bann lezot partener ki nou lyez avek.

E sa ki ava fer loperasyon *SLA the insurance of license and sharing of information* en pe pli fasil. I pa fini la kot nou war *the use of SeyID*, nou pe servi li pou nou kapab kree sa bann *portal*. So, 2024 nou'n kapab finaliz en bon pe sa. E an 2025, nou annan bann lezot proze en pe pli teknikal mon kapab dir, kot nou pe sey travay lo *online vehicle registration*.

Me selman pou sa, nou bezwen revizit tou bann *steps* ki annan dan *vehicle registration from the import down to the registration steps*. So, tousala nou bezwen gete ki *manner* nou kapab *streamline, automate* sa bann prosedir *through the integration of bann sistenm of different partners*.

E osi i annan en sistenm kot nou kapab *manage* nou *customer relationship*, tou bann konplent ki antre, tou bann *inquiries* ki antre, nou kapab *manage* sa e *monitor* pou nou kapab *improve* nou servis.

Bann lekipman osi kot nou pe travay lo la pou nou bann lenspekter lo kote parey bann *tablet*, bann *body cams*, *dash cams*, tousala pou ed nou dan nou bann *enforcement duties*.

Parey in ganny mansyonnen avan, nou pe *focus* bokou lo *enforcement* dan plas *at the license insurance stage*. Nou prefere *focus* lo *enforcement* e sanmenm sa ki annan sa *fixed penalty* ki nou'n entrodwir.

E apre i annan bann lezot proze ki an term *digitalization*, kot nou pou fer sir tou nou bann rikord i an *format* nimerik ki pou kapab fasilite sa bann proze *digitalization* ki nou pe fer. Mon krwar se tou. Mersi Mr Speaker.

MR SPEAKER

Mersi. Bon pou terminen, mon a donn...

HON FLORY LARUE

(Off-Mic)

MR SPEAKER

Sorry? Ou ti'n demann en kestyon lo amannman bann Lalwa? *Panel* si zot in sezi sa kestyon. Yes, CEO?

CEO RONNY ANTAT

Mersi pou ou kestyon Onorab. *At the start of the year, sorry*, nou ti komans bann prosedir pou nou kapab reviz tou regilasyon *SLA* e osi nou *app*. E anliny avek sa, nou pe get plizyer keksoz an term ki *manner* nou fasilite biznes; ki *manner* nou pou fer sir ki nou bann Lalwa i a zour pou kapab entegre bann nouvo aktivite biznes.

E *at the same time*, ki *manner* nou pou fer ki nou Lalwa i pran konsiderasyon bann sistenm nimerik *digitalization* e bann nouvo biznes ki pe servi sa bann *platform*. Mon kontan poudir ki sa - *this was* - ti en proze ki nou ti *consult out*. Sa proze i sipoze komanse la le 1 Desanm. E i sipoze ale pou 6 mwan.

Apre sa peryod la nou pou komans bann seri travay pou nou kapab *update* sa bann regilasyon apre tou sa

bann *consultation* i ganny fer.
Mersi.

MR SPEAKER

Thank you, CEO. Bon, mon ti pe al dir pou terminen mon a donn Onorab Gill ankor en kestyon.

HON CHURCHILL GILL

Mersi Mr Chair. Mon kestyon i an relasyon avek *major achievement, bullet 7* ki dir ki “*initiate engagement avek stakeholders pou tackle ilegal garage*”. Mon kestyon se *Licensing* i tonm anba sa Minister, *IEA* i tonm anba sa Minister. E sa dimoun ki pe fer sa garaz ilegal pou li ganny en landrwa i bezwen al kot *IEA*.

Eski i annan en konversasyon, vi i tonm anba menm Minister kot i annan serten fason kot zot rod en solisyon avek serten fleksibilite, vi ki i menm Minister ki bezwen en kote *enforce*, lot kote selman donn solisyon? Mersi.

MR SPEAKER

Thank you. Panel? Yes, accountant.

DEPUTY CEO SLA JESSICA LARUE

Mersi Onorab, pou ou kestyon. Si mon konpran byen ki bann zefor nou pe fer konsernan bann garaz ilegal - ki bann...

Wi, mersi pou ou kestyon annefe en gro travay ki Lotorite *Licensing* in fer *during this year*. E mon kontan pou dir ki bokou nou bann partner enkli Lasanble Nasyonal in partisip ladan, i pou nou reget en pe sa lendistri e sa bann aktivite an zeneral lo kote mekaniz, garaz e tousala.

E la apre ki nou’n fer sa bann konsiltasyon nou’n gay en bon pe sa bann *proposals* ki nou pe travay lo la. E pli tar nou pou vin avek en bann *propose framework* pou nou kapab konmsi *capture as many of* sa bann operater *as possible*. So, pou nou fer en *framework* e pti pe pli transparan e ki... *yes, that’s it*.

MR SPEAKER

CEO, ou ava azoute dernyen parol.

CEO RONNY ANTAT

Mersi Mr Speaker. Mersi *Deputy*. Zis pou azout lo sa ki *Deputy CEO* ti pe dir, sa louvraz ki nou’n fer i pran nou en pe letan, aköz nou pe zwenn avek diferan lazans, diferan lotorite. E *IEA* osi i enn sa bann lotorite ki nou’n zwenn avek; i enn parmi tou sa bann.

Akoz nou’n zwenn osi avek eskiz mwan. Lasante Piblik *SFRSA*, nou’n fer sir ki nou’n ganny tou sa dimoun. E ansanm nou pe sey travay lo

en solisyon, ki pou pran konsiderasyon tou sa bann problem. E sey *come up* avek en keksoz ki pou benefisye definitivman biznes, sa bann dimoun e osi pou nou bouz dan en fason pozitiv. Mersi.

MR SPEAKER

Mersi. E mersi *CEO* pou koriz mwan - Ms Jessica Larue *Deputy CEO*. Bon, nou'n ariv a lafen kestryon pou sa antite. Donk, nou ava apel Manm pou vot lo Bidze pou *Seychelles Licensing Authority* ki pou en total R29 milyon 621 mil. Manm ki vot pou sa Bidze, lev lanmen silvouple? Mersi. Manm ki kont? Lo Bidze *Seychelles Licensing Authority* pou en total R29 milyon 621 mil, 20 Manm in vot pour, 0 kont, 7 in *abstain*. Bidze in aprouve par Lasanble.

Nou a pran e poz la, e nou a retournen pou Bidze *Enterprise Seychelles Agency*, 4 er 10. Mersi.

(BREAK)

ENTERPRISE SEYCHELLES AGENCY

MR SPEAKER

Bon, bonzour e byenveni bann zofisye ki'n zwenn nou. E nou annan Ms Liza Lau-toy *Chief Executive Officer Enterprise Seychelles Agency*, Ms Ursula

Marengo son *Senior Accountant* e Ms Lindy Cupidon son *Director Human Resource*. Fotespere mon'n ganny tou korek. Byenveni zot tou.

Nou pe pran Bidze *Enterprise Seychelles Agency* ki lo paz 540 ziska 546 pou en total R19 milyon 681 mil. Minis, lentrodiksyon.

MINISTER DEVIKA VIDOT

Mersi Mr Speaker. Parey ou'n fer resorti Mr Speaker, Bidze ki pe ganny met devan i annakor avek Lazans Lantrepriz Sesel pou lannen 2025, i pou en sonm R19.681 milyon. E sa i reprezant en logmantasyon anviron R8milyon konpare avek Bidze pou 2024. Sa logmantasyon i en logmantasyon anviron R8 milyon, e sa pe al prensipalman anver louvraz pou konplet proze Beau Vallon.

I annan serten travay elektrik, *sewage* e re aranz semen pou ki bann dimoun ki pou servi a landrwa i kapab ariv kot sa sit dan en fason ki byen ki annord.

E parey nou'n eksplike, sa proze i enn nou vin devan Lasanble nou'n eksplik proze dan lepase. Sa proze i enn ki pou donn apepre en 40tenm biznes oportinite pou zot ganny en lespas pou demontre zot prodwir.

Avek sa Mr Speaker, mon demande ki Lasanble Nasyonal i aprouv Bidze pou Lazans Lantrepriz Sesel (ESA.) *Sorry.*

MR SPEAKER

Mersi Minis. Bon, nou a pran kestyon bann Manm. Nou a komans avek Onorab Aglae.

HON EGBERT AGLAE

Mersi Mr Chair. Bonn apre midi CEO ESA ek ou zofisye. Mon pou komans premye kestyon anliny avek sa dernyen larepons ki Minis - sa dernyen *brief* ki Minis in donnen. Lo size sa *Regatta Site* mon war ou'n met 7.5 milyon pou 2025 avek 5 milyon pou 2026.

Wi, zot ti montre pou donn serten leksplikasyon, me selman mon anvi konnen vi ki ti annan en plan en pe pli elarzi dan sa proze li menm li, mwan mon oule konnen ladan petet, ki konponan ki ESA li menm i annan serten responsabilite anvi sa lenvestisman.

E anvi ki sa lenvestisman i en pti pe pli gro ki mon mazine letan plan ti ganny prezante, eski i reste parey dan plan orizinal? Ouswa i annan serten sanzman? E osi lekel bann lezot envestiser ki si i annan ki ESA pe *partner* avek dan sa landrwa ki nou

apel sa *Regatta Site* dan zot kalite. Mersi.

MR SPEAKER

Mersi Onorab. Yes, Ms Lau-toy.

CEO LISA LAU-TOY

Bonn apre midi Mr Chair. Bonn apre midi tou Manm Onorab avek tou dimoun ki pe ekout nou. Onorab mersi pou ou kestyon. Avan mon reponn ou kestyon, zis en pti klarifikasyon. Sa sonm 7.5 ki dan Bidze pou 2025 sa i spesifikman pou *Regatta Site*. Sa sonm 5 milyon ki dan Bidze 2026, sa i pe al pou proze *Waterfront* e non pa pou sa *site Regatta Site*. Petet in annan en fot letan zot in mete zot pa'n met klarifikasyon avek.

Ok, so pou reponn ou kestyon lo sit *Regatta Site*, parey Minis in deza eksplike, sa proze i enn ki Gouvernman in ganny donasyon pou konstriksyon *kiosk*. So, ESA sa rol se ki i pou *manage* sa landrwa enkli sa bann *kiosk* ki pe ganny konstri. So, sa sonm ki'n ganny met devan i pou parey nou pe dir pou fini serten travay konstriksyon ki a i an deor sa *scope* ki sa kontrakter pe fer.

So sa i prensipalman pou donn koneksyon elektrik. So pou fer koneksyon elektrisite pou fer sistenm *sewage*. E osi pou aranz semen ki ariv lo *site*,

avek prensipalman ki sa bann kiosk i ete pou ki bann biznes ki ganny *allocate* ek tou sa bann *kiosk* zot pou kapab servi sa semen koman en *service road*.

So, i napa okenn envestiser ki apart ki sa kontrakter ki'n *donate* ki pe konstri napa okenn lenvestiser dan proze ankor.

MR SPEAKER

Wi, Onorab. I annan pwen ki pa'n ganny adrese?

HON EGBERT AGLAE

Mersi *CEO*. Sa ki mon pe konpran la se ki zot pe reste avek sa menm plan, aköz ti pou annan *parking facilities* tou bann keksoz ki ti pe ganny mete ansanm. Sanmenm ki mon'n demande, eski *ESA* pe al antre dan tousala li? Ouswa zis en parti sa proze ki *ESA* i pe antre ladan?

MR SPEAKER

Thank you. CEO, ou ti a kontan klarifye?

CEO LISA LAU-TOY

MNA, zis pou klarifye sa site li menm in ganny divize an diferan morso ki apre in ganny *tender*. So, sa bout ki *ESA* in pe okipe i sa bout kot pou annan sa bann kiosk selman. So, sa bann lezot proze ki ou pe dir pou tonm an deor sa

bann *scope* ki *ESA* pou *manage*.

MR SPEAKER

Thank you, CEO. Onorab Hoareau.

HON JOHN HOAREAU

Mersi Mr Chair. Minis, mon oule premyerman remersi ou avek ou lekip ek Gouvernman ki'n kapab fasilite pou nou kapab ganny sa redevlopman lo *Regatta Site*. Minis, mon'n vwar R95 mil ki'n ganny mete anba *Goods and Services (sorry)* anba *new initiative funded*. E sipoze anba *good and services, yes*. And si ou kapab dir nou, kwa sa i *entail*?

Eski nou pou vwar en nouvo form striktir sekirite la? E eski nou pou vwar en *property manager*, ki pou kapab *ensure* ki pou annan lapropte pou annan bann bon lantant ant bann tenant ki zot respekte bann kondisyon ki *ESA* in met devan? Mersi.

MR SPEAKER

Mersi Onorab. *CEO*, *yes*?

CEO LISA LAU-TOY

Mersi Onorab, pou ou kestyon. Parey ou'n vwar dan Bidze I annan sa sonm ki'n ganny mete e i pe al prensipalman pou *maintenance of site*. Ki i pou tonm anba Ladministrasyon *ESA*. Me selman *ESA* pou

outsource sa service. So, as part of bann servis ki pou annan, nou pou annan servis sekirite aköz mon oule on site nou annan sekirite 24 lo 24.

E osi nou oule fer sir ki poudir sites i ganny maintain byen. Savedir nou pou annan osi servis kot pe fer provizyon pou netwayaz e osi maintenance toilet.

MR SPEAKER

Ok, good CEO. Onorab Uranie.

HON ROCKY URANIE

Mersi Mr Speaker. Mon pe get dan program 1, mon war i annan en logmantasyon dan Committee Allowance. Eski i annan nouvo Komite ki'n ganny formen? Oubyen se ki sa bann dimoun menm ki zot allowance pe ganny increase?

Apres kot i annan pou fer avek sekirite ek enforcement, mon war in sorti 180 mil pou vin 540 - en logmantasyon 360 mil. Eski i annan nouvo lakonpannyen sekirite ki zot pe servis oubyen donn nou en leksplikasyon silvouple?

MR SPEAKER

Thank you. CEO, ou a kontinyen.

CEO LISA LAU-TOY

Mersi Onorab pou ou kestyon. Sa Komite ki pe fer provizyon Bidze, anefte Minister pe come up avek en nouvo Lalwa ki i

pou konsern bann prodwir lokal ki ganny fer, i pou apel Seychelles Made. E sa Komite i pou sa Komite ki pou responsab pou fer evalyasyon e lenspeksyon bann prodwir once sa Lalwa i ganny enacted.

Pou dezyenm parti kestyon, sa sonm 500 mil ki ou pe mete sa i pou sekirite Beau Vallon ki nou'n kas li pou vin en sonm 300 mil sa i pou ganny fer dan open tender e si sa cleaning anba Beau Vallon ki nou'n kas li pou vin en sonm 300 mil. Sa i pou ganny fer dan open tender e osi sa cleaning at Beau Vallon ki nou'n met li dan en costing 240 mil ki li osi pou ganny fer lo tender lannen prosenn.

MR SPEAKER

Mersi CEO. Onorab Woodcock.

HON WAVEL WOODCOCK

Mersi Mr Chairman. Minis, mon kestyon an sa ki konsern Seed Capital i annan en increase pou SME Seed Capital pou lannen 2025, sorti 5 milyon 2024 pou vin 7 milyon an 2025. Dan Bidze, in ganny fer resorti ki zot pe review Seed Capital policy pou rezondet ki pou fer ki plis Bidze i kapab ganny akse avek finansman.

Mon kestyon i anba sa revised Seed Capital policy, Eski zot pe ekspekte ki bann sekter, ki bann kategori biznes

ki zot pe ekspekte pou benefisye avek sa *Seed Capital* sirtou avek sa logmantasyon pou *next year*? Mersi.

MR SPEAKER

Mersi. *Thank you. CEO?*

CEO LISA LAU-TOY

Onorab, mersi pou ou kestyon. Parey ou'n fer resorti i annan en logmantasyon dan Bidze *Seed Capital* sorti pou en sonm 5 milyon pou vin 7 milyon pou 2025. Sa i en logmantasyon 2 milyon an plis ki nou pe demande. Sa i apre ki nou'n fer *assessment* espesyalman pou 2023 e 2024, nou war poudir avek sa sonm 5 milyon maksimonm ki en biznes i kapab demande anba *Seed Capital* i R200 mil.

E letan ou met li lo maksimonm, nou kapab asiste selman 24 biznes. So, rezon ki nou pe demann logmantasyon se pou nou kapab ed en pti pe plis bann biznes ki pe demande.

Parey in fer resorti pou le moman *Seed Capital* i viz ver bann sektor bann biznes ki *aligned* avek sektor priyorite ki Gouvernman in mete.

Me selman ankor enn fwa nou pou refer resorti parey nou ti dir lannen pase, nou vwar demann ki annan. Tou bann biznes i konsider zot koman bann *businesses* ki kontinyelman *apply Seed*

Capital. E nou vwar sa i plizoumwen lo bann zil Praslin/La Digue kot zot menm si zot konsider lo Mahe sa bann biznes i ganny konsidere koman *common businesses* lo sa 2 zil, aköz zot grander zil sa bann biznes i ganny konsidere koman priyorite.

Ki nou'n sey fer sa lannen, nou'n asize nou'n vwar ki mannyer nou pou kapab sey *capture* sa bann biznes anba *Seed Capital*. E i fer li en pti pe difisil pou kapab annan keksoz spesifik sirtou ki nou pou dir *common businesses* pou Praslin avek La Digue.

So, travay ki nou pe fer se petet pou revwar bann *scheme* finansman ki nou annan apard ki *Seed Capital* ki apart bann *scheme* finansman ki *DBS* i annan e revwar avek zot an diskisyon ki mannyer nou pou kapab sey re aranz kriter, pou fer ki sa bann biznes zot fason bann laplikasyon pou zot kapab ganny sa bann lasistans finansyer en pti pe pli fleksib ou kapab dir - en pti pe pli *straight forward* rather ki sa bann kriter ki an plas pou le moman.

Me selman avek *Seed Capital* li menm *given* ki i zer ver bann biznes dan sektor priyorite, i en pti pe difisil pou *open li up to common businesses*.

MR SPEAKER.

Thank you, CEO. Onorab Lemiel?

HON SYLVANNE LEMIEL

Mersi Mr Chair. Bonn apre midi CEO avek ou delegasyon. Mon ti a kontan konnen, mwan mon pou vin lo kote reveni ki zot pe mazin anmase.

E zot in fer en *forecast* pou 2025. *Rental of building* 2024 zot ti'n fer en prozeksyon ki zot ti pou anmas R2.2 milyon, me apre dan bann *revised budget* zot in dir 2 milyon. Be an 2025 nou war R4 milyon, petet mon ti a kontan ganny en pe detay lo kote sa bann *building rent* zot pou anmase.

E petet osi konbyen *rent* lo sa bann diferan fasilite ki annan, ki zot pou pe mazin pe anmase? Par egzanp eski i *rent* lo *kiosk*? Eski i *rent* lo kwa ki zot pou anmase ki pe fer zot mazin zot pou ganny R4 milyon dan *Consolidated Fund*? Mersi.

MR SPEAKER

Thank you. CEO?

CEO LISA LAU-TOY

Mersi Onorab, pou ou kestyon. So Onorab, sa *decrease* dan *forecasted revenue* pou 2024, i vin akòz parey mou ti deza eksplike oparavan, boner sa lannen Fon Pansyon ti enform nou

poudir zot pe rebran sit avek nou.

So sa *rental* ki nou ti pe anmase avek sa bann *kiosk* Beau Vallon in fer ki i annan *decrease*, *I'm sorry kiosk* Port Glaud *sorry* in fer ki i annan sa *decrease* dan *forecasted revenue* ki nou ti pe mazine pou 2024. Sa *increase* pou 2025 i vin pou Proze Beau Vallon kot i sipoze annan nu sa 40tenn *kiosk* ki nou pou pe anmas rent avek zot.

Nou pe anvizaze *rent* i komans anmase ver Me koumsa, so pri i varye dapre grander *kiosk*. So, i komans 4 mil ziska -12mil- ziska 17 mil *sorry*. Depandan lo ki kalite servis ki ou pe vin ofer avek ki kalite grander ki ou *kiosk* i ete.

MR SPEAKER

Thank you. Onorab Arissol, Sandy.

HON SANDY ARISSOL

Mersi Mr Speaker. Bonn apre midi lekip ki fek zwenn nou. Mr Speaker mon ti a kontan demann zot 2 kestyon, mon premye kestyon se an relasyon avek kre plis loportinite pou biznes atraver bann *Seed Capital Grant* ki nou tann koz lo la, an menm tan pour ki *ESA* i ganny sa *awareness* ki dimoun ki konn son rol avek son manda, an relasyon avek son travay ki i fer.

Mon ti a kontan demann avek zot dan sa 19 milyon, ki konponan ki annan pou zot ekspoz zot *staff*? Swa lokalman, swa aletranze, pou li osi ganny serten konponan *training* kapasite avek tou lezot *package* ki vin avek.

Pour ki bann *staff* i kapab asiste bann pti biznes, bann pti antreprenner bann zenn ki anvi bouze, pou zot kapab demare zot osi? Dezyenmman mon ti a kontan demann avek zot Mr Speaker, avek *panel*.

Mon kontan letan zot mansyonn *Regatta Site* e mon asire Onorab Hoareau i *proud* pou annan en distrik ki annan en konponan sa ki nou apel *Regatta Site*.

Eski Gouvernman pe mazin kontinyen tap bann laport, pour ki apard Beau Vallon nou annan bann lezot landrwa ki nou kapab troun zot koman *Regatta Site*? Par egzanp en landrwa letan nou mazin Au Cap kot i byen frekante, Anse Royale, Takamaka en legzanp, Beau Vallon ek Bel Ombre mon annan Marie Laure.

Eski Gouvernman pe mazin en pe dan sa laliny kot nou annan sa bann lenfrastruktir e i annan plis larzan ki ganny anmase, e sa bann larzan i kapab servi pou ed bann zenn ki anvi demare a

lavenir? Mersi bokou Mr Chair.

MR SPEAKER

Thank you. CEO?

CEO LISA LAU-TOY

Onorab, mersi pou ou kestyon. Mon ava reponn ou dezyenm kestyon avan apre mon ava retourn lo ou premye kestyon.

Pou sa dezyenm kestyon, wi, nou annan proze en pti pe parey Beau Vallon ki nou pe fer. Nou annan anfeffe proze, nou annan enn Praslin Proze Amitie, ki apre nou annan en lot ankor Cap Samy, ki parey Minis ti vin eksplike detruwa semenn pase dan Lasanble, Amitie bann travay *survey* pe ganny fer.

E Cap Samy osi nou pe zis finaliz bann dernyen keksoz avek *MLH*, avan nou kapab komans *allocate* bann biznes avek lespas pou zot komans zot biznes.

Pou retourn lo ou premye kestyon, ou pou war poudir i annan en logmantasyon dan *overseas air fares and subsistence allowance for staff*. E sa i prensipalman aköz nou oule donn *staff exposure* avek *training* aletranze, *workshops* avek *trade fairs* ki fer.

Ankor enn fwa avek bi pou kapab develop zot kapasite e pour an menm tan ki zot

ganny leksperyans pou zot kapab asiste nou bann biznes isi.

MR SPEAKER

Thank you, CEO. Onorab Cosgrow?

HON WALLACE COSGROW

Mersi Mr Chair. Bonn apre midi tou bann ki fekwenn nou, Mr Chair, mon kestyon i baze en pti pe lo sa ki Onorab Woodcock in demande, me selman mon ti a kontan petet elabor en pti pe lo la.

An sa ki konsern *Seed Capital*, nou konnen ki petet zot pou probableman i annan apepre 7 an la depi ki in lanse. E depi sa mon krwar nou'n bezwen aprann serten, pa lesan me selman nou'n bezwen annan serten nide lo ki mannyer i pe performen, ki bann ki mannyer bann dimoun ki'n pran sa pe performen.

Mon ti pe gete si zot napa okenn nide ouswa okenn lezot *scheme* ki zot anvizaze met an plas, ki spesifik avek serten domenn, par egzamp serten *startup*? Bomaten ler mon ti pe koz avek *SIB*, *CEO SIB* i dir ek nou koumsa ki poudir, tou bann keksoz ki zot gannyan bann *proposal* ki zot gannyan, pa tou me mazorite, i dan *tourism*.

So petet ou annan en nesesite pou nou komans

incubate bann pti biznes dan bann lezot domenn, pour ki zot ava kapab garde e demen bomaten kapab *submit* en *project proposal* ek *SIB* ki pa relye ni ek *fisheries* ni ek *tourism*.

So eski i annan serten demars zot pe fer dan sa laliny atraver sa Bidze? E dezyenm, an se ki konsern, mon'n war enn zot *challenges* ki dir poudir -mon pe rod li en kou la- ki dir ki poudir piblik pa trop- bann kliyan pa tro, tro konpran en pti pe ki rol *ESA*.

So eski dan zot Bidze zot in fer serten provizyon pou fer serten travay edikasyonnel, pour ki bann kliyan, bann dimoun ki servi zot servis, i konnen vreman kwa ki rol *ESA*, ki kategori biznesmenn ki li i dil avek? So si zot in fer sa? Mersi.

MR SPEAKER

Thank you. CEO, please go ahead.

CEO LISA LAU-TOY

Ok, Onorab, mersi pou ou kestyon. Onorab anfe lannen pase 2023 nou ti *review policy Seed Capital* spesifikman pour nou, apre ki nou ti war poudir oparavan i ti ouver pour sa ki nou apel *common businesses*.

So, i ti napa vreman sekter spesifik me ou ti en nenport ki biznes si ou ti

bezwen en lasistans finansyel ou ti vini ou ti *apply*; si ou ti met kriter ou ti *apply* e ou ti kalifye. E nou ti vwar poudir i kontinyelman annan menm kalite biznes ki nou war zot pe *apply*.

E Gouvènmman letan i ti fer son Polisi pou fer *priority sectors*, se sa rezon ki nou ti *review Seed Capital* koman en fason pou nou ed bann *startups*, pou zot viz ver sa bann *priority sectors* e *come up* avek bann nide en pti pe pli inovativ e diversifye ki kalite biznes ki zot pe fer.

E se pour sa rezon ki ou war poudir malgre nou ganny nou en kantite laplikasyon pou *Seed Capital*, me selman a lafen dizour pa bokou biznes ki kalifye, ki pas premye *round* evalyasyon plito, akòz senpleman ki i ankor annan bokou zot ki ankor pe annan sa panse poudir ki en nenport ki biznes ki kapab- ki kapab *apply*.

So ki nou pe fer nou pe met en pti pe plis lanfaz, en pti pe plis sansibilizasyon e en pti pe plis *awareness* pou nou fer sa bann biznes, oubyen okenn dimoun ki annan okenn lentansyon pou komans en biznes pou konnen poudir i annan sa bann sektè priyorite.

E nou, nou pe ankouraz zot pou al viz ver sa bann sektè priyorite *rather than*

pou konsantre lo sa ki nou apel *common businesses*. Sa premye.

Dezyenm *challenges* ki nou fer avek, wi, parey nou fer resorti poudir lamas nou kapab dir poudir dimoun pa ankor ganny en konpran vreman sa diferans ant *ESA* avek *SENPA* bokou dimoun i ankor krwar poudir *ESA* i ankor annan sa menm fonksyon ki letan i ti *SENPA*. E plizoumwenn zot pe panse poudir i target pou Sektè Artizanal prensipalman.

So dan Bidze ou pou war poudir i annan en logmantasyon an term dan *program 3* kot *business development* kot nou pe anvizaze fer en pti pe plis bann *awareness*.

E sak fwa en keksoz ki nou pe vin avek pou lannen prosenn, se ki sak fwa nou pe fer aktivite, nou anvizaze al lo medya pou eksplik dimoun poudir sa aktivite ki nou pe fer i anliny avek nou manda, ki bi se pour promosyon e devlopman biznes pou sey fer dimoun ganny en konpran menm bann biznes ki la an operasyon poudir, manda *ESA* in sanze i nepli sa ki zot ti pe panse poudir i *SENPA*.

Mon krwar osi akòz petet nou lofis i ankor sitye kot in toultan ete depi ler in *SIDEC* in *SENPA*, *ESA* i la ki dimoun i ankor pe pans li dan sa fason.

Be selman nou pe seye travay lo bann program pou nou sansibiliz manm piblik, bann biznes osi pou konnen ki rol e fonksyon *ESA*.

MR SPEAKER

Thank you, CEO. Onorab Labrosse.

HON RICHARD LABROSSE

Mersi Mr Speaker. Bonn apre midi Minis, ankor enn fwa e bonn apre midi *ESA*. Minis, ler mon'n ekout *CEO* depi i pe donn son bann larepons vreman efikas la apre midi e i pe montre nou osi ki *SENPA* pe travay vreman serye dan proteksyon nou bann zenn, pti biznes.

MR SPEAKER

ESA.

HON RICHARD LABROSSE

ESA I mean, Mr Speaker, *sorry,* mwan osi mon al lo *SENPA*. Mr Speaker, mwan mon ti a kontan demann *ESA* ozordi apre midi la ler nou pe koz lo tousala, nou'n vwar *Seed Capital*, nou'n tann zot pe koz en pe lo zot bann fonksyon ki mannyer pou fer dimoun konn zot en pti pe plis.

Mwan mon ti a kontan konnen si dan sa Bidze ki nou pe al vote la, eski i annan en larzan osi ladan kot zot kapab osi met lo *training* ek bann dimoun ki i pe vin *apply* bann

prodwi ki ot annan parey *Seed Capital* i enn ki mon'n nonmen, pou zot konn vreman kwa ki zot pe al ladan konmsi.

Mon dezyenm kestyon Mr Speaker, i pou refer lo mon kestyon ki mon ti demann Minis dan Lasanble lo kote lespas pou lazenes oubyen bann dimoun fer biznes. La mon ti pe target kot Codevar.

E mon pe gete dan sa Bidze la ki nou pe al vote osi Mr Speaker, si i annan en larzan ki zot in mete pou komans travay osi pou vwar en pe fasilite ki zot annan kot Codevar, lespas pou *accommodate* plis biznes? Mersi Mr Speaker.

MR SPEAKER

Mersi Onorab. *CEO*, ou a pran laparol, wi?

CEO LISA LAU-TOY

Mersi Onorab, pou ou kestyon. Onorab annefe *training* i form par en konponan *Seed Capital*. So tou bann biznes ki kalifye pou *Seed Capital*, zot bezwen fer en *training* ki mandatwar ki zot *attend* avan ki *disbursement* i kapab ganny fer.

So sa lannen, boner sa lannen *ESA* nou'n siny en *MOU* avek Liniversite Sesel e se Liniversite Sesel ki delivre sa *training* pou nou avek bann kandida ki'n *successful* pour *Seed Capital*. Me selman

training i pa zis senpleman pour bann dimoun ki'n *successful*, pou bann biznes ki'n *successful* pou *Seed Capital*.

Me selman nou osi kot nou ganny loportinite pou nou fer *training*, pou nou *provide training* an kolaborasyon avek bann lenstitisyon nou fer li.

E annefe nou'n fer en diskisyon avek Guy Morel *Institute*, pou nou regarde pou lannen prosenn ki bann diferan *training* ki zot kapab travay lo la pou asiste nou, pou fasilite pou nou plito kot nou, nou kapab target bann sekter, oubyen bann *areas* ki nou war poudir i annan en defayans pou nou kapab asiste bann biznes.

Lo ou dezyenm kestyon lo alokasyon lespas, parey nou'n deza fer resorti- mon war ou fasinen avek sa topik *Camion Hall* akòz i fer detrwa fwa ki nou vin dan Lasanble ou demann nou sa kestyon lo *Camion Hall*; *Camion Hall* i ankor en- parey nou ti pe dir ou i ankor en legzersis ki nou pe fer.

Parey nou'n dir poudir letan nou, nou ti vini i pa'n vreman annan - *ESA* pa'n annan en Polisi ki mannyer alokasyon lespas i fer. E pou nou kapab regarde ki mannyer nou pou fer avek bann dimoun ki deza la bann *tenants* ki deza la, nou bezwen annan nou an

plas en bon *framework* poudir ki nou ganny en konpran vreman.

Camion Hall li menm li i ti ganny konstrir pour ki *purpose*, sa bann dimoun ti ganny *allocate* la pour ki *purpose* ki bann kondisyon ki ti vin avek letan zot ti ganny *allocate* sa landrwa?

An menm tan nou osi nou pe fer sa legzersis kategorizasyon pou nou ganny en konpran, depi ler sa bann dimoun in antre, zot ti antre koman mikro e kantite zot ki'n bouze ki'n vin *small*, ki kantite zot ki'n bouze ki'n vin *medium*.

So *once* nou'n fini tou sa legzersis e mou kapab annan en proper *framework*, *then* nou pou kapab al devan avek *Cabinet* pou nou dir poudir be la nou annan en *framework* ki mannyer alokasyon lespas i fer.

Pou bann nouvo sit ki nou pe antreprann par egzanp Beau Vallon, li nou'n deza pe travay lo serten kondisyon. Parey nou'n eksplike oparavan Beau Vallon nou ti fer alokasyon lespas *through expression of interest*.

So, ti annan en set kriter ki ti mete biznes ti *apply* e si ou ti *meet* sa kriter ou ti ganny ou pwen ou'n ganny- ou kalifye pou ou ganny en *kiosk*. So en pti pe dan sa bann nide bann kondisyon ki vin avek ki nou pou met an plas avek

Beau Vallon, ki nou osi nou pou servi bann menm model pou bann sit kot nou pe administre.

Me par en legzersis ki nou pou fer ozordi pou landmen; i pou pran en bon pe analiz pou nou fer pou nou kapab prezant byen poudir *going forward this is bann proposal* ki nou pou mete pou bann sit ki deza an plas ki nou pe administre.

MR SPEAKER

Thank you, CEO. Onorab Pillay.

HON SEBASTIEN PILLAY

Mersi Mr Chairman. Mr Chairman, mon oule retourn lo larepons ki nou'n gannnen from *ESA* zisteman *regarding* sa size kot zot bezwen fer bann aktivite promosyon, pou fer bann dimoun konpran.

E ler mon regard anba program 3, i sa *business development and intelligence in promotion* - nou vwar poudir Bidze in desann par rapor 2024 e in annefe sorti 4 milyon pou vin 3.4 milyon.

E prezan ler mon vin anba kot son *facilities for events*, mon war in sorti 1 milyon pou li vin 203 mil, me selman nou'n ganny dir poudir zot pou ogmant aktivite, zot pou ogmant bann keksoz.

So premye kestyon ki mon ti ava kontan demann ou,

se ki mannyer ou pou fer li si sa Bidze in desann? Eski sa i Bidze ki zot ti bezwen zot ti pe rode pou zot fer sa travay? Oubyen eski sa i Bidze ki zot in finalman gannnen ek Minister Finans par rapor - *I mean* an diferans avek Bidze ki zot ti'n demande? Sa i mon premye kestyon mon ti a kontan ki zot klarifye.

Dezyenmman Mr Chairman, ler mon'n ekout CEO, an sa ki konsern *Seed Capital*, mon'n osi regard *alongside* sa bann *statement* ki CEO in fer, lo bann diferan aktivite ki'n *involve* bann biznes.

E par egzamp pou 2023 i ti annan en target 24 biznes ki ti pou vin pou *apply* e ti annan 36 finalman ki ti kalifye, 2024 in annan zis 24 be nou napa statistik pou montre nou konbyen ki'n *actually* kalifye pou finalman pou 2024 konmsi an tou.

Me la *next year* nou pe target 48 lo en 10 milyon. E ler mon'n ekout ou nou pe koz ankor enn fwa *priority sectors*, e mon ti a kontan petet si Minis ti a kapab ed nou ek sa larepons osi. Si ou pe *still focus* lo *priority sectors*, ki mannyer alors ou pou diversifye baz biznes?

Ou pe retourn *back* ou pe met larzan dan *Seed Capital* pou *priority sectors*, me selman *the whole concept* lo sa

Minister se *diversify* dan *economic base*.

E mon dernyen kestryon Mr Chair, ki si ou a permet mwan eski Minis i kapab dir nou si zot annan lenformasyon, lo konbyen bann pti biznes la nou'n vwar 24 in kalifye.

So, lo konbyen bann pti biznes zot annan en *register* bann pti biznes konbyen ki'n ankor an loperasyon e konbyen ki'n arete *for the past say 4 an* par egzantp *or past year* konmsi? Mersi Mr Chairman.

MR SPEAKER

Thank you, CEO, please?

CEO LISA LAU-TOY

Onorab, mersi pou ou kestryon. Pou ou premye kestryon ou parey ou'n dir i annan en *decrease* apepre 1milyon *from* sa lannen 2024 to lane prosenn 2025, sa i aköz dan Bidze sa lannen i annan en *EXPO* ki nou pe fer anefer en *EXPO* i komanse semenn prosenn, kot nou pe fer en *EXPO* avek delegasyon Sinwan.

Ankor enn fwa avek bi pou asiste bann biznes pou vin pli inovativ. So dan nou rol koman promosyon avek devlopman nou pe organiz en *EXPO* 3 zour ki pe fer kot Lotel Berjaya, kot i pe target diferan sekter ki nou pe fer bann

delegasyon sorti Lasin vin avek bann diferan kalite lekipman ki pou kapab ed bann biznes.

Espesyalman bann biznes ki nou konsider zot koman *micro* avek *small businesses*, pou montre zot en pti pe bann nide inovativ ki egziste ki pou kapab ed zot pou devlop zot biznes.

So aköz sa lannen i annan sa *EXPO*, sa ki'n fer ki i annan sa dan pou 2024 i annan sa sonm 1 milyon an plis ki 2025 ki nou napa *EXPO* ki li i annan sa *decrease* 1 milyon.

Pou al lo ou dezyenn kestryon lo *Seed Capital* ankor enn fwa. Pou 2023 nou ti annan nou 36 biznes ki ti kalifye pou *Seed Capital* e 2023 nou'n kapab asiste 36 biznes, pou la senp rezon ki 2022 ti reste en larzan ki pa ti'n fini lo sa sonm 5 milyon. So sa larzan in *carry over* pou 2023 kot nou'n kapab asiste 36 biznes.

Pou 2024, nou annan nou 29 biznes ki'n kalifye, e se pour sa rezonn ki nou pe demann en logmantasyon aköz lo sa milyon parey nou dir si tou biznes i demann 200 mil. Maksimonm ki nou kapab asiste i zis 24 biznes aköz letan *DBS* i tir son sarz labank, i vedir poudir ki nou pa ganny nou sa 5 milyon ron pou nou kapab asiste biznes avek.

Mon krwar mon'n mank enn ou kestyon Onorab, si ou pa *mind* zis re-

MR SPEAKER

Wi, dernyen kestyon pri biznes ki'n fermen mon krwar.

HON SEBASTIEN PILLAY

Ya, i annan sa lenformasyon ki mon oule konnen lo konbyen biznes ki'n frenmen e si zot annan en *register* bann biznes ki dan sa sekter, *micro, medium to small enterprises*?

Pou nou kapab ganny en nide ki mannyer sa sekter pe fer. E pour Minis mon ti pe demann Minis pou reponn lo sa size *given* ki *Seed Capital* pe *priorities priority sectors*. Ou konpran? E nou pe koz lo *diversification*.

So eski sa i en keksoz ki pou kontinyen, oubyen zot annan lentansyon sanze pou *allow* lezot sekter antre ladan? Ki nou kapab ankouraz maksimonm biznes pou partisipe. *That was the question* ki mon annan. Mon annan en *follow up* apre baze lo larepons ki mon gannnen.

Sa pa - mon 2 kestyon pa ankor ganny reponn Mr Chairman.

MR SPEAKER

Wi-wi. Wi, mon krwar CEO oubyen *panel* i a pran la. Yes CEO?

CEO LISA LAU-TOY

Onorab, mon a reponn sa pou sa kantite biznes apre Minis i ava reponn sa lot bout kestyon. Ou pou vwar dan Bidze sa lannen nou'n fer en demann pou nou ganny alokasyon R300 mil ki al ver en *database* ki sa i pou ed nou rikord lenformasyon ki nou ana lo *micro, small* avek *medium enterprises*.

Pour le moman nou bann lenformasyon ki nou pe rikorde, i dan fason *manual excel* e nou fer li an relasyon kolaborasyon ki nou gannnen avek SRC. So pou le moman nou annan nou en *figure* ant zeneral letan nou pou koz lo *SME - so micro, small medium enterprises* nou annan nou apepre 10 mil 300 biznes ki tonm dan kategori *micro, small* ek *medium enterprises*.

Me selman i enportan pou fer resorti, poudir sa i bann biznes ki bann *tax paying businesses*, so i annan posibilite ki i annan en konponan biznes deor ki ban ki pa neserman pey *tax*, ki nou apel zot *informal sector* ki zot, zot pa pe ganny *capture* dan sa *figure*.

So se pour sa rezon osi ki nou, nou pe fer sa demann pou nou kapab ganny en *database*, aköz *unfortunately* ESA malgre son manda i promosyon devlopman biznes e en konponan Ladan se ki

nou annan sa *unit business intelligence* nou pe napa en *database* pou nou travay avek.

So tou lenformasyon ki nou pe rekolte, nou pe anmase nou pe fer li *manually* e nou pe *store* ki dan en *excel*.

So, i enportan pou nou kapab annan nou en *proper system* ki nou kapab pe rikord sa bann lenformasyon e ki i fasilite nou louvraz osi letan nou lyez avek bann lezot antite parey SRC, menm *licensing* pou nou demann zot statistik ti pli fasil pou nou kapab anmas sa bann lenformasyon ki dan sa fason ki nou pe fer li konmela. So, mon a pas avek Minis.

MR SPEAKER

Wi, Minis, ou a pran laparol?

MINISTER DEVIKA VIDOT

Mersi Mr Speaker. Pou mwan reponn kestyon Onorab Leader Lopozisyon ki ti pe konsern *priority sectors*.

Onorab, nou travay avek en *National Development Strategy*. Sa in ganny antreprann par Minister Finans, kot koman en Gouvernman nou'n met ater ki bann sektè priyoriter, kwa ki nou pe priyoritiz pour ki non selman resours finansyel i al ladan, me osi resours imen, tou nou resours koman en Gouvernman kote kot *focus* pe ale.

I annan byensir lo nou kote espesyalman, anliny avek manda nou ki Minister, i annan bokou lanfaz kot nou le met lo linovasyon e valer azoute. E sa i ganny reflekte klerman dan Polisi *Seed Capital* pou ESA.

Nou pe siport en stratezi kot nou pe ankouraz prodiksyon lokal, kot i ava annan plis keksoz ki ganny prodwir Sesel, ki nou ava annan rezilta sa enport mwens; osi byen ki fer plis prodwi ki nou kapab byensir viz a leksportasyon. So sa sektè i en sektè ki nou pous bokou e i en sektè ki ganny siporte letan bann dimoun i vin fer zot aplikasyon.

Me parkont i annan byensir bann sektè ki nou'n fini investir bokou ladan, me ki nou pe dir? Nou pe dir nou pa oule *focus* lo bann menm, menm aktivite me annou regarde ki mannyer nou diversifye sa bann aktivite.

Alor Onorab, parey mon'n eksplike bomaten nou ankor bezwen aprezan la pe travay lo sa bann keksoz, kot mwan mon santi personnelman kot Gouvernman lepase in *fail* nou, nou pe met nou- la aprezan ki nou pe met keksoz an aplikasyon e nou pa pe retourn an aryer. Mersi.

MR SPEAKER

Thank you. Ou ankor annan en kestyon Onorab?

HON SEBASTIEN PILLAY

Definitivman Mr Chairman, mon annan en kestyon. Prenon kont ki sa ki Minis in dir nou vizavi bann sektè priyorite, e tou son bann leskiz ki i kontinyen donn nou lo lefase.

Kestyon ki mon annan pou li se ozordi vi ki zot napa en *database*, sa ki nou, nou pe gannnen ek dimoun la deor se ki pti biznes sirtou sa kalite biznes i an difikilte. Zot pe rankontre problem pou ganny kapital. E si *Seed Capital* i konsider zis bann *priority sectors*, sel opsyon pou sa bann biznes se al kot bann Labank Komersyal ouswa al rod lezot sours finansman.

E ler zot al kot bann lezot Labank Komersyal, zot bezwen met an, ganny demande pou annan bann sekirite tou sa annan keksoz ki pou bezwen ganny met an plas. *Now*, Minis Finans in dir nou poudir akse avek kredi in ogmante me pousantaz akse ek kredi pou *small* biznes nou napa lenformasyon lo la.

So dan tou sa Bidze ki nou pe vote pou donn en Minister sa bann larzan, nou ti a kontan konnen si i annan travay ki pe ganny fer pou etabli an deor bann sektè priyoriter *Seed Capital* pou

capture? An relasyon ek sa si i annan en fason pou zot capture ban lezot biznes ki pe rod kredi, oubyen ki an difikilte e pou nou konnen vreman si sa portre ki bann pti biznes pe dir nou i dan problem?

Si non sa ki mon pou krwar Mr Chairman, se ki zot pas zot letan al kaz *kiosk* lo lans ler manrmay ti sey komans debourye. Ou konpran? Mon pa anvi fer politik, me selman Minis i obliz mwan dir sa bann keksoz. Ou konpran?

MR SPEAKER

Ok, ou'n pas lo sa pwen mon pa konnen si...

HON SEBASTIEN PILLAY

So, sa ki mon anvi konnen. Mon anvi konn sa bann lenformasyon aköz mon pe note sa bann lenformasyon.

MR SPEAKER

Ok, re-. Minis ou ana okenn keksoz pou azoute?

MINISTER DEVIKA VIDOT

Wi, Mr Speaker, mon bezwen eksplik avek Onorab *Leader* Lopozisyon ki kalite Gouvernman fou ki nou koz lo en sektè- nou koz lo kwa ki nou pe al devlope dan bann sektè apre selman nou pou ale nou pou met resours lo

bann lezot aktivite ouswa bann aktivite tradisyonnel?

Nou pe dir nou pe siport diversifikasyon. Be ki mannyer nou pou ale- ki mannyer en Gouvernman ki'n fini fer sa kalite komitman akoz ou pa'n fer dan lepase ki nou bezwen fer li ozordi nou pou ale nou pou al re investir dan bann sekter tradisyonnel?

Lo nou kote nou bezwen fasilitasyon ki nou ofer.

HON SEBASTIEN PILLAY

(Off-Mic)

MR SPEAKER

Onorab, ekoute ou'n demann kestyon.

MINISTER DEVIKA VIDOT

Akse avek finans ki nou pe donnen i bezwen anliny avek plan Gouvernman.

(comments off-mic)

MR SPEAKER

Order! Order!

MINISTER DEVIKA VIDOT

Mr Speaker, mon krwar mon ava aret lanmenm parske si mon kontinyen pou ariv en diskisyon, zot pou *walk out*. Mersi.

MR SPEAKER

Non, Onorab, seryezman...

HON SEBASTIEN PILLAY

Be non, napa personn ki pou *walkout*! Napa personn ki pou *walkout*, fodre ou reponn kestyon byen!

(Interruption)

MR SPEAKER

Order! Seryezman...

HON SEBASTIEN PILLAY

Ou pa kapab *starve* biznes - pa donn biznes...

(comments off-mic)

MR SPEAKER

Seryezman, mon krwar Minis in adrese ou kestyon. Mon'n konpran li ki i pe dir... Onorab Georges, ou ti pe al lev en *point of order*? Wi? Ale Onorab, seye.

HON BERNARD GEORGES

Mon ti annan 2 *point of order*. Mr Speaker, mon *point of order* i senp. Mon tann Onorab Pillay fe dir, "sa bann Bidze ki nou pe vote" - be mwan depi bomaten mon pa ankor war zot pe vot lo okenn Bidze mwan.

(laughter)

HON BERNARD GEORGES

E zot pa pou vot lo okenn Bidze ankor. *Mis-leading The House* Mr Speaker!

HON SEBASTIEN PILLAY

Sa i apel en gaspiyaz letan.

MR SPEAKER

Mersi. Onorab Vidot, ou kestyon.

HON AUDREY VIDOT

Mersi Mr Speaker. Mr Speaker, mon oule elarzi kestyon ki Onorab Labrosse ti'n demande pli boner an referans avek lespas kontrent lespas pou pti biznes. E vi ki zot pe koz zot oule fer diversifikasyon dan bann biznes, mon ti pe regarde avek sa Bidze, si zot osi pe fer provizyon - prenon kont ki resaman i annan serten lokasyon swa dan lavil oubyen an deor lavil, kot i annan sa kontrent lespas kot bann dimoun pe ganny demande pou swa sorti akòz landrwa pa ideal pou zot kontinyen fer sa biznes. Oubyen lespas i limite. Eski zot pe osi donn legzanp parey dan bazar, dan lavil?

Eski zot pe osi konsider rod landrwa atraver Bidze, pou regarde ki mannyer zot kapab osi kre loportinite pou ki sa bann dimoun ke pe rod lespas pou zot kapab kontiny zot biznes e menm elarzi zot ganny sa loportinite pou fer li? Mersi.

MR SPEAKER

Thank you. CEO, ou adrese?

CEO LISA LAU-TOY

Onorab, mersi, pou ou kestyon. Wi, parey ou'n fer resorti poudir alokasyon lespas i reste en kontrent ki bokou biznes i fer fas avek. Dan Bidze la nou napa alokasyon spesifikman pou provizyon lespas. Me selman parey nou'n fer resorti poudir avek proze Beau Vallon i enn apre Praslin, sa 2 proze ki pe vini i osi en komansman.

Me selman an mezir ki nou osi nou antre an negosyasyon avek Minister Later ouswa Minister Gouvernman Lokal, kot nou war poudir i annan lespas kot nou kapab servi, pou asiste biznes nou kontinyen reste angaze pou fer li. Me selman spesifikman pou 2025, nou napa okenn alokasyon Bidze spesifik pou alokasyon lespas.

MR SPEAKER

Thank you. Onorab Aglae, kestyon.

HON CONRAD GABRIEL

Mersi Mr Speaker. Dan zot *current challenges bullet point* limero 5, pe ganny '*difficulty in getting tenants to use for the payment method such as bank transfer and point of sale rather than cash payment,*' Mon ti ava zis kontan konnen petet kwa ki zot pe al fer avek sa Bidze ki zot in gannnen pou kapab rezourd sa problem ki paret en gro challenge.

And then mon dezyenm pwen dan zot P1 'Governance Management and Administration i annan dan minor capital acquisition of support systems i ganny 300mil zis donn nou Lasanble en pe detay kisisa bann support equipment. E pou ed zot dan ki laliny.

MR SPEAKER

Thank you. CEO ava adrese, yes please.

CEO LISA LAU-TOY

Onorab, mersi pou ou kestyon. Parey nou'n fer resorti poudir nou ganny difikilte avek nou bann tenants, espesyalman nou bann tenants ki en pti pe pli aze, pou zot kapab servi lezot metod peyman alternativ apart ki cash.

Parey nou vwar i annan bokou lanfaz kot pe ganny mete pou servi bann lezot peyman. Me selman letan ou annan ou bann tenants ki en pti pe aze, i en pti pe difisil pou fer zot konpran ki mannyer pou servi lezot peyman, apard ki vin kot nou lofis pou fer sa peyman cash fizikman.

Nou osi letan nou pe revwar nou bann process internal nou oule otan ki posib sey redwir ki kantite cash ki nou pe handle par zour. E ankouraz nou bann tenants

pou servi bann lezot peyman alternativ.

Dan Bidze i napa vreman provizyon ki nou pe travay lo en keksoz spesifik. Me sa i vin plito anver bann ledikasyon awareness ki nou pe fer. Parey mon pe dir ou nou ganny sa difikilte en pti pe plis avek nou bann tenants ki en pti pe pli aze, ki pa neseserman ofe avek bann sistenm teknolozi, konpare avek bann lezot tenants ki zot, zot en pti pe pli ofe avek bann lezot peyman.

So sa nou pe kontinyelman pe travay avek zot. Parey nou annan zot ki nou pe eksplik zot poudir zot kapab al kot zot labank, fer labank fer Standing Order direktteman pou zot kapab pey zot rent. Me parey mon pe dir sa i en legzersis kontinyel ki nou pe fer, ki plizoumwon lo awareness ki nou pe fer avek sa bann dimoun spesifik.

Ou dezyenm kestyon lo software, i spesifikman sa database ki nou ti pe koz lo la pli boner ki nou ti pe demann alokasyon Bidze R300 mil, pou nou kapab purchase en database, ki pou asiste nou unit business intelligence pou nou kapab anmas lenformasyon lo bann pti e mwayen biznes. Mersi.

MR SPEAKER

Thank you, CEO. Bon, nou'n terminen avek kestyon. In ariv ler pou vote. Mon ava apel bann Manm pou vot lo Bidze pou Enterprise Seychelles Agency pou en total R19 milyon 681 mil, Manm, ki an faver lev lanmen silvouple? Mersi. Manm ki vot kont? Thank you.

Lo Bidze pou Enterprise Seychelles Agency pou en total R19 milyon 681 mil 19 Manm in vot pour, 0 Manm in vot kont e 8 in abstain. Bidze in aprouve par Lasanble. Mersi bokou.

Bon, sa i termin nou travay pou ozordi. Wi, mersi. Nou annan en vot lo Seychelles Bureau of Standards ki lo paz 553 ziska 560 pou en total R32 milyon 5 mil. E parey koutim Miss Tamatave, pou donn en pti apersi lo sa Bidze. Minis ki donnen? Yes, go ahead Minister.

MINISTER DEVIKA VIDOT

Mersi Mr Speaker. Briyevman, parey ou'n fer resorti Mr Speaker, Bidze pou Biro Standar Sesel ki nou pe prezant avek Lasanble Nasyonal, i pou en sonm R32 milyon 5 mil sa i pou lannen 2025. Letan ou regard sa sonm Mr Speaker, i reprezant en logmantasyon anviron R3.704 milyon.

E sa i vize ver bann depans ki pou al pou amelyor servis sa antite. E osi al anver builder bann kapasite ouswa training pou bann staff. Mersi bokou.

MR SPEAKER

Onorab Pillay, mon pa konnen ou'n lev lanmen mon pa konnen pou ki rezon. Normalman nou pa demann kestyon lo sa bann heads, nou vot lo sa Bidze.

HON SEBASTIEN PILLAY

Nou ti agree ki si zot pa vini nou kapab demann kestyon Finans. That is what we agreed on.

(comments off-mic)

MR SPEAKER

Nou a vot lo sa Bidze pou Seychelles Bureau of Standards. Manm ki vot pour lev lanmen silvouple? Mersi. Manm ki vot kont? Thank you. Lo Bidze Seychelles Bureau of Standards pou R32milyon 5 mil, 20 Manm in vot, 0 kont, 8 in abstain. Mersi, sa Bidze in aprouve.

E se a se moman ki nou'n ariv a lafen nou konsiderasyon bann antite pou ozordi. Avan mon close, mon krwar nou annan labitid anons bann Antite ki vin devan Lasanble demen. E nou annan Judiciary, Electoral

Commission, Seychelles Human Rights Commission, Curatelle Office, Office of the Ombudsman. Zot a remarke ki ti annan Office of Auditor General lo lalis.

Me parey mon'n eksplike dan mesaz pou bann *leaders*, e mon mazine ki zot in enform zot *Caucus*, dapre presedans parey nou abitye fer, nou pa pran Bidze *Office of the Auditor General* an konnesans son lendepandans. So nou pe gard sa pratik. Donk, la i la bann antite ki devan Lasanble demen.

Mersi bokou Minis ek bann zofisye ki avek ou. Nou swet zot bon depar, bonn kontinyasyon. E mersi bann Manm pou zot kestyon, zot lentervansyon. Lasanble i ava *adjourn*, e nou a rebran demen *matin 9 er*.

(ADJOURNMENT)

